



VITÆ HVMANÆ  
PRO SCENIVM  
sub Persona  
GVSMANNI ALFARACII  
*representatum.*  
CASPARE ENS editore.

DANTISCI,  
Sumptibus Georgii Försteri,  
S. M. R. Bibliopole,  
M. D. C. LII.  
*Cum Privelegio S. M. R. Polonie  
et Suecie.*



VAI 1532574



PROSCENII  
VITÆ HUMANÆ,

*Pars Secunda.*

IN QUÀ  
SUB PERSONA  
GUSMANI ALFARACII

miræ fraudes, quibus tam ipse alios  
decepit quam ab aliis deceptus est;  
tum varii in vita hominum Even-  
tus repræsentantur.

*Opera & studio*

GASPARIS ENS L.



DANTISCI  
Sumptibus GEORGII FORSTERI.

## LECTORIS.

**R**edit ad te Gusmanus, sed robustior, cum robustioribus nequitiiis non ut imitari, sed cavere discas: simul vanitatem rerum humanarum cognoscas. Quod si gratum hunc meum laborem Lectoribus fore intellexero: Deo vitam & valetudinem suppeditante, Tertiam partem addam, non minus jucundis & notatu dignis eventibus ac historiis insignem. Severæ nimis frontis illos Catones non valde moror. qui paullo æquiores fuerint, institutum nostrum si non magnopere laudabunt, saltem non reprehendent. Vale Lector & fruire.



# INDEX CAPITULI.

**P**ROOEMIUM in quo scopus Autoris declaratur. fol. 1

**CAP. I.** Gusmannus Oratori Gallico operam præstat, quæque in eo ministerio sibi acciderint narrat. 5

**CAP. II.** Narrat Gusmanus quibus in rebus Oratori hero suo operam præstiterit. Differit de scurris & aliis voluptatum ministris. 36

**CAP. III.** Gusmanus fabula vulgo factus, Roma relicta, Florentiam se confert. Ab impostore magna peculii parte spoliatur. 48

**CAP. IV.** Gusmanus amisso peculio Florentiam proficiscens, Sajavedram impostorem obvium habet, & ministri loco suscipit. 67

**CAP. V.** Florentiæ descriptio. 72

**CAP. VI.** Florentia discedit Gusmanus. Alexandro dicam impingens, in vincula conjicitur. 80

**CAP. VII.** Carcere liberatus Gusmanus de injustitia, quæ hodie multis in tribunalibus dominatur, disserit. 95

**CAP. VIII.** Gusmanus chartarum lusu damnum refarcit. Bononia Mediolanum se confert. 103

**CAP. IX.** Sajavedra in itinere vitæ suæ historiam Gusmano narrat. 112

**CAP. X.** Sajavedra Mediolani in popularem quemdam suum incidit, mercatoris ministrum ejus ductu & suggestu Gusmanus astutissimum furtum committit. 129

# I N D E X.

C A P. XI. Gusmano belle succedit furtum. Aquilera promissa data portione, cum Sajavedra Genuam abit.	144
C A P. XII. Genuam profectus, astutissimæ malitiæ telam orditur.	155
C A P. XIII. Opimis onustus spoliis Gusmanus cum Sajavedra in Hispaniam navigat.	169
C A P. XIV. In Hispaniam navigans adversa tempestate jactatur: cujus vi alienatis sensibus Sajavedra in mare se præcipitat.	193
C A P. XV. Barcinone Gusmanus Salamancam proficiscitur.	197
C A P. XVI. Statuta Societatis seu Confraternitatis Moropolitiæ.	207
C A P. XVII. Gusmanus stultæ procationis pœnas dat aureis aliquot numis emectus.	214
C A P. XVIII. Narrat Gusmanus quid Madriti sibi acciderit, à femina turpiter iterum deluso.	223
C A P. XIX. Ædificata sibi domo uxorem ducit.	229
C A P. XX. Narrat porro quæ sibi marito evenerint: deque malis mulieribus pauca differit.	235
C A P. XXII. Quid sibi Compluti acciderit narrat Gusmanus.	249
C A P. XXIII. De Amore pauca differit Gusmanus. Cum uxore Compluto Madritum migrat.	260

Fidis Indicis.

IN



# IN SECUNDAM

*Partem*

## PROOEMIUM:

*In quo scopus Autoris  
proponitur.*



ON dubito multos fore, quibus consilium hoc vitam describendi meam displiceat. Quid enim attinet, inquit, ut tua ipsius vineta cædas; ut te ipsum ludibrio omnibus prostituas, & tamquam perfectæ nequitiae exemplum detestandum proponas? Sed audi, mi Lector. Quid si Horatianum illud tibi occinam: *Mutato nomine de te Fabula narratur.* Scio quæ sit humani naturæ ingenii. Pauci certè sunt qui videant id manticæ quod in tergo est; quiq; suo se pede metiantur: Lynces sumus in alienis; talpæ in nostris quisque perviden-  
dis

dis vitiis. Interim nemo de se id sentit quod de ipso alii. Quod tu tibi de te persuades, id ego mihi de me. at forte alii non. Suffenus sibi quisque est: & sibi quisque assentatur. unde infiniti in vita hominum nascuntur errores. Siquidem uno dato inconvenienti ( sic vulgo loquuntur ) plurima sequuntur. Quocirca ne quis fine suo aberret aut frustretur, vera principia ante omnia quærat & examinet necesse est: quibus inventis & constitutis, facilis erit quavis in re progressus. Et quamvis illa sæpe contempta ac frivola videantur, lumen nihilominus ad magnas res prospiciendas præferunt. In omnibus certe rebus mature deliberandum; at ubi deliberaveris, mature facto opus est. Ignavi est numquam incipere; stulti, numquam finire. Finis quippe opus coronat. Quorsum hæc, inquis? Audi. Consilium & scopum in hoc opusculo mihi propositum supra tibi indicavi: qui alius non est, quam ut aliorum exemplo cautior fias & prudentior: quod genus discendi commodissimum est & maxime securum, per Mundi hujus periculosum pelagus naviganti. Tuum est meis plagis emendari; ex mea negligentia & imprudentia tuam formare industriam & solertiam; ex meis contumeliis hono-

ris tibi & laudis quærere materiam. Scis primum sapientiæ gradum esse à seipso sapere; alterum sapienti obtemperare. qui nec hoc nec illud facere sciat, nullo in numero habendum.

Sed, ais, Quanto melius fuerat, mi Gusmane, te numquam ita vixisse; & quanto hoc ipso melius vitam tam malam, tam longe ab omni virtute alienam potius æterna oblivione sepelire, quam litteris consignatam posteris relinquere? Sed erras, mi homo, & quod dicis à ratione alienum est. Sed nec scopum qui te movet, num esse puto. quin etiam tamquam forex te ipsum tuo indicio prodere mihi videris. Numquid enim per Gusmani latus tuum peti suspicaris? numquid tibi exprobrari quæ de illo ficta, à te forte facta? Mendacia ergò scribis? inquis. Nequaquam. Facta enim omnia quæ hic narrantur, & fiunt, & fient. Gusmanum modò aliasque circumstantias sepone. vera omnia deprehendes. Et quid si mendacia? numquid hæc multorum auribus gratissima? Sed ut propositi mei ratio melius tibi constet: sic habe.

Quod in uno quasi speculo totius humanæ vitæ imaginem contemplandam tibi propono, non eò fit malum ut imiteris,

teris, sed ut fugias, bonumque facias. Si Gusmanum videas turpiter prolapsus; tu lapidem vita ad quem ille impegit. Illud semper memineris, Hominem te, nec quidquam humani à te alienum esse. Excute omnia animi tui cubilia ac penetralia: ubi si quid sordidum (neque vero aliter fieri potest) deprehenderis, tuam ipsius domum diligenter prius purga quam scopas ad alios feras: ne illud audias, *Medice cura teipsum*: aut illud Salvatoris nostri: *Hypocrita, trabem educ prius ex tuo, deinde festucam è proximi èculo*. Sed quid? numquid ineptus sit qui ad ægrotantem Medicum adducat? Quodnam remedium in viperæ dente, aut morfu scorpionis esse potest? Quis in veneno quærat antidotum? Ita tamen est. nonne vides ut in Theriacam ipsa venena ingrediantur; ut res plurimæ natura sua mortiferæ ad salutem præparentur? sit Gusmani vita generalis quædam theriaca humanæ vitæ; sit eius exemplum contra maxime domestica nobis vitia antidotum. Gusmano interim idusu venit, quod dapium apud Principes structoribus. His unica cura est ut stantes fercula scite partiantur: pavones, anseres, gallinas & quævis edulia diligenter scindant, & conviviis apponant: qui omnes  
alacri-

alacriter comedunt ac ventrem saturant; solus ille labore fessus & famelicus circa mensam discursat, alienæ voluptatis minister. Sic Gusmanus noster suis fastidiis, suis periculis, suis laboribus enavigata sibi maria, & in eis ad quos impegit scopulos, & in quibus naufragium fecit vada tibi ostendit: cōque gratiam potius à te quam censuram exspectat. Sed ad rem.

---

## CAPUT I.

## GUSMANUS ORATORI

*Gallico ministerium præstat:  
quæque in eo ministerio sibi  
acciderint narrat.*

**A** Cardinali, uti priori libro ostendi, dimissus, quum aliquamdiu amicorum limina trivissem, jamque omnibus gravem me esse sentirem; tandem ad Galliarum Regis Oratorem Romæ degentem, me applicui: qui tanto facilius me in familiam suam recepit, quod apud priorem herum non semel me vidisset, meaqué alacritate (nequitiam verius dixero) multum delectatus esset.

Erat

*Diversa  
herorum  
ingenia.*

*Genipe-  
carum  
ingenia.*

Erat is homo sane perliberalis, meque satis benigne ac laute tractabat : non tamen eo fine aut animo quo prior meus herus. Hic enim meam in omnibus rebus salutem ; ille suas voluptates spectabat ; quarum ego artifex eram non vulgaris. Nam & multa jocose ac ridicule quotidie & dicebam & faciebam : & omnes urbis regiones & ubi unumquodque hominum genus habitaret, nostram : eoque opera mea in perferendis hinc inde mandatis multum utebatur. Mensam præcipue heri & ministerio meo ornare, & facetiis oblectare studebam. Ventitabant domum nostram sæpe sæpius parasiti, homines insulsi, arrogantes, prandendi aut cenandi tempus captantes : quibus ego omnibus modis illudere satagebam, hero non invito. Quosdam ut hortulani melones, sic eos sedere patiebar ; aliis pocula minuta valde, aliis vinum aqua nimis dilutum præbebam ; si quem cibum palato ipsorum arridere animadverterem, præripiebam patinam, aliquid aliud minus sapidum reponens. Quid multis ? tam ego quàm contubernales mei id unice agebamus, ut convivas ejusmodi, vel mures potius, qui semper alienum panem rodunt, ab heri mensa amoliremur. Accidit aliquando ut quidam



dam Anglus natione in amicitiam heri  
 sese insinuarit, adfinitate sibi conjunctū  
 ferens, quum tamen nihil ipso esset in-  
 sulsius, nihil ad civilem conversationem *Para-*  
 ineptius, nihil vanius. Ventitabat hic *siti*  
 ad nos ferè quotidie. ego parum hero *insulse.*  
 gratum hospitem animadvertens, illu-  
 dendi occasionem captabam: quæ pau-  
 cos post dies sese obtulit. Quum enim  
 inter cenandum multa per summam  
 vanitatem mentiens, aures omnium ob-  
 tudisset, tum etiam in me multa jocatus  
 esset, exiguæ meæ staturæ illudens, in-  
 ter alia dicens, Constitutum esse Pon-  
 tifici edicere ut milites pyxidum loco  
 quibus nitratus pulvis asservari solet,  
 posthac pusillæ staturæ virunculis u-  
 tantur: tanto magis indignatus, quod  
 herum quoque nugis ipsius commo-  
 tum senseram, clam sellæ in qua sedebat  
 subrepo, & lento nodo pedem jus alte-  
 rum mensæ alligo. Jam contubernali-  
 bus meis quid fieri vellem edixeram: *quomodo*  
 quorum unus in cenaculum irrumpens, *trastan-*  
 magna voce exclamat, *di.* *Ad ignem, ad*  
*ignem.* Omnibus (hero excepto, qui  
 monitus fuerat) trepide surgentibus,  
 exsilit Anglus quoque, vehementi cum  
 impetu (ut erat prævalidus) men-  
 sam cum omni apparatu evertit, & pa-  
 rum abest, quin casu crus sibi frègerit;  
 certe

certe faciem totam ita vulneravit, ut sanguinem undique stillaret. Tanto magis facinus hoc erat ridiculum, quod è contubernio nostro deformis admodum æthiops cum æruginosa accurrens bipenni, jacenti, & volutanti se ictum quasi intentabat: quem ille diabolum existimans, uti erat jam vino totus madens & quasi extra se positus, Parce, exclamat, parce domine diabole, & propitius esto mihi, Sic irrisus ultrò è domo se proripuit.

Et hoc quidem strategemate musca hæc cenipeta ex heri mei ædibus exacta fuit: cui quidem ipse herus, clam tamen, mirifice applausit. Equidem jam neminem qui malitia mecum certaret, inveniri posse rebar: verumtamen non multo post victum me sensi. Venerat ad herum miles Hispanus, habitu quidem simplici & non valde precioso, sed animo, uti ex ejus moribus ac gestibus apparebat, elato, Aiebat, patriam sibi esse Cordubam, nobilissimam Hispaniæ urbem, genus in primis ibi nobile, multorum stipendiorum militem. ceterum adversa fortuna jam ita conflictari, ut aliena ope nunc plane indigeat. Hîc statim herus numos aliquot aureos è pera depromptos, nec inspectos aut numeratos, mendicanti lar-

*Milites  
gloriosi.*

largitur. quibus ille acceptis, herum  
sequi & incredibilibus nugis detinere  
non cessavit, dum prandii tempus ad-  
set. Hero ergo in cenaculum se reci-  
piente, mensæ & ipse cum reliquis  
convivis assidet. Ego interim ad cibos  
inferendos egressus, duos alios ex ea-  
dem gente video. ceu harpyias herilibus  
dapibus inhiantes: verum ubi popula-  
rem illum suum conspexissent, pedes  
continuo referunt. Quid hoc rei est, in-  
quientes, quod nugator ille tanquam  
musca omnes mensas circumvolitat?  
Accedo, & num nōssent hominē rogo.

Quid ni, inquiunt: cujus patris Cor-  
dubæ sutoriam exercentis opera in ve-  
teribus nostris calceis resarciendis non  
semel usi sumus. O rem indignam! Ecce  
tibi, si viginti nobilis profapæ Equites  
ex Hispania in Italiam proficiscantur,  
sequuntur statim centum, qui quam-  
vis ex infima sæce plebis sint, nihilo-  
minus nobis æquales esse volunt, adeo-  
que à Gothis genus repetunt; ad Nobi-  
litem iis præsertim locis ubi nemo  
novit satis esse mystacem intorquere, &  
pileum plumis opertum gestare: licet  
ipsis leporibus sint timidiores, & hostem  
numquam aspexerint. His dictis, abie-  
runt illi: ego vero tres istos unius &  
ejusdem commatis esse animadverti.

*Non hi  
mul-  
titudine  
scaben-  
tes?*

Duos

Duos illos non poteram non tam levitatis quam iniquitatis damnare. Inhumanum facinus mihi videbatur infamare eum, qui honorem, sine cujusquam damno aut præjudicio venabatur: nec dubitabam quin æquè essent atque ille ignobiles. neque enim quisquam generi suo ex alterius obscuritate lucem fenerari potest. Alterius qui ad mensam sedebat summa displicebat mihi impudentia: qui non contentus tam liberali dono, cum qui paucis aliis communicari solet honorem sibiipse ultrò arrogabat. Quare lubido me incessit ludibrio ipsum ductandi. Sed grus vulpem invitaverat: & qui deludere alium volebam, delusum me sensi. Potum poscebat non semel (sic enim fert tam Hispanorum & Italarum, quam Gallorum mos, ut calices seu cyathi, non mensis, sed abacis imponantur, & non nisi poscentibus præbeantur) ego vero aversis oculis nutum ejus negligebam, ut & reliqui ministri à me edocti. Ille ubi ductari se animadvertisset, herum ita alloquutus est: Noli, quæso, Domine, putare, temere à me aut arroganter factum, quod ad mensam tuam accesserim non vocatus. multa certe me excusant. Primo personæ meæ conditio & generis nobilitas. deinde vitæ genus

quod sequor, Militia sc. quæ alumnos *En con-*  
 suos, præsertim non gregarios, sed factis *fiden-*  
 celebres, cujus vis Principis mensa di- *diam*  
 gnos facit. Præsens denique status meus, *milita-*  
 & quæ jam me premit necessitas veniam *rem.*  
 meretur, cui quidem omnia sunt com-  
 munia: & ego sane existimem mihi mei-  
 que similibus hospitalitatem magnatum  
 in primis paratam esse debere, eaque ul-  
 trò utendum. Rogo autem ut pocillatori  
 illi tuo potum mihi præbere mandes:  
 quem frustra non semel petii, ob lin-  
 guæ & nationis peregrinitatem forte  
 non intellectûs.

Hic herus cum levi objurgatione jussit  
 ut homini potum ministrare. imperium  
 defugere non poteram. appono ergo  
 cyathum, sed parum admodum, & vino  
 diluto: ut loro videretur plenû: sed quia  
 Hispanis etiam parum sufficit, ad finem  
 usque prandii siccus ferè permansit, cibus  
 interim ventrem suburrans. Tandem ul-  
 timis allatis ferculis, ad Oratorem con-  
 versus, Cum tua, inquit, venia vado ut  
 bibam. cum dicto surgens, abacum ac-  
 cedit, & arreptum quod ibi erat maxi-  
 mum poculum, vino mero implet, ac  
 totum uno tractu exhaurit, inde multis  
 verbis, sed solitis tantum ceremoniis  
 Oratori valedicens, abit. Hic herus  
 meus risu pænè emoriens, & nequitiam

meam, & hominis confidentiam miratus, Tui, inquit, Gusmane, miles hic similis tuaque patria plane dignus est, ubi omnia fere cum ostentatione quadam, confidentia & arrogantia fiunt.

Quum inde non de Hispanorum tantum, sed aliarum quoque nationum moribus sermo ortus esset, ejusque jam convivas tæderet: nobilis quidam qui nuper è Galliis venerat, ad Oratorem conversus, Quia, inquit, cælum pluvium domi nos detinet, si tibi grave non sit, admirabilem historiam quæ paullo ante meum discessum contigit, narrare vobis institui. Quum & Orator & reliqui omnes annuissent, ita exorsus est.

*Historia  
vera sub  
fictis per-  
sonis  
narratio.*

Cleon illustri inter Galliæ proceres loco ortus, tum omnibus tanto genere dignis ornatus virtutibus, bello in primis tam præclara virtutis suæ specimina, ipso Principe oculari teste, ediderat, ut perfecti Equitis nomen quasi peculiare sibi acquisiverit. Huic è Cleonice filius natus fuit, Floridanus nomine, omnibus tali fortuna dignis virtutibus nullo suæ conditionis inferior. Jam ante pater, ætatis beneficio rudem emeritus, conjugem amiserat. Domum quæ ad Ligerim erat, reversus, illam curam præcipuam habuit, ut  
filio

filio cum vicini, æqualis sui, filia nuptias conciliaret. Is Lutetiæ tum erat, aulam sectans, magnæ apud omnes estimationis. Forte evenerat, ut quodam die dum in atrio Parlamenti (quod vocant) quo quotidie Nobilis juvenus non tam agendarum causarum quam spectandarum formarum gratia confluere solet, cum æqualibus sermonem miscet, inter alias virginem quandam velato vultu, ut solet in Galliis, prætereuntem conspiceretur: cujus decorum incessum & habitum miratus, ô pulcram, inquit apud se, creaturam! quod si vultus ceteris respondeat lineamentis, equidem beatum illum dixerim, cui talis Charis obtigerit. Hanc equidem dignam putem cui Juno & Jupiter omnes suas opes tribuant. Defixis eam oculis prosequutus, ubi ad instititoris cujusdam tabernam constitisse, & nescio quid mercimonii licitari vidit; accedit, comiter & urbane salutatam, de patria, familia, domicilio, negotio denique quod in Curia haberet, percontatur. Illa detracto velo quo faciem texerat, ut erat & ipsa naturâ & disciplinâ ad omnem elegantiam & leporem mirifice efformata, ad singula ita respondet, ut cujus animum prius rara vultus forma non leviter affecerat, jam modestia ac

decentissimi mores planè ceperint ac subjugârint. Quia vero dixerat, causam se non levem habere quæ in Curia coram iudicibus agigaretur, ejusque sollicitandæ ergo ad urbem venisse. Floridanus (id ei nomen erat) non suam tantum sed & amicorum operam liberaliter promittit: quam etiam fideliter præstitit, & favorabilem, ut loquuntur, sententiam impetravit. Quum voti compotem puellam jam ad discessum sese accingere animadverteret Floridanus, accedit, ardētissimum suum amorem exponit, denique nisi morbo huic ipsa medicinam afferret, vivere diutius se velle aut posse negat. Lydia (id enim nomen puellæ esse volumus) ut erat non honesta tantum & pudica, sed prudens etiam, ipsi quidem præ omnibus aliis hominibus non modo ob beneficium præstitum, verum multo magis singularem quem ostenderet, quemque ipsa non mereretur amorem, obnoxiam se fatetur: tanti tamen honorem ac pudicitiam suam facere, ut vitæ quam ejus jacturam facere malit: eoque rogare etiam, ut rationem ducem sequutus amorem ab ea abstraheret, quam, utpote nec genere, nec opibus parem, tali modo amare ipsi non liceret. Tu, inquit, è magnatum ortus es pro sapia, & ma-



magnas opes possides, mihi nobile quidem, sed simplex genus, nec divitiæ valde magnæ. Equidem plusquam ingratisim, si præ cæteris omnibus hominibus te non in corde atque oculis feram, tibi-que gratificari cupiam: numquam tamen pudor meus (cujus omnes virgines præcipuam rationem habere debent) permittat, ut tam meo quam tuo satisfaciam desiderio: Patere ergo, quæso, ut te amem tanquam benefactorem. amplius aliquid à me petere aut exspectare noli. Facile enim ipse intelligis, amplius aliquid gratificari tibi me non posse, nisi honorem meum meq; ipsam velim perdere. Hac tam prudenti ac casta oratione magis accensus Floridanus, in hanc sententiam respondit: Absit, mea animula, ut tibi id velim eripere, pro quo mille periculis caput hoc obicere paratus sum. Amo te, fateor, & amore tuo potiri cupio, sed non nisi legitimo. Quæ si mihi promittis, ecce me tibi sponsum. Ad hæc Lydia pænè obstupescens; Equidem, ait, hoc quomodo fieri possit non video. neq; enim pater tuus umquã assentietur. quod si clã matrimonium contrahamus, justam tam de me quam de te conquerendi causam præbebimus. At Floridanus, ut securo esset animo, respondit. Sibi curam hanc relinqueret, cui

jam satis idonea provisa sint remedia. Præfectum habebat Floridanus Gardam nomine, quem amor hic non latebat: sed tantum abest, ut ei se opposuerit, ut etiam faverit. in quo utilitatis respectu vinci se passus est. Videbat enim herilem filium jam in juvenili ætate constitutum, quæ disciplinam fere aspernatur. tum amoris vehementiam non ignorabat, cujus ignis facile quidem concipitur, sed difficillime extinguitur. Quid ergo faceret? Repugnaretne? At veritus, ne malam apud juvenem iniret gratiam, & insuper tam diuturni quo apud eum functus fuerat ministerii fructum simul ac semel perderet; connivendum sibi duxit. Male profecto. Si namque patri juvenis rem omnem indicasset, procul dubio ea fuissent adhibita remedia. quibus iis quæ postea evenerunt, calamitatibus obviam iri, aut aditus præcludi potuisset.

Non multo post domum revertitur Lydia: quam Floridanus ad domicilium usque comitatur: inde nemini notus, Lutetiam revertitur, Gardæo vero negotium dat puellæ in arcem suam quam in Arvernīs à patre donatam habebat deducendæ. Illa convasatis domibus sibi charissimis, insciis parentibus omnibusque aliis, ad condictum locum adest,

adeſt, & à Gardæo duobuſque miniſtris ad deſtinatum locum deportatur. Hoc nuncio accepto, Floridanus, qui intèrea Lutetiæ multas pretioſas veſtes, & quidquid ad muliebrem ornatum pertinet coëmerat, propere & ipſe in Arvernos proficiſcitur, & vocato Sacerdote, Lydian ſibi deſponſat: quæ interim à parentibus & cognatis, quid eâ factum eſſet ignorantibus, anxie admodum quærebat. Quid ego primos illos amores memorem! quorum fructus utrique tam dulces erant, ut vix horam alter ſine altero vivere poſſet: nec quidquam utrumque tam cruciabat quam quod Floridanus nonnumquam ad patrem excurrere cogeretur: quod tamen rarò admodum faciebat. Vix annus abierat, quum ecce è Lydia pulcrum Pamphilo noſtro natum filium, quem Gentianum appellabimus. Dum illi amoribus remiſſis habenis, indulgent, ecce Fortunam tantæ felicitati invidentem. Mel hætenus utrique pro cibo fuit, nunc nil niſi fel erit.

Magnum tum bellum rex contra vicinum Principem parabat; ad eamque expeditionem pleraque Nobilitas certatim confluebat. Quocirca Floridanus quoque maxime probroſum ſibi fore ratus, ſi Rege bellum foris gerente, domi

ipse desideret; & myrtum seu amorem lauro præferret. Id ejus consilium quum intellexisset Lydia, dici non potest quanto mœrore correpta fuerit, quantam lachrymarum vim effuderit, quæ suspiria, quot gemitus ediderit, ut cui tam dulcis amoris distractio, ipsa morte acerbior futura videretur. sed quum frustra repugnaturam se iis quas Floridanus afferebat rationibus animadverteret, acquiescit & ipsa. Mox ergo Floridanus ad expeditionem sese accingit, Lydiæ vero omnibus de rebus quibus opus esset, largissime prospicit, ejusque curam Gardæ quam diligentissime commendat, promittit liberaliter, Garda vicissim fideliter mandata obituum sacramento sese obstringit. Profecto Floridano, Garda ad Cleonem iter suscipit; quæ opiniones, quæ suspiciones aut sermones de heri essent amoribus, expiscaturus. Rem quidem ipsam uti erat ignorabat Cleon, rumusculis tamen nonnullorum intellexerat, filium suum in Arvernīs nescio quam amicam habere. quominus vero ea quæ oportebat adhiberet remedia, quum loci natura, tum filiæ omnes aditus custodia firmantis diligentia prohibebatur. Sed nec filiū, qui unicus ipsi erat, irritare volebat. Ubi ad Cleonem venit Garda, ille sic inquit: *Numquam ego putavi, Garda,*

te commissam tibi præfecturam ita uti fecisti & adhuc facis, administraturum. E multis te filio meo moderatorem elegi; quem non prudentem modo, sed & honestatis atque virtutis ita amantem arbitrabar, ut ne transversum quidem unguem ab eis abripi te passurus esses. Sed intelligo te, qui reniti debebas, stultis ejus cupiditatibus subscribere atque ancillari. hiccine fructus est quem de tua mihi disciplina atque educatione filii promisi? qui parum abest, quin ex magistro seu Præfecto lenonem te feceris. quam quidem notam fronti tuæ inustam nulla umquam oblitterabit dies.

His verbis ad vivum usque animum pungi sibi sentiens Garda, sic contrà respondit: Magnam profecto injuriam mihi facis here, qui de me ita ut dicis sentias. Verba illa si quis alius meæ conditionis protulisset, vitam centies perdere malim quam ultionem negligere. Filium tuum ad omnem virtutem ut informarem nihil prius habui. Et sane res ipsa testatur: ut in quo omnes eæ dotes excellent quæ genere ipsius & conditione dignæ sunt. Quod si amore abreptus est, caussa mihi certe adscribi nullo modo potest aut debet. Te quidem quum ea esses ætate non ambigo ipsum quoque affectus hujus vim expertum esse. Id equidem pro vero tibi affirmo, Floridani amorem non prius mihi cognitum, quam ille me velut testem accivit, meque præsentem honestam filiam per Sacerdotis manum sibi desponsavit.

quam etiamnum amat quam ardentissime, pulcerrimi ex ea sibi nati pueri matrem. An lenoniam tu appellas id quod legitimo, ab Ecclesia præscripto modo, summo utriusque consensu factum est? an meum erat separare quod DEUS conjunxerat? Multa alia excusare volentis orationem, ad matrimonii nomen obstupescens, interrupt Cleon, Ergo, inquires, filius meus nescio me matrimonium contraxit? & quidem cum dissoluta & vilis conditionis filia? O cælum, ô terra! Audion' hæc ego, & vivo! Huccine spes meæ de filio in amplissimas opes & familiam nostro genere dignam elocando redierunt! Ah, Garda, Garda, tantam rem me celare non oportebat. Tum Garda, facere id sine vitæ periculo non potuisse, dicens, subiecit, si gratū Cleon id habiturus & dignè remuneraturus esset, velle se mulierem illam amoliri & eò ablegare ut nomen ejus numquam posthac ad ullius notitiam esset perventurum. Hic Cleon aureos montes pollicitus, Gardam maximopere obtestatus est ut effectum hoc sibi daret: de misera quid fieret susque deque habens. Hoc cum proposito perfidus ille discedens, postquam ad consuetum pervenit domicilium, pullo amictu indutus Lydiam accessit, & non sine lachrymis, Hei, hei, inquit, ô hera, quantam jacturam uterque feci-

*fecimus, tu marito, ego hero incomparabili  
 spolitaus! O casum lamentabilem! Floridani  
 in praelio interemti mors utriusque nostrum  
 spem omnem secum abripuit. Hoc nuncio  
 consternata Lydia, totisq; sensibus alie-  
 nata, ubi paullum ad se rediit, ea verba  
 protulit quibus etiam ipsas, ut ita di-  
 cam, rupes ad commiserationem com-  
 movere potuisset. Ah, ah, inquit, me mi-  
 seram ac ter miseram! siccine à fortuna ad  
 tam altum dignitatis gradum elevata sum, ut  
 tam cito inde in desperationem atque ipsum  
 exitium deturbarer! Quid enim uspiam mi-  
 bi salvi restat, amisso unico salutis meæ ful-  
 cimento? Ad cognatosne redeam? quos tam  
 indigne reliqui? Erit qui præ indignatione  
 aspicere me non sustinebit: alii mihi meæque  
 fortunæ illudent. Ibon' ad Floridani pa-  
 trem? Is vero non aliter me quam pro im-  
 pudica habebit; nec ut filii uxorem tracta-  
 bit, sed ut scortum persequetur.*

Inter hæc lamenta rursus animi pas-  
 sam deliquium Garda cubiculo inferri  
 lectoque imponi curavit, ubi illa plora-  
 tu & lamentis omnia implevit. Atque  
 muliebres hi erant ejulatus: quem se-  
 xum nescio quis uno oculo flere, altero  
 ridere ait. nec absurde ille, qui mulie-  
 rum tam dolorem quam amorem ani-  
 malculis illis comparat, quæ Ephemera  
 vocantur, quod unum tantum diem vi-

vant, Lydiam post multas lacrymas ne-  
 quicquam effusas, & mortem, omnium  
 miserorum asylum, sæpe frustra invoca-  
 tam, Garda accedit, & variis ultro ci-  
 troque habitis sermonibus, nefarius  
 proditor sic eam alloquitur: Scis, hera,  
 quæ à morte abripiuntur omnia ad nos num-  
 quam reverti. Quocirca nequaquam mihi  
 jam tempus videtur, ut communem cala-  
 mitatem commiserando, suspiriis & luctu  
 medullas ipsosque spiritus consumamus, sed  
 potius ut rebus nostris quam poterimus o-  
 ptime consulamus. Floridanus in vivis am-  
 pliùs non est, qui antehac necessitatibus no-  
 stris prospicere solebat. Ego hero optimo, tu  
 marito, & insuper omni solatio subsidio-  
 que destituti. Falleris si Floridani nuptias  
 honori tibi fore putaveris, quarum veritati  
 nemo fidem habebit: immò hæ ipsæ præsen-  
 tissimum tibi apud Floridani patrem & to-  
 tam cognationem periculum creabunt. Quid  
 ergo aliud reliquum erit quam ut à tuis &  
 à mariti cognatis indignissime tracteris?  
 Quod si me audire velis, consilium tibi dabo  
 quo reliquum vitæ si non tam splendide, at  
 saltem tranquille possis exigere. Virtutes  
 ego tuas tanti facio, ut si me sponsum non  
 dedigneris, non maritum me modo, sed &  
 ministrum habiturus sis, pristini quem tibi ut  
 heræ meæ libentissime semper præstiti hono-  
 ris memorem. Nec tam absurda hæc mea tibi  
 peti-



petitio videbitur, si præsentem ad quem  
 jam redacta es statum cum mea conditione  
 compararis. Nobili sum ortus prosapia  
 redditusque mihi sunt annui bina florenorum  
 millia. Hinc si nobis descendendum sit, in  
 Pictonibus, quæ mea patria est, quod utri-  
 que reliquum est vitæ tam jucunde exigemus  
 quam misere nunc vivimus. Ad hanc per-  
 fidi hominis orationem non invenie-  
 bat quod responderet Lydia. Hinc menti  
 obversabatur tam recens, ut illa puta-  
 bat amantissimi simul & splendidissi-  
 mi mariti jactura: cujus si tam cito  
 oblita, alteri amorem transcriberet,  
 summæ levitatis notam effugere se non  
 posse videbat. Filii inprimis, quem  
 marito genuerat, & ad quem patri  
 superstitem, divino & humano jure  
 octogenum florenorum millium an-  
 nuorum hæreditas pertinebat, respectus  
 ab ejusmodi nuptiis avocabat. Econtra  
 miserrima in quam delapsam se sentie-  
 bat fortuna, illud maxime quod vix ul-  
 las, aut certe contra tam potentes adver-  
 sarios debiles admodum rationes legiti-  
 mi probandi matrimonii haberet, in-  
 felicissimam feminam ad desperationem  
 redigebat. Quum ergo spei aliquantul-  
 lum in homine fido, uti putabat, &  
 sui amante reliquum animadverteret,  
 ei sese applicuit, & nuptiis consensit:

quæ mox accito proximi pagi parochο,  
& uno è domesticis, cui Garda multum  
fidebat, celebratæ sunt. Quid fit? Inscen-  
dit heri sui thorum minister, & frustra  
hactenus sæpe optato tam eximiæ for-  
mæ amore potitur. Post dies aliquot,  
restituta jam aliquo modo libidine, per-  
fidus homo Lydiæ narrat, intellexisse  
se, immò certò scire, Floridani patrem  
in eo totum esse, ut filii sui concubi-  
nam, uti ipse appellaret, captivam sistat,  
quam præter domesticum probrum,  
etiam nescio quæ cimelia aliasque res  
preçiosas surripuisse criminatur. Qua-  
propter ad evitandum tam præsens peri-  
culum nihil consultius, immò necessa-  
rium sibi videre, ut è loco qui post mor-  
tem filii in patris rediisset potestatem,  
aliò demigrarent. Esse sibi, uti antea  
ostenderat, in Pictonibus domicilium.  
cò sequeretur. Quid faceret mulier,  
omni auxilio destituta? Annuir: & à  
marito, vel potius herilis lecti in sefflore  
ad fratris domum deducitur. Exactis ibi  
diebus aliquot, Garda Lydiæ dicit, vel-  
le se ad Floridani patrem proficisci, à  
quo non parum adhuc filii nomine sibi  
deberetur: sperare etiam non sine in-  
signi dono, ob tam diuturnam præsti-  
tam operam, se dimissum iri. simul  
Lydiam audientem fratri ejusque uxori  
com-

commendat, unice obsecrans, ut quam optime tractetur. At jam ante nequisimus homo fratri rem omnem, & quid fieri vellet, ostenderat. Discedit Gardā; abeuntem lacrymis prosequitur Lydia. Ille ubi ad Cleonem venit, rei præclare, scilicet, à se gestæ, seriem exponit: quem complexus Cleon, magnaque lætitia perfusus, liberalissime remuneratum à se postea dimisit. Paulo post Gardæ discessum frater quasi totus attonitus prima nocte in cubiculum Lydiæ irrumpit. Ait certis indiciis sibi compertum, lictores regios in proximo esse pago, à Floridani patre ut eam comprehenderent summissos. Quid tristius, inquit, mea soror, accidere mihi possit, quam si te in tanta pericula tam turpiter captivam abduci videam! Contra vim, & quidem legitimi magistratus, tueri te non possum. Necesse ergo est ut tibi ipsa prospicias. Quibus verbis tantum non exanimata Lydia, è lecto propere exsurgit, ad finis & hospitis fidem obtestatur, ut consilio & ope sua miseræ succurreret; quid optimum factu exquirat. Ille actutum abeundum ciamat: nisi hoc faceret, se illamque perditam. Multa caussantem, ignaram viæ locorumque, seminudam multa jam nocte extrudit homo immisericors, consilio prius

prius dato ut in proximam sylvam se reciperet: atque inde quò tutissimum putaret, iter meditaretur. Sic illa reliquum quod erat noctis extra omnem viam ac semitam, cæco pergebat itinere, jam crinibus auro certantibus, inter dumos & rubos adhærescens, jam niveos pedes ad faxa & quidquid obvium erat impingens, ut facie, suris, manibus fœdum in modum laceratis, vix quidquam pristinae formæ præ se ferret, & mortem vero voto centies sibi exoptaret. Hoc modo Lydia non noctem illam modo, sed & sequentem diem per avia progrediens, ingruente jam nocte, è canum latratu non procul à villa quadam rustica abesse se sensit: ad eamque accedens, feminam videt oves ovili includentem. Adit, petit haustum aquæ. Rustica non sine admiratione tam bellam formam è vultu quamvis lacero elucens contemplata, Lydiam secum in casam ducit, & eo cibo potuque qui in promptu erat, reficit. Pernoctat ibi Lydia, inter curas pænè ineffabiles, suspira, lachrymas. Mane quum ne numulum quidem haberet, è veste nescio quid argentei ornamenti abscindit, pro cena liberale pignus. Inde vestitum quoque reliquum, qui à vulgari differebat, cum vili commutat cen-

centunculo : coque habitu stipem passim ostiatim emendicabat. O stupendam fortunæ inconstantiam ! En quæ paullo ante principi viro nupta , in summis vivebat deliciis , jam nuda , famelica , anxia , etiam rusticorum fores pulsat , vel tenuissimum miserrimæ vitæ quærens subsidium ! Quis tam ferreus est , quem tam indigni causus non miserescat ? Credibile est , tam teneram feminam tanta mala perferre potuisse ? Sed vicit Dei metus & æternæ salutis respectus : sine quo tam acerbam vitam vel millies ultrò projectura fuisset. Ite nunc qui præsentibus rebus fiditis : & quid brevi vobis fieri possit considerate.

Sic iterum in viam se dans , & jam huc jam illuc , quasi insequentibus à tergo lictoribus deflectens , post varios errores ad Lavallum arcem venit , & reliquæ mendicantium turbæ immista ante portam stipem expectat. Forte fortuna ipsa arcis domina à deambulatione rediens , quum Lydiam vidisset , alloquitur , percontatur , quæ & cujas esset. Respondit illa , Picardiam sibi esse patriam. Religionis ergo peregrinationem cum marito suscepisse : quo in via amisso , ad eum in quo jam misera versaretur , statum.

statum redacta esset. Domina feminam hanc multo diligentius contemplata, & nescio quid occulti decoris & moris in ea deprehendens, rogat, num media-stinæ operam præstare vellet. Accipit conditionem Lydia, & in arcem recepta, vilissimis obeundis ministeriis fidem ac diligentiam suam, honestis moribus decoratam ita omnibus probat, ut à nemine non meliori fortunâ digna judicaretur. Erat inter Heroinæ ministros senex quidam, viduus, cui quod pro fortuna satis amplum haberet, peculium, argenti servandi cura erat credita. Et si vero Lydia formam suam non ornare, sed datâ operâ negligere atque adeo deturpare solebat: vitare tamen non poterat, quin radios quosdam pristinae venustatis è vultu spargeret; quibus percussus senex ille, miro in eam amore exarsit, nec prius destitit quam hera Comitissa permittente, Lydiam uxorem duxit. Ecce tibi unam feminam, jam tribus adhuc inter vivos agentibus (de Floridano secus existimabat Lydia) nuptam. O inconstantem & in horas mutabilem sexum! Possunt secundæ illæ cum Garda nuptiæ excusari quodammodo, ut pote ex falsa persuasione de Floridani morte, adeoque ab ipsa quasi necessitate contractæ: at tertiæ nullo

nullo modo possunt. Paucos post dies Lydia ex animi mœrore (ut cui tam superioris vitæ recordatio, quam præsentis tædium ipsum pectus effodiebant; tum inprimis periculâ quæ ipsi à Floridani patre imminerent, ob oculos continuo obversabantur) in morbum incidit, eoque cibum fere omnem potumque respuens, tandem confecta exspiravit. Ubi vero morti vicinam se sensit, maritum rogavit ut Heram accerferet. habere se magnum aliquod secretum quod in sinum ejus lubenter vellet deponere. Promte obsequitur nobilissima simul & humanissima Heroïna: cui remotis omnibus arbitris, Lydia genus suum, parentes, Floridani amorem, matrimonium, omnemque superius descriptæ historiæ seriem exponit, magnam vim lachrymarum ex commiseratione & humanorum casuum consideratione effundenti. Lydiæ mortem Comitissa moleste admodum tulit; at senex ille tantum inde mœrorem concepit, ut paucis diebus ipsi superstes fuerit.

Dum hæc fiunt, Floridanus è bello summâ cum gloriâ revertitur. atqui Laurus hæc mox in Cypressum mutabitur. Arcem ingredienti quum solus Garda cum paucis domesticis occurre-

ret,

ret, stupefactus, rogat de uxore & filio. Garda composito ad tristitiã vultu, Filium ait bene valere (is alibi educabatur) sed uxorem ultimum Naturæ tributum persolvissè. Tam inopinato ictu attonitus Floridanus, parum abfuit quin ipso in vestigio animam efflârit: certè aliquamdiu velut statua immobilis constitit: mox paullum recepto animo, oculis in lachrymas solutis, acerbissimum suum dolorem miserabilibus verbis & gemitibus testatus est. Verum considerans ut mortis imperium inevitabile, ita querelas omnes frustraneas esse, defunctæ exsequias rite celebrari jussit, torique domui luctum indixit; quem Garda præ cæteris nequiter ostentabat. Sed veritus ne perfidia sua deprehenderetur, simulans se aulicæ vitæ pertæsum, missionem petiit & impetravit, præter salarium, luculento accepto dono. Gardâ ad Piætonas profecto, è Floridani ministris unus, cui totam rem Gardæ pedisequus aperuerat, herum seorsim nactus, absurdum esse ait vivos tamquam mortuos lugeri: simul quæ ab illo didicerat, inprimis quæ inter Floridani patrem & Gardam acta essent, exponit. Nihil magis mirabile Floridano visum, adeo ut initio fidem habere vix posset. Perpensis omnibus,  
cum



cum quinque aut sex ministris bene armatis in viam Pictonas versus se dat, miseram illam, qua tamen nihil in Mundo charius habebat, velut alter Orpheus etiam apud inferos investigaturus. Post dierum aliquot iter, eò ubi Gardæ frater habitabat, venit. percontatur, ubi frater, & quid ea muliere quam frater ante menses aliquot eò deduxisset, factum esset. Respondet ille, nescire se quonam locorum frater esset profectus. mulierem quandam ad se à fratre adductam; verum illam, se maxime invito, post fratris discessum, & ipsam discessisse, nec postea quidquam de ea rescivisse. Tum Floridanus, O pessime proditor! Mori pessimo me letho malim quam ut à te ac fratre supplicium non sumam. Inde vicina omnia loca obequitans atque adeo angulos fere omnes excutiens, tandem ad eam casam delatus est in qua Lydia profuga pernoctarat. ex anu rustica non dubiis signis miserrimam charissimæ suæ uxoris fortunam cognoscit. unde tanto magis incensus, inquirendi nullum finem sibi facere statuit, donec eam vel invenisset, vel quid ea factum esset comperisset. Sic ad Lavallum arcem (cujus dominum cognatione seu affinitate attingebat) delatus, quantum poterat,

terat, se genusque suum, ut antea ubique celans, dum commune jam ingressurus esset diversorium, Comitem obvium habet, qui è primaria Nobilitate aliquem esse facile conjiciens, quasi invitum secum in arcem deduxit. post cenam, dum varii ultro citroque habentur sermones, Comitissa tandem quid nuper in sua arce acciderit, sicque totam Lydiæ historiam non sine lachrymis narrat. Floridanus audiens hæc, hancque illam ipsam quam quæreret Lydiam suam esse nihil dubitans, tanto mœrore fuit correptus, ut sensu ferè omni fuerit defectus. Accurrunt omnes, nescii quid homini accidisset: refocillatum erigunt. Ad se paullum reversus, ex imis præcordiis ducto gemitu, voce tristi & submissa sic murmuat potius quam loquitur: *Ah crudelis mors, quæ mihi eripuisti id quod in terris habui charissimum, & quod tanto cum labore & dolore quæsi! ades, inquam, ô mors, quidquid reliquum habes crudelitatis in me exerce.* Ex quibus verbis Comes Lavallius ejusque conjux demum intellexerunt, Floridanum ipsum esse hunc suum hospitem: eoque nihil quod ad eum consolandum ullo modo pertineret, omiserunt. Sed profundius hoc erat vulnus, quam ut tam facile coiret. Et facile cogitari potest quam

quam diversis affectibus animus ejus fuerit distractus : dum sceleratam Gardæ perfidiam & proditionem , dum Lydiæ tam facile aliis consentientis nuptiis credulitatem atq; etiam levitatem , dum patris inhumanitatem , dum miserissimam charissimæ uxoris fortunam in qua paullo ante discesserat , animo revolvit. Quare à loco ipso tamquam pestilenti abhorrens, actutum equum inscendit , nec ullis Comitibus & Comitissæ precibus exorari potuit ut vel noctem illam ibi maneret. Tota nocte factis inter suspiria , gemitus & lachrymas itinere , albescente cœlo in diversorio paullum quiescit : inde Lutetiam , & vetus quod habeat hospitium ingressus, totum se dat luctui , omnes eos averfans qui mœrentem consolari vellent ; identidem exclamans : *O crudelis pater !*

*An putasti bene te mihi facturum, si mihi id quod meipso mihi erat charius eriperes ? Voluisti scilicet familiam nuptiis meis ut putas, digniorem quærere : sed illud non considerasti quantas vires habeat Amor , qui quidem animum meum ita occupavit , ut vita mihi citius eripi possit. Quid jam hæc sollicitudo tibi proderit ? Id scilicet ut posthac numquam videas eum pro quo tot tantasque per omnem vitam curas exantlasti. Tu vero (inquit, ad Gardam conversa oratione, ) nequissime*

*& perfidissime, qui thalamum meum in-  
scendere, & charissimam mihi conjugem  
quam observare, colere, revereri debebas  
extremis calamitatibus, & miseriis prosti-  
tuisti, quid tibi nunc animi est? hoc quidem  
uno nomine mors mihi acerba est, quod an-  
te vitæ meæ finem non licet in te statuere  
ejusmodi justæ ultionis exemplum quod ad  
posteror quoque sit memorabile. Sed est Deus  
qui meas partes aget, qui meritas tibi pœ-  
nas infliget. Mox Lydiæ nomen incla-  
mans, O te, inquit, miserabilem! ô  
nimis credulam! An tu amorem tuum aliis  
tam cito transcribere potuisti? sed ô quon-  
dam charissimum mihi caput! te quidem  
ego excusatam habeo. Tante erant illæ  
quibus oppressa fuisti miseriæ, ut vel con-  
stantissimum virum ad desperationem redi-  
gere potuissent, nedum eam feminam cui in  
toto Mundo ne umbra quidem spei aut so-  
latii restabat.*

Dum ita mœrori suo indulget Flori-  
danus, nec ullam admittit consolatio-  
nem, brevi tempore tantam corporis  
maciem atque imbecillitatem contraxit,  
ut vix ulla longioris vitæ spes superes-  
set. Medici quidem corpori reficien-  
do adhibent remedia; sed interno animi  
dolore omnem medicinam respuente,  
tristis anima è corpore evolavit. Patre  
Floridani, ad quem mors filii citius  
quam

quam morbus perlatus erat, tantum & ipse mœrorem concepit, ut minime diu filio fuerit superstes. Garda Floridani morte lætus (supplicium namque si ille supervixisset, evadere non poterat) totam historiam scripto consignatam paullo ante vitæ finem filio ad Floridani filium (optimis artibus eruditum, & Tarbensem postea Episcopum) jam morti vicinus perferendam dedit: qui morte in proximo diversorio interceptus, hospitem subdelegavit. Quæ res postea ad probandam Nalium ingenuitatem Floridani filio unice profuit.

Super hac non ficta sed vera historia variis ortis judiciis, convivæ tandem discesserunt: ego vero singula ita notabam, ut ex hoc uno rerum humanarum varios casus & vicissitudines animo quasi insculptas haberem.

O

CA-

## CAPUT II.

*Narrat Gusmanus quibus in rebus Oratori hero suo operam præstiterit. Differit de scurris & aliis voluptatum ministris.*

**S**ic est. Potentiæ & divitiarum tumor, Virtutisque in plerisque hominibus defectus faciunt ut bene & utiliter præstitis operis gratia non referatur; blandis & dulcibus verbis, quamvis falsis ac sæpe perniciosis referatur. Quid causæ? Prius illud deberi sibi beatuli nostri existimant; in altero gratiam sibi fieri sciunt. quia enim ea sibi tribui audiunt, quorum minime sibi sunt consciï (virtutes puta, & quidquid aliud est laudabile) facile ea in acceptum referunt, adeoque præsentî pecunia remunerantur. Hîc mihi in mentem venit optimi Imperatoris M. Aurelii (vel potius, ut ego judico Antonii Guevaræ) querela, Eò, inquit, *Mundi dementia & corruptela progressa est, ut quemadmodum viri graves cordatique dedecori sibi vanorum hominum conversationem ducunt; sic Principes ac Magnates magnificum sibi putent, si in aulis suis Sannionem nugatorem habeant. At sanè si hic subsisteretur, ferendum*

dum ut cumque esset. Sed quid dicemus, quod nonnunquam tam vani domini, & tam ingeniosi Sanniones sunt, ut magis solliciti domini sint quomodo illis satisfaciant, quam illi quomodo dominis serviant. Fit etiam hoc quod minime omnium oportebat, nimirum ut ex illo hominum genere aliquis novitius majorem in aula licentiam habeat quam aulicorum ullus aut minister pervetus. Non credis hoc? Perlustra omnes fere aulas: & verissimum deprehendes. ubi nihil usitatius quam artes parasiticæ. quarum si ignarus sis, apage. tibi hic nec seritur, nec metitur. Placentinis locus est, non Veronensibus. Fit hoc humani vitio ingenii, ut sicut nobis ipsi adulamur, sic adultores libenter audiamus. Adultores verò appello hic non eos qui pravis consiliis Principes ad scelera & vitia impellunt; sed qui vel linguâ, vel aliâ operâ dominorum voluptatibus ancillantur. Equidem tam agrestis non sum, ut hoc genus omnes procul à Magnatibus habendos putem. quin etiam aliquando necessarium est & utile hoc hominum genus: adeo ut facetus aliquis Sannio pluris sit quam gravis ac tetricus Consiliarius. Per jocum ille nonnunquam dicit quæ alter cogitare vix auderet. Et altius fere in animum descendunt quæ joculariter quam quæ

*Moriones ad quid utiles.*

seriò dicuntur. Nec vero existimare debes, difficilius esse hujus quam illius munus. Mihi crede, minor est, omnis corporis labor eo qui in inveniendis verbis aliisque modis Principes ac Magnates oblectandi collocatur. sed & utcumque quis artificio hic contendat, frustra erit nisi ab ipsâ naturâ & genio adjuvetur. Non verborum tantum cura habenda est; sed & attemperanda vox, vultus, omnes denique mores & gestus.

*Qui sales  
præstet,*

Adeò verum hîc illud est: *Duo quum dicunt idem, non est idem.* Dicet unus aliquid: risu crepabunt omnes. dicet alius: frigeunt, immò nauseabunt. *Tu nihil invita dices faciesve Minerva.* Sed maxime omnium sunt insipidi & infaceti diu ante excogitati sales. Qui aures animosq; audientium lepido aliquo dicto aut facto oblectare volet, tamquam gladiator in arena consilium capiat necesse est. Qua de re famosi hominis audi verbum. Toleti duo erant histriones seu Miini, mira agendi dexteritate pænè pares. Uni Manzano, alteri Cisnero nomen. Hic illi, Vides, inquit, Manzane, cujusmodi artifices habeamur. Quid si Rex fama nostra excitatus, ad se nos vocet? id si fiat, & uterque nostrum ad Regem fuerit introductus, isque interrogârit, Tunc Manzanus es, an Cisnerus?

tuque



tuque Te esse responderis ( ego enim ne verbum quidem dixerō ) idem procul dubio subjiciet : Ergo lepidum aliquod dictum depromite. Quid tum, quæso, nobis dicendum aut faciendum putas? Egon' inquit Mazanus. nihil quidem aliud ille ex me audiet, quam ova nondum cocta seu frixa esse. illud scilicet innuere voluit, omni carere lepore ac gratia quæ intempestive dicuntur aut fiunt. Tanto vero major mihi adhibenda cura ac sollicitudo erat, quod etsi ingenio eram prompto & versatili, litteris tamen & eruditione vix leviter tinctus, nec ullo fere rerum usu imbutus essem. Latinam quidem linguam ut in Cardinalis prioris heri mei domo brevi tempore & facile didiceram, ita multo breviori tēpore & facilius postea sum oblitus. Illud caput meorum erat malorum, quod florentem ætatem in tam vili & nihil olim profuturo ministerio consumebam. Sed præsentibus capiebar, futurorum securus. In vestitu, victu laute habebam. ex omnibus domesticis apud herū nemo plus poterat. Portæ instar erā, per quam quasi solam ad heri amicitiam patebat aditus. Unde tibi, quæris, tantus favor, præsertim nullis fere bonis instructo artibus? Quasi vero bonis tantum artibus dominorum favor colligatur! nihil

*Quibus  
Magnæ  
res fa-  
teant.*

hil vidi minus. Quid melius, quid honestius veritate? Atqui *Veritas odium, obsequium amicos parit.* Famulabar ego heri cupiditatibus, simul & meis. Celebs ille erat, firmæ & robustæ ætatis, in omni rerum abundantia ad omnem hilaritatem pronus. nihil mirum si amoribus paulo licentius indulserit: ad quos conciliandos me uno proxeneta utebatur. Verum quidem est nonnumquam apud honestas feminas virginesque, quarum amores sollicitabam, ejusmodi repulsas passum, ut existimationis suæ memorem à tam turpi ministerio avocare merito debuerint; quò etiam ipsa me incitabat conscientia: sed vicerunt nescio quomodo gratificandi hero studium, & prædæ, in quam nonnumquam veniebam, societas. Deperibat herus meus amore nobilis cujusdam feminæ, Fabiæ nomine: quem suum affectum quum mihi aperuisset, rationes mecum inire cœpi quibus eum voti sui competentem facerem. Commodissimum visum est, si ad ancillam Fabiæ animum ego adjicerem, eamque in partem curæ & laboris assumerem. Quod quum ex voto successisset (neque enim ad sæpius antecaptum opidum validus aries admoendus erat, quod ultrò quasi in meā venit ditionem) incredibile est quanto studio, quan-

*Modi  
expu-  
gnanda  
pudici-  
tiæ.*

quanta astutia pessima puella heri mei  
 causam egerit. Jam ipsa Fabia, etsi nec  
 verbo, immò ne nutu quidem ullam tur-  
 pis obsequii significationem dederat, eo  
 tamē male audiebat, & fere digitis osten-  
 debatur, quod vicini quotidie me ædes  
 ipsius quasi obsidentem viderent, meque  
 lenoniam apud herum agere non igno-  
 rarent. Tanto vero facilius locum inve-  
 niebat suspicio, quod virum propectæ  
 jam ætatis nec facultatibus admodum  
 abundantem, eoq; parcum & restrictum  
 haberet. Indignabatur quidem illa, sini-  
 stris pudicitiam suam, qua nihil charius  
 ac preciosius habebat, differri rumori-  
 bus sentiens; nec famam jurgiis, convi-  
 ciis, vociferationibus aut aliis similibus  
 modis, refutare, sed astu potius simul  
 & me amoliri & innocentiam suam  
 ostendere satagebat. Victam se simulat.  
 Nicolettam (id ancillæ nomen) monet  
 ut hanc suam mentem mihi aperiat.  
 Quid utroque nostrū lætius? Scuta-  
 tis aliquammultis oneratam à se Nico-  
 lettam dimittit herus: mihi benignè pro-  
 mittit. Condixerat mihi Fabia certum  
 locum & tempus, quibus mecum de mo-  
 dis obsequii hero præstandi ageret. at  
 ter ad minimum vadimonium deserue-  
 rat, me frustra præstolantem ludificata.  
 sed quum illa semper nescio quid præ-

*Vide pri-  
mā par-  
tem.*

*Prava  
suavia.*

texeret, fraudem non sentiebam : quam tamen iis quæ alibi mihi acciderant monitus, merito olfacere debebam. Sed serò sapiunt Phryges. Die maxime pluvio ad colloquium invitârat me Fabia. Nox erat illunis, viæ cæno ita oppletæ ut vel ocreatus eluctari vix posset. Nihil tamen impedire me poterat quominus vadimonium obirem. Sic ergo totus madens in densissimis tenebris manu explorans iter, & caput parietibus hic ibi impactum, tuberibus plenum referens, ad condictum venio locum. Experiundo tum didici, nullam rem tam difficilem esse, quin facilis fiat, si lubens eam facias. Sed humani vide perverſitatem ingenii. Egone in re laudabili tantum laboris ac tædii exhausissem? Vix profectò. nunc quum male faciendum fuit, omnis mihi levis visus fuit labos. Ad datum à me signum, quum stillicidio insuper, sub quo standum mihi erat, vestes omnes perpluerent, tandem Nicoletta occurrit : cujus vocis flatu totus jam siccatus mihi videbar. Non multo post adest quoque Fabia, ancillam discedere, & domum, herum inprimis, dum ipsa mecum loqueretur, observare jubet. Usitatis in ejusmodi congressibus, salutandi & percontandi formulis defuncti ego illi meam

meam benevolentiam, heri amorem expono; illa, gratis humanissime actis, totam se in ipsius potestate fore promittit: Ego quum præmeditata oratione magis ipsam incitare exorsus essem, illa loquentem interfata. Quam vereor, inquit, mi Gulsinane, ne quis domesticorum aut vicinorum sermoni nostro sit arbiter. Tu, quæso, interim dum ego mihi ab insidiatoribus caveo, & domum exploro, rectà hinc perge, & in conclavi quod invenies me exspecta; brevi reversuram. Cave vero si me amas, ne vel minimum excites strepitum. Eo quò me jusserat; sed quum vix unum & alterum passum essem progressus, in montes velut quosdam quisquiliarum pedes lapsus abundus, caput in haræ (hæc enim conclave illud erat) parietes impingo. Fetore offensus, non diu ibi moror. egressus, illam ipsam portam per quam intraveram adhuc apertam video. Circumspiciens omnia quantum in tam densis tenebris fieri potuit, dubitare cœpi, num forte per tenebras à conclavi illo aberrâssem: eoque denuo locum obire omnesque angulos explorare volui. regredior ergo; sed aliâ viâ in angiportum quemdam delatus, pergulam ruinosam invenio, in eaque locum alvo purgandæ destinatū. Quid mihi tum animi

*Aslucis  
lauda-  
bilis.*

*Timet  
omnia  
malis  
sibi con-  
sciis.*

fuerit, facile quivis cogitabit. Celeriter me inde proripio, per portam illam domum reversurus. Sed clausa jam erat. quare nihil aliud cogitatione mihi fingere poteram, quam ab astutissima femina insidias mihi structas; & mox maritum adfore qui me Venereum nepotulum & turpis amoris conciliatorem vel interficiat, vel probe depexum, semivivum dimittat. Inter has curas & anxietates (jam enim pluviarum, fetoris, aliasque molestias vix sentiebam) nocte illa exacta, mane apertæ strepitum portæ audio. Stultus adhuc Fabiam ad me venire mihi imaginabar. Procedo inter spem metumque, dextra gladium, sinistra pugionem tenens: sed quum neminem vidissem obvium, recondito in vaginam gladio per portam erumpo: domumque reversus, uvidis depositis vestibus, in lectum me compono, madore & gelu confecta ac pæne emortua membra quiete & lecti calore refocillaturus. Jam illa me unicè tor-  
*Negotio-  
sis res  
malitia.* quebat sollicitudo, quid hero proculdubio effecissem, & quo in statu amores sui essent sciscitaturus respondere vellem. Verum si dicerem, paratas mihi videbam omnium vuculas & vexationes. Negaremne? atqui jam Nicoletta scutatos aliquot, ut supra dixi, accepe-

ceperat : & verendum erat, ne herus meus id tantum à me actum putaret, ut argento ipsum emungerem. Sed res mea ipsius opinione melius cecidit. Postquam enim ille me rogavit, cur quid à me cum Fabia actum, non indicassem : respondi, hinc inde commeantium tota nocte in platea illa tantam fuisse multitudinem, ut ante mediam noctem ad ædes Fabiæ propius accedere ausus non fuero. tandem pulsanti mihi dictum, fieri nullo modo posse ut illa nocte ad heræ colloquium admitterer. Jussit ille me urgere negotium, eique sequentem noctem insumere. sed ego per valetudinem me excusabam : quam excusationem ipse vultus mei pallor probabilem faciebat. quare monitum ut valetudinem inprimis curarem, & quæcunque necessaria à suis peterem, cubitum me discedere jussit. Tantam ego humanitatem verbis & gestibus decenter remuneratus, priorum laborum, quod beneficium bene collocatum viderem, tanto facilius sum oblitus. Vix alter dies illuxerat, quum ecce à Nicoletta adest puella, litterulas, ferens quibus scire cupiebat, quid cum hera sua actum, quid impetratum esset. Erant in iisdem verba quædam, quibus animus mihi non minus confundebatur quam punge-

*Vis hu-  
manita-  
tis &  
munifi-  
centia.*

*Ridicu-  
lus casus  
Gusma-  
ni.*

gebatur. Rescripsi, venturum me illo ipso die : observaret me eo quem designabam loco. Erat is ad posticam ædium, in quibus Fabia habitabat, partem, angustior, pervius ille quidem, sed tam angustus ut alter alteri si forte occurrerent, vix possent cedere : tum ita cœnoscus, stercorebus, aliisque sordibus oppletus, ut vix à quoquam tereretur. accesserat prioris diei ac noctis pluvia ; ut mihi quoque ad destinatum locum, unde cum Nicoletta commodè poteram colloqui, pervenire difficile fuerit. Ubi illa me vidit, eadem quæ prius per litteras expostulans, cum ingenti admiratione quæ priori nocte accidissent ex me audit. Dum sic tam de præteritis quam futuris verba serimus : ecce porcus grandis & crassissimus, quem è vicino stabulo solum rostro fodientem equiso multis ictibus abegerat, tam repente in me NICOLETTÆ sermoni intentam incurrit, ut non dato declinandi spatio ( est enim animalis hujus ingenium ut non minus quam Terminus, Nulli cedat, sed viam suam rectè pergat ) divaricatis cruribus me insidentem, & cadendi metu caudam tenaciter amplexum, multos passus abstulerit priusquam à tali equitatione expedire me possem.

Sic



Sic insidens in sordidissimum fimetum deferor, in quo ne deicerer aut deciderem summa mihi cura fuit. equum ergo meum non calcaribus sed pugnis quantum possum incito; ille rostro mihi obverso grunniens, Pegaso velocior, nullibi consistens, quacunque apertum videbat iter, pervolat. Quum interim plurima turbâ ad tale spectaculum occurrisset, melius facturum me putavi, si desultoriam facerem, & vel in medium cœnum me præcipitarem. Quod utinam initio statim fecissem, & quadrupedi me potius quam invidis & malevolis conculcandum ac differendum præbuissem! Metui scilicet ne vestes commacularem; dum interim omnem de me existimationem maculo, & toti civitati deridendum me propino. Sic è fimo ac cœno ægrè er- *Infelici-*  
po, totus quantus quantus eram, sordi- *bis ludi-*  
bus oppletus, ut modo è balenæ quasi *bria sunt*  
ventre in terram ejectus viderer. non *parata.*  
oculi, non os, non frons apparebant. nihil vero tam molestum mihi erat, quam quod ab ingenti hominum multitudi-  
ne, puerorum inprimis, cinctum me viderem, qui clamore suo me quacunque ibam prosequabantur, & ad insaniam pæne redigebant. Certe parum absuit quin tanquam alter Ajax

stricto gladio in pecora & in homines fuerim irruiturus. Sed continuit me ratio, qua monstrante, subito in domum quamdam irrumpo, & occlusis foribus, populi ludibrio me subduco.

## CAPUT III.

*Gusmanus fabula vulgo factus, Româ relictâ, Florentiam se confert. Ab impostore, cum quo in via amicitiam contraxerat, magna peculii parte spoliatur.*

JAM dies abierat. Quum ergo ædium dominus, qui me hætenus sub interiore porticu latentem, tulerat, adhuc morantem & de abitu nihil cogitantem videret; jurgio & conviciis domo me exegit: ne situlam quidem aquæ, abluendo vultui, à suis mihi porrigi passus. Plena adhuc erat platea casum meum commemorantium, eique illudentium. Inter centum vix unus erat qui mei commiseratione tangeretur. quin plerique ædium dominum inclamabant ut purum hominem quanto-  
cyus ejiceret: adeoque nonnulli lapidibus

*Facienti  
homines  
plerum-  
que in-  
sulant.*

bus fores impetebant. Ego interim cultro de vestibus quod poteram cœni ac luti abradebam. sed nihil hoc erat. Fimi enim loquor non interiorem tantum vestem, sed & ipsam cutem mihi irrigarat. illud tamen lucri feceram, quod interea humor è vestibus aliquantum exstillarat. alioqui enim per plateas incedens similis futurus eram illis linteis quæ ad solem siccanda, jam jam ex ipso aquali depromta exportantur. Hoc modo egressus, caput pallio involvo, & celerrimo gradu aufugio. nec tamen illudentium mihi diæteria effugere poteram. nec pueri tantum clamoribus sed & canes, parvorum illud inprimis pessimum genus latratibus adeoque morssicationibus me persequiebantur.

Inter omnes unus prodierat juvenis, robustus, toto corporis habitu militaris: qui non modo tam acerbe mihi insultantes increpabat, sed & insectantes abigebat: cujus præcipue operâ domum tandem veni. Sed ecce aliam calamitatem. Dum clavem quærens, caligarum sacculos omnes excutio, nec quidquam invenio, dici non potest quantopere fuerim consternatus. Videbam enim clanculum, uti speraram, in ædes meumque cubiculum surrepere me non posse: nec dubitabam quin si  
vel

vel uni domesticorum visus essem, statim res omnis ad heri notitiam esset perventura. Sultum me, qui rem lippis & tonsoribus natam clam habere cupiebam! similis in eo nescio cui feminæ, cui quum tota facies cultro transversim ducto esset convulnerata, illaque chirurgum & circumstantes unice rogaret, ne marito quod acciderat patefacerent, chirurgus, Vulnus, inquit, hoc celari forte poterat, si natibus tuis esset inflictum: nunc quum tam conspicuum locum occupet, ut omnes celent, tu ipsa numquam celaberis. Sic ego mecum: Quid miser! tune vis ut quod omnes sciunt, nesciant? An soli manum oppones, ne luceat? Quin tu quod factum est æquo fer animo, nec hominum voculas & iudicia morare. Amicum ergo maxime tutum in rebus adversis perfugium existimans; unius è domesticis ministris cubiculum pulso: qui ubi me vidit, tamquam ad spectri accursum cohortuit. Rogo, quoniam clavem cubiculi mei amisissem, ut fabrum accerferet qui illud aperiret. Quod ubi factum, vestes abjicio, recentes induo. Vix hoc feceram, quum herus de infortunio meo jam certior factus, venire me ad se jubet. Scribendo tum erat valde occupatus herus. non verbum ille ad me

*Animo  
bono in  
re mala  
opu.*

me priusquam familiares omnes cubitum concessissent. Tum quid mihi acciderit rogat. Narro non hoc, sed quod ego finxeram, quodque credi vellem. sed & herus credebat quod ipse vellet. Tandem, Video, inquit, Gusmane, te quidquid hujus machinatus es, die Martis auspicatum esse. Ergo, inquam, here, in eadem tu superstitione es qua Hispani mei, qui diem hunc inauspicatum plane arbitrantur? Sed licet omnia fortunæ tela in me dirigantur, nihil tamen erit quod animum hunc valde possit lædere, dummodo gratum tibi obsequium præstare queam. At ille talem quidam affectum exosculari, sed non tam voluntatis quam existimationis curam habendam sibi dixit. Etiam minimos naves in publica persona notari. Domesticorum culpam dominis plerumque imputari, & sæpe lucendam esse. Nobili prognatam esse genere FABIAM: tantoque maiorem sibi curam adhibendam ne mihi illatum ludibrium in se quoque redundet. Fateari, FABIAE amore se fuisse percussam: atqui jam instar generosi falconis, si vel ultro sese offerat, gratiam ei facturum. Desinerem post hac istarum rerum. Quò verba illa tenderent, faci-

facile intelligebam. Et ut verum fatear, quia toti urbi eram fabula, ipse quamprimum cupiebam discedere. Amantium vero cæcitatem tacitus mecum admirabar. Quid? tantumne & in omnium positum oculis virum suum existimationem quasi manibus meis & fidei committere! illud vero multo magis mihi mirum videbatur, quàm fieri potuerit ut homo tam mendax ad intimam tanti viri familiaritatem penetrârit: ut ille mihi secreta sua, aurum, argentum, vestes crediderit. Sed profectò ipsa mendacia, tempestive tamen & cum colore adhibita ad hæc mihi profuerunt. Sed & postea res meas omnes everterunt. Adeò nihil stabile mendaciis inædificari potest.

Quod vero discessum meum maturavit, illud fuit, quod jam pueris quoque ex infortunio meo notus, vix in publicum prodire auderem; & si quando prodirem, ab obviis digito demonstrarer. Vere quidam dixisse mihi videtur, qui rogatus, quanto tempore opus esset ad transeundum de sapientia in stultitiam, respondit, Prout, quis, celeriter vel lente, à pueris incitaretur. Me quidem quum die quodam in publico nacti essent pueri quibus casus meus notus erat, tantis sibilis, tantis clamoribus & lu-

& ludibriis infectati sunt, ut tantam injuriam (sic rebar) etiam morte aliquorum vindicare statuerim. Dum insana ejusmodi agito consilia, ecce idem ille juvenis quem auxilium mihi tulisse supra dixi, cum uno & altero amicorum supervenit; & tam verbis quam factis mei suscipiens defensionem, dum socii inconditam turbam sermonibus suis detinent ac deliniunt, domum me sua manu deducit. ago gratias quam humanissime, nomen quæro, ut ex occasione pro beneficio gratus esse possem. sed nihil ille aliud, quam quidquid fecerit, id se animo benevolente fecisse; & in majori re, pro virium suarum tenuitate, gratificari mihi paratum. Rogo ut in posterum visitare me velit: sicque hominem multis promissis oneratum dimitto. Etsi autem vultum maxime ad hilaritatem fingere conabar, herus tamen facile primo aspectu sinistri aliquid mihi accidisse deprehendit. Tacuit tamen, quidquam se scire dissimulans. at ministri, quibus immixtus stabam, alius mappa os sibi obturare, alius faciem manu tegere, omnes avertere se, ac tandem ex ipso cenaculo se proripere, risu illa pæne rumpente. Hic herus gravissime indignari, inclamare omnes, increpare, adeoque in convicia ac minas

nas erumpere : quod numquam ante ab eo factum videram vel audieram. Totum ego me tum quasi in alium hominem mutatum sensi. In hoc veluti speculo ludibrii omnes maculas, omnes nævos ingenii & morum meorum intueri mihi videbar : & nisi herum ipsum habuisssem ejus quod actū fuerat conscius ; è vestigio , nemine salutato , eram aufugiturus. Prandere me jubet herus , ipse cubito mensæ incumbens & mentum manu suffulciens. quum paullulum adhuc sedisset , propere surgit , non sine magna omnium domesticorum perturbatione , qui sibi iratum existimantes intempestivū illum risum magno redemptum volebant. Ego quum dies aliquot cubiculo me inclusum tenuisssem , lectioni & Musicis exercitiis vacans ; & cum amicis qui interdum ad me ventitabant colloquens , hero interim pastum , & quidem solito lautiozem mihi præbere jubente ; mox non tantum domesticorum liberatum me ludibrio , sed in majori quā antea existimatione & honore esse sensi. Inter alios frequenter ad me veniebat ille qui bis mihi jam succurrerat juvenis : cujus consuetudine tanto magis delectabar quod ex eadem esset natione. Aiebat Romam se venisse , nescio cujus dispensationis obtiendæ causā : jamque diu

*Ecce  
perfectum  
Lavernionem.*



diu multos, frustra fere, sumtus fecisse.  
 Is in sermone aliquando jecerat, mirari  
 se quomodo in cubiculo tamquam in  
 monasterio sic delitescere possim. Quod  
 si meo loco esset, se libertate rebus  
 omnibus prælatâ, exterâs regiones per-  
 lustraturum. quæ quidem res iis qui  
 emergere cupiant, magno sit emolumen-  
 to. Ex omnibus vero regionibus nullam  
 esse visu digniorem Italia: cujus caput  
 quum mihi melius forte quam ipsa mea  
 patria cognitum sit, rectè me facturum  
 si nobilissima quoque ejus membra, &  
 quæ passim monstrantur tam Naturæ  
 quam vetustæ Artis miracula ipsis ocu-  
 lis usurparem. Digressus ille totum me  
 unica ejus de qua dixerat rei cogitati-  
 one & cura occupatum reliquit. Aperio  
 propositum meum Oratori: quod ille  
 summopere probabat, adeoque magis  
 me incitabat. Et si enim opera mea non  
 ingrata ipsi erat; veritus tamen ne  
 mea infamia in se quoque redundaret,  
 jamdudum abitum meum nequaquam  
 ægre tulisset. Quod si in Galliam pro-  
 ficisci mihi esset animus, litteris suis  
 apud amicos effecturum se aiebat ut  
 nihil mihi deesset eorum quibus pere-  
 grinantes iuvâri amant. Ego quamvis  
 non levi fforentissimi regni, sed in-  
 primis maximi Regis videndi tenerer  
 desi-

desiderio : prius tamen Italiam in qua jam eram, obire constitui: sicque ad iter me comparavi.

Quotidie interim veniebat ad me Hispanus ille juvenis, è Sajavedrarum (quæ nobilissima est apud Hispalenses familia) gente se mentiens, quum Valentinus esset: ceteroqui ingenio perquam & celeri & eleganti, moribus gestibusque ad honestatem ac decentiam mire compositis, tantâ vero facundiâ ut alter quasi Mercurius videretur. Is in sarcinulis meis componendis tam voluntariam quam gratuitam mihi præstabat operam. Roganti quò primum iter habiturus essem, respondi, Senis amicum me habere, Pompejum nomine; ad quem sarcinulas meas essem præmissurus. inde me Florentiam iturum. Interim dum ille me reculas meas convasantem non videt tantum sed & adjuvat, facile notavit quid in quaque esset sarcinula. Erat inter alias una, in qua torquem aureum, gemmas aliquot, nodos aureos, trecentos insuper scutatos Castellanos incluferam. Unde, tibi, inquis, tantæ divitiæ? Dicam: Subtrahebam hero quantum poteram, tam caute tamen ut fraus non pateret. Multa quoque dona ab iis qui ædes nostras frequentabant accipiebam, ut quem plu-

*Aulicorum divitiarum unde.*

plurimum apud herum posse non ignorabant. Sed nulla è re majorem quæstum feci quam è lusu: non quidem ipse ludens, sed chartas aliorum observans. quod si herus lucrum fecisset, ad me quoque adventitii pecoris pars redibat. *sin alii*; nemo erat ex omnibus, qui primo chartas mensæ imponentem, deinde cujusq; nutibus intentum omnibusque ministrantem, immunem dimitteret. Alias artes quibus plerique meæ fortis homines peculium sibi acquirunt, taceo, ne docere videar. Sed ad Sajavedram redeo. Is ubi sarcinulas meas & in iis multa quæ sua esse vellet, vidit, in hoc unum omnes curas & cogitationes intentas habuit, ut ipse potius quam ego iis frueretur. & ecce statim Lavernam alumno suo faventem. Dum quadam die (ventitabat enim ad me quotidie) variis de rebus, sed imprimis de meo itinere colloquimur, domestici me vocant, ajunt; Nobiles quosdam adesse, qui me conventum cupiebant. Quia vero cubiculum meum fordibus, ob convasationem & propinquum meum discessum, jamdiu purgatum non erat; descendo, amicos, quos adesse putabam, alloquuturus. Sajavedra interim, qui antea notârat quo loci claves mearum sarcinularum

repo-

*Initium  
fraudis  
à Saj-  
vedra  
factæ.*

reposuissem, earum formam ceræ, quam  
è candelarum reliquiis hinc inde per cu-  
biculum sparsis collegerat, aut forte ei  
rei paratam secum attulerat, imprimit:  
dum ego cum aurigis ( hi scilicet erant  
illi Nobiles ) de vectura transigo, diem-  
que crastinum constituo quo sarcinas  
meas illis consignarem. Reversus rem  
omnem expono : nimirum velle me  
reculas meas præmittere, & post octi-  
dum, quod amicis valedicendo in-  
sumturus essem, sequi. Post unum &  
alterum diem venit ad me Sajavedra  
sub ipsum noctis confinium, vultu  
plane tristi, facie, ut mihi videbatur,  
subpallida. Rogo, ecquid valeret. ait,  
magis se vexari capitis doloribus. im-  
mò totum corpus sibi dolere. Domum  
se ire velle. rogare ut ne boni & fidelis  
amici obliviscerer. Infelicem ego me  
putabam quod meo in cubiculo occa-  
sionem bene tractandi amici non habe-  
rem. Rogo ubi habitaret : ut & ad  
ipsum visere, & ex iis quæ agris gratæ  
& salubres sunt rebus mittere aliquid  
possem. Respondet, se in contubernio  
vivere cujusdam feminæ, quæ omnino  
agnosci nolle. Ceterum si morbus non  
remitteret, missurum fidum hominem,  
deque suo statu certio rem me facturum.  
Mane celeri conducto equo Senas con-  
ten-

tendit Sajavedra, quò paullo ante sarcinulæ meæ delatæ erant. Præmiserat vero suæ farinæ quosdam, qui diligenter omnia observarent, ejusque adventum præstolarentur. Senas quum venisset Sajavedra, ad insigne S. Marci, præcipuum ea in urbe hospitium divertit. Adfunt mox Laverniones socii. illum Nobilem Hispanum, se ministros fingunt. Personas utriq; suas egregie agunt. Eodem statim die mittit è ministris unum Sajavedra ad Pompejum, quem supra dixi: adventum suum nunciare jubet. Quo intellecto, tanta incessit lætitia Pompejus, ut quid primum, quid postremum faceret, non satis sciret. Injecto propere humeris pallio, ad hospitium advolat. Post mutuam salutationem & complexum, magnam ait sibi factam injuriam, qui non potius in domum ipsius quam aliò diverterit. Se suaque omnia in ipsius esse potestate. uteretur pro libitu. Digressuro jam Pompejo, personatus ille Gusmanus, ipso vidente & audiente, è ministris uni clavem dat, cum mandato ut è sarcina, quam certis designabat notis, vestem, cujus item formam describebat, depromptam sibi adferret. Ad cenam Pompejus vinum lectissimum & exquisita amico, uti putabat, mittit bellaria, absentiam

suam per negocia excusans. Vix diluxerat, adest. Ajunt ministri, in lecto adhuc esse, quod noctem eam non satis commode habuerit. abeuntem nihilominus summa vi retinent, jurgia ab hero sibi parata dicentes, si tanti amici adventum non significassent. Accersitur statim in cubiculum Pompejus. Post varios sermones Sajavedræ iterum domum suam pro hospitio amicissime offert. agit ille gratias: hoc tamen beneficio jam uti se velle negat, quod propediem dimissis ministris, longum iter ingredi constituisset. rogat ut sarcinulas Pompejus per domesticos sibi mitteret. Paucos se fidos habere: qui quum propediem dimissum se iri non nesciant, tanto magis ab eis cavendum esse. Prudenter hoc excogitatum arbitrans Pompejus, quidquid erat apud se mearum sarcinularum bajulorum humeris imponi, & uno è suis comitante ad Sajavedræ hospitium deferri curat; simul missis lautis quibusdam ophaniis, una cenat, totusque se, oblectando hospiti, ad letitiam componit. Post ejus abitum Sajavedra & socii statim aliam in domum se conferunt: summo mane Florentiam profisciscuntur: prædamque omnem in medio positam inter se dividunt. Habebat Sajavedra in comitatu suo homines aliquot.

aliquot, ab ipsa, ut sic dicam, natura ad omnem fraudem & nequitiam factos: inter quos familiam ducebat Alexander quidam, patria Bononiensis, <sup>Heroum filii</sup> cujus pater <sup>noxx.</sup> in ejus urbis territorio magni erat nominis Jureconsultus, & in magistratu quoque constitutus. Duo huic erant filii, tam disparis ingenii ut magis diversum vix quidquam cogitari possit. Major natu Vincentius nomine, ingenio erat aperto & hilari, sed vano admodum & jactabundo, ut qui præter militaria exercitia (quibus ne ipsi quidem Marti cedere se aiebat) etiam Musices, Poëtices, omniumque litterarum scientiam sibi arrogabat, & in circulis passim vaniloquentia sua mirificos risus excitabat. Equidem quum recte cogito, sic statuo, etiam N. N. multosque alios magnifice de se sentientes, aliorum contemtores, ex hujus esse prosapia. sed fruantur sua insania. Frater Vincentii hujus fuit Alexander ille quem diximus: homo taciturnus, tristis, ingenio & manu ad quidvis prompto, qui quum à puero malis hominibus familiariter assuevisset, parentum indulgentiâ eò processit ut nullum in eo facinus incredibile videretur. Hunc ipse quoque Sajavedra tamquam ducem suum & caput verebatur, ejusque decretis stare cogebatur.

Peculiolum vero meum hic ita partitus fuerat, ut inter Sajavedram ac socios vestimenta aliquot detrita & non magni precii distribuerit, gemmas, aurum omne & argentum, præter scutatos aliquot, sibi servârit. Divisis spoliis, Alexander Florentia in Bononiense territorium, ad declinandum periculum, alii aliò discesserunt.

*Sero sapiamus.*

Quum interea altero die Pompejus in hospitio me frustra quæsitum jam discessisse, in salutato se, intellexisset: statim fraudem subesse suspicatus, ad summam diligentiam nihil reliquum fecit ut quonam ille tam carus sibi hospes sese proripuisset, expiscaretur. Ubi ergo cum ministris Florentiam celeribus equis profectum cognovit; magistratum adit, & lictorem quem cum publica auctoritate ad apprehendendos fures mitteret, dari sibi petit, quod quidem non difficulter impetravit. Sed à personato Gusmano ad verum redeamus.

*Lætatur malorum ignari.*

Dum hæc fiunt, ego mei ignarus infortunii tam domi quam foris hilari- ter admodum dies aliquot transigo, amicis valedicens: angebat me tamen Sajavedræ morbus; à quo quum frustra nuncium expectassem, summam adhibui diligentiam ut ipse hospitium ejus indagarem. Sed explorare certi



certi nihil potui. & quamvis multa mihi in mentem venerint, illud tamen credebam, aut mortuum esse, aut hospitium suum eò celare me voluisse, ne paupertatem suam, quam honesto habitu egregie dissimulabat, coram arbitrarer. Ne tamen ille frustra me post discessum meum quæreretur; uni familiarum duos vel tres scutatos dedi, quos ipsi daret. Tandem decreta in sequentem diem profectioe, hero valedixi: qui auream catenulam quam assidue ante gestaret, collo suo detractam meo iniecit, Sit hoc, inquit, amoris mei & benevolentiae erga te monumentum, cui ego, Deum testor, ex animo semper bene volui, bene volo, & bene volam, quamdiu in virtutis semita permanferis. Quam calidis inde exhortationibus ad virtutem me incitavit, quam salutaribus praeceptis instruxerit, etiam nunc recordor, tum vero omnium statim oblitus. Crumenam insuper mihi dedit aureis scutatis plenam, tenue, ut ipse agebat, viaticum. Tanta liberalitas, mihi lachrymas quoque expressit, tum demum intelligenti qualem herum habuerim, & in quantis bonis vixerim, quibus mihi postea carendum esset. Equum insuper è melioribus unum dari mihi iussit, quo mul-

*O rariss  
herum!*

tis deinde annis commode usus sum. E domesticis nemo erat qui non magnam è discessu meo caperet molestiam. Semper omnibus fueram amicus. etiam offensus, injuriam, quoad ejus fieri potuit, dissimulâram. Apud herum nihil in cujusquam præjudicium vel odium loquebar. si quid animadverterem minus recte vel dici vel fieri, ipsos delinquentes amice admonebam. Ut omnibus opera mea parata erat; sic vicissim omnes meis utilitatibus unice studebant. quod quam utile mihi fuerit, dici non potest. Et quamvis herus meus me præcipuum suis haberet rebus & consiliis, non tamen supra ceteros me efferebam, sed tamquam frater inter fratres versabar; omnibus nihilominus me non tamquam æqualem sed superiorem observantibus. Verum quidem est, in illo meo infortunio neminem fere fuisse, qui risum tenere potuerit: sed profecto ita cum rebus hominum comparatum est, ut cum fortuna, non fides tantum, sed etiam respectus cadat. Nec tam tristis ille casus meus erat quam ridiculus: licet inde, vel potius à Nicoletta mea, omnis mei mali origo profluxerit. Potuisset quidquid hujus factum erat, vel oblivione sepeliri, vel variis modis excusari: sed

*Sic vivitur sine odio sine invidia.*

ri : sed pessima puella ubi à me nihil amplius sibi sperandum vidit , omnibus suis amicis & amicabus quod mihi acciderat tam graphice enarrabat , ut risu crepare omnes viderentur. Vides *Mulieris lingua, non vacula.* quam noxia sit indomita malæ mulieris lingua ; quæ sine ullo suo commodo me quasi pessumdedit , domum heræ suæ infamavit, & herum meum fideli ministro privavit. Cato sis. non modo non secretum , sed vix quidquam quod alios scire nolis , feminæ committe. Tinniet olla quamprimum pulsata fuerit. parva scintilla magnum incendium excitabit.

Româ egressus , brevi Senas provolaui, multa animo volvens ac revolvens. Quæro Pompeii ædes. Excipit ille me promptus quidem & alacris , sed perturbato , ut statim mihi videbatur, animo ; utpote ejus quod acciderat gnarus. In cubiculum deductus , circumspicio. quum nihil mearum sarcinularum viderem, & ipse animo hæsitare cœpi. Cenamus unâ laute, & in speciem hilariter: quum utrique ne unicus quidem bolus uti debebat, saperet.

De sarcinulis meis altum silentium, mihi vero incivile videbatur ubi eæ essent rogare , ne amico viderer diffidere. Sequenti die quum magnifice me

*Verum  
tandem  
dicens.*

per omnes urbis plateas inferre statuissem : rogo unam ex vestibis meis melioribus mihi adferri. Quid faceret homo? venit ad me , narrat quod acciderat: Quid mihi tum animi fuisse putatis? Non suspicabar , sed ariolabar à Sajavedræ manu hoc esse. Sed quid facerem ? solabatur me Pompejus. missos à se qui fures inquirerent. Sperare , rectè omnia successura. O miserum solatium ! Dissimulabam tamen omnem qui animo meo penitus infixus erat dolorem. Neque solum necessitas , sed ipsa quoque ratio id mihi suadebat. Quid enim ? ob reculas quasdam ( neque enim omnem illam meam esse substantiam sciebat Pompejus ) amicum ego abdicarem ? & quidem , ut facile colligere poteram , nullam suam ob culpam , nisi credulitatis : quam tamen mihi imputandam mea ipsius convincebat conscientia. Cur enim Sajavedræ ignoto homini tantum fidei habui ? cur sarcinas meas ipso inspectante colligavi ? Sed fraudem non facile præsumit nisi fraudulentus. Tu quisquis es , cave etiam ab eo à quo cavendum tibi minime arbitraris. O quam sæpe ipse cautor capitur ! Superabundans cautela ( Jureconsultorum phrasi loquor ) non nocet quidem ; sed nec semper prodest.

*Fide  
parum.*

## CAPUT V.

*Gusmanus, amisso peculio, Florentiam proficiscitur. in via Sajavedram obvium habet, & ministri loco suscipit. Describitur Florentia.*

**I**Nter spem metumque Senis triduum commoratus, de eo quod mecum tuleram in Pompeji domo nihilo minus largos sumtus feci: perinde ac si res meæ omnes adhuc essent in integro. Damnū, etsi internecivum, verbis ac vultu aspernabar: quo majores meæ divitiæ crederentur. illud unice male me habebat, quod nullam haberem vestem qua in tam magnifica urbe & inter præstantissimas formas ostentare me possē. Commodum ad mensam assederamus, quum ē domesticis Pompeji aliquis in conclave irrumpens, Lictorem adesse, clamat, manifestum esse furtum, & præcipuum auctorem apprehensum. Non hominis ego, sed angeli vocem audire mihi visus eram; nec dubitabam quin ad pulvisculum omnia quæ amiseram in meam reditura essent potestatem. Jam ipse animus lætitiā nō capiebat, sed in vultum,

*Sumtus  
secelatur  
pan-  
peras.*

*Tanto  
dignum  
biatu  
scilicet.*

tum, ita erumpebat ut vix apud me  
essem. Surgo propere, lictori non mi-  
nus ac si thesaurum invenisset & ipsi  
lætanti obviam eo: rogo, quæ de rebus  
meis spes. Ait, brevi omnia in salvo  
fore. Pergo querere, quid comperisset.  
Respondet, unum de furibus compre-  
hensum, ceteros evasisse. Sed ab illo  
omnia resciri posse. Hîc mihi animus  
repente iterum concidit, omnisque mea  
lætitia in summam indignationē adeo-  
que furorem conversa fuit: quem ta-  
men, utpote nihil profuturum, quanto  
poteram studio dissimulabam. Pallium  
sumit Pompejus, & ad Judicem currit,  
ut diligentiam ejus excitaret, & fâvo-  
rem nobis tam flagitiose circumventis  
conciliaret. Sed nec hoc nec quidquam  
aliud nobis vel hilum profuit. Qui ap-  
prehensus erat, negabat à se, sed ab aliis  
furtum commissum. nihil inde ad se  
præter nescio quem detritum centun-  
culum rediisse, quem Florentiæ vendi-  
derit, & precium perquam vile in vi-  
ctum suum impenderit. Quid sit? Con-  
demnatur à Judice furunculus ut virgis  
publice cæsus è civitate ejiceretur. Quod  
ubi intellexit quidam è Pompeii dome-  
sticis, lætus ad me accurrit, & ut ad ju-  
cundissimum spectaculum exirem hor-  
tatur. Jamjam enim rerum mearum de-  
pectu-

*Mise-  
rum so-  
latium.*

peculatorum publice pœnas daturum.  
 Ego mecum : O te hominem insulsi-  
 mum ! quem quidem ego , si potestas  
 mihi esset, probe depexum daturus sim.  
 Tune paupertati meæ hoc adfers sola-  
 tium ? Et profecto in iurgium erupis-  
 sem , nisi in mentem mihi venisset id  
 quod Hispali accidisse quondam audi-  
 veram. Convictus quidam quod falsam  
 cudisset monetā, speciali supremi Con-  
 siliî mandato ad furcam damnatus erat,  
 posthabitis omnibus quas rei Procura-  
 tor interposuerat exceptionibus, illa in-  
 primis qua ad Ecclesiasticum Judicem  
 (erat enim Clericus) provocabat. Re  
 acriter disceptata, quum à rigido Judice  
 nihil obtineri posset , Procurator reum  
 ad supplicii usq; locum comitatus quum  
 implicitum laqueo collum jam habe-  
 ret , furcæ adstans, miserum inclamat,  
 protestatur se in causa ipsius agenda  
 nihil omnino prætermisisse : Judicem  
 nihilominus de facto procedere. Cui  
 quum vi resisti nequeat, hortari ut pa-  
 tienter omnia ferat. Se quidem etiam  
 porrò causam ipsius strenuè acturum,  
 nec discessurum quamdiu vivum vide-  
 rit. O præclaram & efficacem consola-  
 tionem ! Numquid Monetarius ille ad  
 sollicitatorem suum dicere poterat : Fra-  
 ter mi , melius mihi fuerit ut tu huc

*De fu-  
rum pec-  
nis.*

ascendas, & gulam tuam meæ succida-  
neam hostiam laqueo præbeas, ego  
vero causam meam ipse agam. Hanc  
ego historiam quum animo mecum re-  
putarem, licet indignabundus, vix risum  
tenere poteram. Quid enim mihi salatii  
adferre poterat publica furunculi igno-  
minia? An propterea quisquam da-  
mnum mihi erat compensaturus? Illud  
quoque considerabam, quam ridiculum  
sit ignominia à maleficiis velle deterre-  
re eos qui jam dudum animum & fron-  
tem ad omnem ignominiam obfirma-  
runt? Mihi quidem Iudices qui fures  
& ejusmodi mastigias virgis cæsos aut  
notis inustos civitatibus ejiciunt, dice-  
re videntur: Homo nequam, satis tu  
hactenus apud nos furtis & facinoribus  
tuis grassatus es. nunc tempus est ut ad  
alios te conferas, ibique artem tuam  
similiter factites. Laqueus ejuscemodi  
furciferis debebatur, non proscriptio:  
quæ & olim & nunc etiam non modo  
in immerentes, sed & virtute & glo-  
ria præstantissimos viros cadere solet.  
Demosthenis, Themistoclis, P. Ru-  
tilii, Scipionis Nasicæ, Ciceronis, alio-  
rum exempla notiora sunt quam ut  
commemoratione indigeant. Quid A-  
theniensium Ostracismus? numquid bo-  
nis tantum & eximiis metuendus? Do-  
len-



lendum sane tervenificos, trifurciferos non alia fere pœna affici quam quæ bonis quoque viris sæpius infligi solet. Memini in civitate quadam vidisse me non minus justum quam ridiculum fere pœnæ genus. Civis erat cujusdam filius, tam furtificis manibus, tam singulari agilitate, ut ejus tanquam harpyjæ cujusdam unguis vix quidquam posset effugere: Sed quia fere omnes ejus fraudes & facta in iis quæ ad victum pertinent versabantur, inhumanum Judicibus visum est hominem morte afficere; quamvis sæpe sæpius recurreret. Collū ergo ejus ferreo incluserunt circulo, in cuius alte prominente cuspidē ut manu attingere non posset, campanula appensa erat, cuius sono omnes ut furem caveant admonebantur. Hæc certe ad coercendos fures utilior mihi pœna visa est, quam qua ignoti ad ignotos, ubi multo facilius furari queant, mittuntur. Multo melius qui desperatæ salutis homines ad remos damnant, aut ergastulis includunt: quorum unum quale viderim infra tibi narrabo. Nunc etiam manifestis factis alibi non desunt patrocinia, si non desit pecunia. Sic plures in prædæ veniunt societatem. Novi equidem in urbe quadam lictorum magistrum, qui quoties argento opus haberet, (opus

*Eegregium genus.*

*Iusticiæ abusus.*

vero habebat persæpe, ut qui aleæ valde esset deditus )ad forum ibat, ubi si quem notum furem vidisset, adibat, tristi vultu, caperata fronte. Roganti quid mali esset, aiebat opus sibi esse pecunia. tum ille paullulum abscedens, à sui similibus qui forum passim obsidebant, momento quasi quadraginta aut quinquaginta colligebat scutatos; quos clanculum Cerbero huic tamquam offam objiciebat, ut grassantibus conniveret, aut in deprehensos vel omnino non vel leviter animadverteret. Sed ad meum redeo furem: qui factum confessus, sed ejus in alium rejiciens culpam, per urbem virgis cæsus fuit & proscriptus: dum ego interim cubiculo meo tamquam carceri inclusus, paupertatem meam, in quam tam repente præter omnem opinionem decideram, deploro..

## CAPUT V.

*Florentiam proficiscens Gusmanus Sajavedram obvium in ministerium recipit. Florentiæ Descriptio.*

*Hospes  
cito fe-  
cer.*

DE hospitibus dici illud solet, *Quatriduanus est. fetet.* quod quidem ego

ego in Pompejo quoque meo animadverti. Etsi namque fastidium egregiè dissimulabat, paullatim tamen alienior à me factus, rarò me adibat, adeoque à colloquio meo & consuetudine abhorrire videbatur. Quod si quando necessitas vel officium visere me cogeret, nihil nisi ceremonias & verba adferebat: quibus ego minime juvari poteram. Quod si non veritus esset ne actio sibi à me intentaretur (majori n. diligentia in asservandis amici rebus uti debuerat) facile credo cum convicio ædibus me ejecturum fuisse. Sed ut ego omnem dolorem, quantum poteram, dissimulabam, ne homo pauci precii viderer: ita illud quoque prævertendum mihi duxi, ne quasi invitum ex ædibus proturbatum me existimare quis posset. Quum ergo in cena dixissem; consilium mihi esse Florentiam proficisendi, miro gaudio exsultans, ea quæ ibi viderentur Naturæ & Artis miracula ita mihi deprædicavit, ut vel nolentem ad iter incitare potuisset. & ex illo quidem ad quævis officia promptiorem quam ante sensi. Sed & hic latebat hypocrisis. non multo post enim quum in familiari sermone inter alia dixissem, non esse mihi animum unquam Romam revertendi, ex eo tam frigide me tractabat, ut di-

*Amicitia cum  
spe utili-  
tatis pe-  
rit*

cere mihi videretur: Quin abis actum, homo importunissime. quem quidem & absentem ego colui, quod opera ejus ad Oratoris Gallici favorem conciliandum meaque apud illum negotia promovenda esset utilis. Nunc egentem & nunquam eò loci ubi gratificari mihi possit reversurum, quid attinet honore aut beneficio demereri? Hæc quum ego in fronte ejus, quasi legissem, equum conscendo, homini valedico, non sine lachrymis, quum ille oculos suos exorare non posset, ut vel unam guttulam exspuerent: & quamvis nescio quid triste in vultu & sermone vellet fingere, pellucebat tamen artificium. Sic ego solus viam in eo: nisi quod gravissimæ cogitationes, quarum una aliam ut fluctus fluctum aspellabat, me comitarentur. Vix pauca miliaria confeceram, ecce Sajavedram, qui Senis profligatus (is enim ipse fuit qui solus furti, ut dixi, poenas dederat) exsilium adibat. Quem ut vidi, ira in misericordiam versa, lacrymas vix tenui: non tam maleficii (quamvis tum mihi sensus esset ejus acerrimus) in me commissi, quam pristinæ humanitatis & benevolentiae qua me contra puerorum insolentiam & insultus tuendum suscepserat, memor. Nullum generosi ac magni animi

*Beneficiorum  
memoria  
non debent ob-  
litterare  
injuria.*

animi certius est indicium quam injurias cito, beneficia nunquam oblivisci. Adequito, alloquor humaniter, ille ubi me novit, solutis quasi in lacrymas oculis, pedes meos amplectitur, per Deum & sacra omnia rogat ut ignoscam: simul gratias agens quod captivum non aceusarim. Se vitam, quam mihi deberet, servitiis & commodis meis impendere paratum: jamque nexu & mancipio totum se mihi dare. Ego qui ingenium ejus acerrimum & ad quævis habile cōgnoram, sciebam insuper multarum regionum & urbium esse peritum: gratificari ipsi statuo. Et si enim nec illud ignorabam, furem esse astutissimum & omnibus in nequiis exercitatum: commodior tamen rebus meis videbatur quam crassum aliquod & simplex pecus. Huic enim hominum generi nihil quod loquantur vel faciant rectè credas. Et ego si ignoto res & spes meas credidissem, futurum forte erat ut ab ipso quoque deciperer. nunc quia Sajavedram nōram, necessitas mihi erat imposita diligenter mihi prospiciendi ac cavendi. Dum sic iter unā facimus, & variis de rebus colloquimur, mirum est quanto ille me desiderio tam præclaram urbem videndi ac perlustrandi accenderit. Sole jam ad occasum vergente

*Dece-  
pens ne  
nimium  
sede.*

gente hospitium ingredimur, in quo Sajavedra diligenter admodum mihi ministravit; ego nihilominus id operam dabam ut ne equum mihi surriperet, aut quid aliud mearum reliquiarum involaret. Altero die primus urbis aspectus tanta admiratione me percussit ut via quamvis brevis, longa mihi videretur. Ubi in hospitium devenimus, nesciebam urbisne pulchritudinem & magnificentiam, an incolarum elegantiam & comitatem magis admirarer. Certè noctem illam totam somno suavissimo sine ulla cura exegi. quod quidem & bonæ cenæ & lecto perquam commodo acceptum refero. Hæc enim duo iter facientibus sunt exoptatissima.

Ubi diluxit, surgo, vestitum muto, & ad audiendum sacrum in primarium templum cum Sajavedra me confero; qui deinde me per omnes urbis regiones circumduxit, & quidquid visu dignum erat monstravit; ut qui ante ista in urbe anno & amplius habitârat. Sed quid si & ipse te circumducam, & sine tuo sumtu tam præclaræ urbis ostendam miracula?

*Floren-  
tiæ de-  
scriptio.*

De primis urbis hujus initiis post dicemus. Quantis verò difficultatibus avorum nostrorum memoriâ, quam gravibus bellis implicata fuerit Florentissima

tissima hæc Respublica , superiorum temporum , Guicciardini inprimis docent historiæ : donec Carolo V. in Italia bellum gerente , Cosmo Mediceo in Principatum fuit tradita , qui à singulari prudentia & rarâ fortuna Magnus Dux Hetruriæ fuit appellatus : ut cujus imperium , præter Florentiam , Senas etiam & Pisas , nobilissimas urbes , amplecteretur. Tanta vero Ducum horum fuit & adhuc est potentia , ut sola dignitate non uno Europæ rege inferiores esse videantur Quinetiam hanc ipsam dignitatem jam impetrârant , nisi quorundam obstitisset invidia : cui quidem illi cedendum pro tempore censuerunt. Cæterum tempus jam est ut ipsam urbem obeamus.

Florentia , vulgo Fiorenza , vel ob florentem fortunam , vel florida incolarum ingenia sic appellata , ac quod esset præfluenti Arno apposita , olim Fluentia dicta , civitas elegans , florens , potens , ampla , & pene regia , à Syllanis militibus X C. annis ante Christum natum condita , Romanorum , ut contendunt nonnulli , colonia , à Triumviris deducta , à Totila Gothorum rege , ut ipsius Annales loquuntur , diruta , à Carolo Magno reparata , & amplificata , ex ruinis Fœdularum. Florentia à Rudol-

dolpho primo Imp. libertatem emit pecunia, & Reipub. administrandæ XII. viros creavit, cum artium Prætor, ut ipsi nominant, Justitiæ vexilli fero. Rursus à Carolo Quinto, adjuvante Clemente septimo Pont. Rom. subacta, & Alexandro Medices, cui filiam Margaretam elocavit, concessa, cum Ducis titulo. Mediam perlabitur Arnus, quatuor pontibus stratus, tamque rapide fluit, ut adverso amne navigari haud possit. Hospitalia hic sex majora, minora alia XXXII. Ecclesiæ Parochiales XLIV. Cœnobiata virorum, quàm mulierum LXXVI. Collegia seu Fraternitates puerorum IX. totidem virorum vel etiã plura. Palatia hic infinita: Campi octo. Templum Cathedrale, cognomento S. Mariæ Floridæ magnificentissimum, & inter tria Hetruriæ nominatum, foris incrustatum marmore, albi, nigri, rufique coloris. Portæ à fronte tres sunt, ex quibus media sculpta, & cæteris ornatiores est, supra tamen rudis: tum aliæ duæ ab utroque latere: quatuor lata Sacella habet, alterum alteri præeminens adeo ut in modum crucis facta videantur, in quibus miraculo simile, quod sua dispositione sint stabilita: nullis enim pilis aut contignationibus sustentantur. Turri templi glob. æneus deauratus, XVI. fortasse



tasse hominum capax, impositus est.  
 Turris quadrata templo proxima, mar-  
 more tota incrustata, alta est cubitos  
 CCLXXX. adscensus in summum per  
 gradus CCCCVI. in altitudinē edueta.  
 Sacellum S. Joannis Baptistæ, opus urbis  
 antiquissimum: olim Marti dicatum, non  
 omnino rotundum, sed potius sexangu-  
 lare, ex nigro, albo viridique marmore.  
 Pilas habet sex, quibus singulis binæ co-  
 lumnæ interpositæ viridis marmoris; ubi  
 Altare summum est, aliud eminet veluti  
 Sacellum, quatuor laterum. Portæ tres  
 æneæ deauratæ, præclari operis, cum sa-  
 cris historiis & imaginibus sanctorum.  
 Limina item ænea, tectum marmo-  
 reum, intus in orbe positæ columnæ  
 XVI. totidemque pilæ, fenestræ XX. Se-  
 pta chori ex nigro alboq; marmore, tes-  
 sellata. Apud portam, quæ est è regione  
 majoris Ecclesiæ sunt binæ columnæ  
 porphyreticæ, quas Pisani, parta de Sa-  
 racenis victoria, honoris causa miserunt  
 Florentinis. La Citadella vulgo dicta,  
 Arx est munitissima, in planitie sita, *Pa-  
 lago della signoria* vulgo dictum, foris eam  
 magnificentiam non habet quam inte-  
 rius, ubi statuis & picturis artificiosissi-  
 mis est ornatum. ejus Turris fundamen-  
 to, quod videri possit, non innititur, si-  
 quidem sub ea ex omni parte conclavia  
 cer-

cernuntur, & ob id in aëre pendere dicitur. Magnum Ducem tres habere Turres mirabiliter insignes in proverbio est, unam in aëre, de qua jam dictum: alteram sub terra: tertiam in mari. in hujus Palatii conclavi, vulgo Garderoba dicto, est thesaurus Principis, ex variis & innumerabilibus rebus preciosissimis constans, interque alia supellex mensaria ex puro auro. in eodem est horologium, in quo Sol annuo spacio, & reliqui Planetæ, quisque suum cursum justo tempore absolvit: ibidem videntur Tabulæ Geographicæ omnium ferè provinciarum, itemque multæ virorum illustrium effigies. Ante Palatium locus est, La Donana vulgo dictus, ubi merces deponuntur, item Fontana antiqua, in cujus medio Gigas est, currui triumphali marmoreo insidens, ejusque quadrijuges marmorei aquas evomunt. Ante portam est regis Davidis statua marmorea. In Foro (vulgo La piazza dicitur) est insignis statua equestris ænea Cosmi Ducis, insignis magnitudinis & artificii. Ex jam dicto Palatio, per contigua conclavia iri potest in ædificium, quod intra sua septa concludit arcem. in hoc ædificio habent stationes omnium artificiorum magistratus, in inferiori contignatione, in superiori verò habet

habet Princeps imagines omnium nationum Principumque, & in his statuam Scipionis Africani: etiam Globum cœlestem immensæ molis & artis. hic quoque est Amphitheatrum inter media conclavia, ad imitationem veterum sumtuosissimè exstructum: circumcirca sunt multa conclavia, in quibus monstrantur res, quoad formam, tanti artificii, quoad materiam, tanti precii ut nihil supra, & quo ad numerum, extremæ infinitatis. in eorum uno monstratur clavus, cujus medietatem ex ferro, auream fecit arte Alchymistica nescio quisnā: in alio est effigies Magni Ducis Ferdinandi, supra quem est Speculū, in quo cernitur effigies magnæ Ducissæ. Haud longè hinc est Armamentarium Principis, suntque in tribus distinctis Cameris tanti artificii arma, ut vel ingeniosissimus hic videat quod admiretur. in altera hujus ædificii parte est Globus terrestris, sed adhuc imperfectus. Supra hoc ædificium hortus non contemnendus, inque ejus parte intrinseca, miraculi instar, conspicitur mensa Rudolphi secundi Imperat. quam artifices magno conducti, jam plurimis annis conficere cœperunt. Palatium vulgo de gli Pitti dictum, trans Arnū est. ejus fabrica numerari potest inter Italiæ magnificentissima. habet enim

enim conclavia ex marmore, aures incrustationib. & laquearibus atque picturis exornata. in hujus Palatii contignationes omnes ascenditur gradu cochlidis structuræ, quæ moles ex marmore, nulli innititur columnæ, & vel subter vel desuper intuenti apparent extremitates & circuli omnes æquissimi, quasi in puteum despiceres. Opus hoc est magni artificii & impensæ permagnæ, habetque à tergo hortum amœnum in colle, & juxta castellum sive arcem novam omnium munitissimam. Belvedere dicitur. Tertia Arx, extra urbem in colle sita est; Castello Vechio dicitur. in ea Templum est sumptuosissimum, crustis & scalis marmoreis; suggestum vario marmore artificiosissime intessellatum est, fenestræ marmoreæ. In Equilis principis atrio, sunt aves Indicæ, Apricicures, Cameli, Leones, Ursi, Tigrides, Lupi, Aquilæ, servantur locis ad id destinatis. La Stinca dicitur carcer publicus; L'officio del honestà autem, locus, ubi duo cives senes, perpetui judices, causas cognoscunt publicorum scortorum, eorumque qui lupanaria frequentant. Colonna della Iustitia vulgo dicta, notabilis est crassitudinis, marmorea: in ejus fastigio est simulachrum justitiæ. La Cassina pala-

palatium est novum, asservantur expoliunturque in eo omnis generis lapides preciosi. Ad mœnia urbis loco remoto aluntur complures Leopardi, omnes cures, qui in sylvam vicinam emittuntur, ut feras, lepores præsertim, pabuli sui causa capiant, domumque reverruntur, sed non sine duce. Hortus Cardinalis Alexandri Medices spaciosus est, latus & elegans, in eo Linum Indicum complurium annorum spacio in eam excrevit altitudinem ut arborem proceram referat: juxta eam Sacellum est magnificæ structuræ, itemque palatium: In templo S. Laurentii sepultura est Cosmi Medicis cum hac inscriptione: *Decreto Publico pater patriæ*. item Sepultura Petri Medices. Supra Sacellum est Bibliotheca excellens, ex manuscriptis libris constans, instituta à Clemente septimo Pontif. Rom. qui diris devovit illum, qui vel minimam schedulam exportare nititur. monstrantur inter cæteros libros manuscriptos Comœdiæ Terentii, quæ ipsiusmet manu exarata affirmantur: Item Virgilii Opera, ab ipso Poëta scripta.

Castellum Novum Viridarium est *Castellis*  
Magni Ducis Hetruriæ, cum Palatio, ubi *Novum.*  
æstiva est statio primogeniti ejus filii  
amœnissima, constans ex Hortis mira

Q

indu-

industria excultus : ubi videre licet fructus & plantas raras , tum omnis generis arbores , ut Cypressum , Laurum , Myrtum , Amygdalum , Citrum , &c. est denique Aquæductus insigniter artificiosus. nam primo Fons ibi est quasi triplex , altissimus , in cujus summitate collocatum est Herculis simulachrum , dextera manu puerum comprimantis , ut aquam copiose evomat. Circumcirca est area rotunda , aquarum aspergine insidiosa. Non procul ab hoc alius fons spectatur , cujus aqua ex capillis statuæ feminam veterem referentis defluit , dum ipsamet femina capillos omnes manu utraque quasi lotos siccandosque comprimit. Ibidem est rupes cavernosa , vulgo La grotta dicitur , in ea omnes omnis ferarum generis effigies , ut Cervorum , Leonum , Tigridum , Elephantorum , Volucrum , quæ item desuper , & ab omni parte , aquas evomunt : certæ quoque venæ , ipsiusque cavernæ meatus aquam profundunt tanta arte , ut imber naturalis exactissimè repræsentetur , cœlo sereno , Sole radios in cavernam immittente. Iris artificiosa in eo conspicitur , antequam ad cavernam pervenitur , ascendendi sunt aliquot gradus , qui perturati accommodatique sunt ad madefaciendos ex insidiis scanden-

centes. Collis quoque artificialis arboribus septis, adscensus lapillis minutis stratus, insidiosas habet aspergines, quas nec in ipso fastigio licet effugere, volente hortulano, è mensæ quoque lapideæ medio aqua prosiliens, missis in canalem certis ad eam rem factis instrumentis repræsentat (successione tamen) modò facem ardentem, modo rotundum, modo oblongum, insignisque magnitudinis vitrum, suam intrinsecus habens cavitatem. Sed de his satis. quæ quidem talia & tanta sunt, ut quidquid animo conceperis, re ipsa multo minus futurum sit.

Unum non possum non addere, quod summopere mihi displicuit. Vulgatum est; Cuilibet perito in sua arte credendum esse. Idem de me hic judica. Quum viderem eos qui sub pauperum nomina eleemosynas passim colligunt, tam incautos, tam inconsideratos & omnis fere artis (artem enim hic quoque locum habere prima Pars te docere potest) rudes, non poteram non indignari: adeoque continere me vix poteram quin Censuram mihi in hanc tribum summerem, & commodiora etiam non perentibus traderem præcepta. Quæ ratio est, mendicum tantum panis aliarumque rerum mendicando acquiratarum

*Mendicandi  
artis vitia.*

secum circumferre ut dici ei possit: Tibi in hanc diem satis est, cede egentioribus? aut scalpro dentis fodere, ut omnibus appareat tantum cibi sumsisse ut pars dentibus adhæserit? Hæc aliaque quum viderem, mirabar quemquam esse qui tam vecordibus mendicabilis quidquam largiretur. Quid absurdius quam mendicum certum habere præsepe? aut peculium palam præ se ferre? Et tamen, uti ego ipse meis vidi oculis, plerique omnes opulentias faciebant prædas. Inter omnes unum vidi, olim mihi notum, cujus pater, avus, credo etiam proavus, atavus, abavus eandem artem factirârunt, cæteris multo instructiorem. Sed quia magistratum metu publicam ibi quasi scholam tam præclaræ artis nemini aperire aut habere licet: ineptias illorum mirari desii. Hunc Sajavedræ monstrans, Viden'tu illum? inquam. Huic quidem tantum pecuniæ superest ut divitem me facere possit. Ille: Cur ergo mendicat? Respon-di: Postquam homines os vocemq; ad rogandum seu mendicandum-assuefecerunt, frontem contra verecundiam obfirmarunt, manus à laboribus abstraxerunt, pedes ad vagandum condocerunt, & ut verbo dicam, pudori nuncium remiserunt, in iis ad frugem reducendis

*Mendici  
divites.*



cendis frustra pòst omnis adhibebitur labos. Novi ego juvenculam quamdam, quæ quum paupertate, squallore, atque etiam morbo confecta Romam venisset, ad mendicantium tribum se adjunxit, non multo post morbo liberata, pugile habitior facta, quum nihilominus ostiatim stipem petere soleret, sæpe illud audivit, Ecquid puderet ista atate, ista totius corporis firmitate mendicare? Rectius facturam si laborando aut ancillando, victum sibi quæreretur. Respondit illa, occulto cordis sycopismo se laborare, quo correpta in terram prosterneretur, & terram manibus pedibusque pulsans, & sua ipsius membra & quidquid nacta esset, conquassaret. Quin etiam ea edebat morbi hujus spectacula, ut è largioribus eleemosynis laute ac jucunde viveret. Forte fortuna vidit eam aliquis popularium, qui nuper è patria ipsius venerat. Quid tu, inquit, miserrima sic mendicando aliorum opem exposcis? Cur non domum actutum proficisceris? ubi in magnas divitias quas parentes fato functi tibi reliquerunt, ventura es. His auditis, abit illa in patriam, & tam amplam hereditatem adit ut multi primarii adolescentes eam in matrimoniū expeterent. (neque enim ullum ferrum tam deforme,

*Mira  
narratio.*

*O absur-  
dam ve-  
lupta-  
tem*

tam rubiginosum est cui inaurato species aliqua conciliari nequeat. non genus tantum, sed & formam donant divitiæ. auro omnia & animi & corporis vitia obteguntur. ) Honorifico ad modum contracto matrimonio, post menses aliquot totâ fere contabuit; frustra morbi causam venante Medicorum natione: quam ipsa melius sciens, finxit, ad tanto facilius impetrandam peccatis ob quæ à Deo puniretur veniam, velle se inter extremæ conditionis homines eleemosynas petere, iisque vitam sustentare. Quod ubi fecit, brevi corporis vires restauratas sensit, plerisque miraculum tam humili pietati adscribentibus. Quin tanta feminam hanc mendicandi lubido inceserat, ut sola in cubiculum secedens ab eorum qui ad parietes depicti pendebant hominum imaginibus, cum solitis gestibus & ceremoniis stipem posceret, & accipere se fingens, mirificam caperet voluptatem. Tantum potest consuetudo. Hoc quidem ut Sajavedræ tum mirum admodum ac pæne incredibile visum fuit, ita non dubito quin apud alios quoque vix fidem sit inventurum. Verum tamen esse nôrunt quibus femina illa nota fuit.

## CAPUT VI.

*Florentiâ discedit Gusmanus.  
Alexandro dicam impingnes,  
in vincula conjicitur.*

**A**Nnon mira res! Non obsessa erat  
Florentia. quidquid ad victum per- *Ventri*  
tinebat, abundanter in foro prostabat. *omnia*  
ego tamen equum ab hero mihi dona- *cedunt.*  
tum totum, quantus quantus fuit,  
paucis diebus, atque etiam ipsas soleas  
ferreas uno jentaculo absumsi. Quia  
enim vendere me cogebat necessitas,  
veteribus detractis soleis novas induci  
curavi. Dici profecto non potest quam  
ægre tam præclara ex urbe discesserim:  
tanto magis quod jam cum non paucis  
meæ ætatis civium filiis familiaritatem  
contraxeram, à quibus ad circulos &  
conventus tam juvenum quam puellarū  
deducebar: quamvis melius certe ab  
ejusmodi congressibus, utpote tam sum-  
ptuosis quam illecebrosis, abstinuissem.  
Sed juvenis eram; & nihil juvenile à me  
alienum putabam. Viribus valet ado- *Juventa*  
lescentia, prudentiâ senectus. Repue- *vitia.*  
rascunt quidem senes plerique: at in  
paucis adolescentum videas senile ali-  
quid. Nec ego me errare existimabam, si

ætatis meæ ductum vel potius impetum  
 sequer. Illud unum animo meo erat  
 ægerrimum, quod tam charis heri mei  
 donis propediem me privatum iri pro-  
 spiciebam. Sed quid facerem? Aliud ad  
 manum non erat. Et casus est in quo pa-  
 tri liberos nexui dare olim licuit. Ro-  
 ma digrediens illud unice animo meo  
 propositum habui, velle me posthac fru-  
 gi esse & in virtutis perstare semita. Sed  
 quid profuit mihi tam bonas suscipere  
 cogitationes, quarum B. Augustinus  
 plenum ait esse infernum? Ecce vix di-  
 gressus, quem herum quærere, ipsa mo-  
 nente necessitate, oportebat, servum mi-  
 hi adscisco. Sed imperare hætenus suc-  
 tus quomodo aliis parere poteram? Sic  
 profecto mihi persuaseram, & forte per-  
 suaserunt, persuadent, & persuadebunt  
 alii, nihil de pristino splendore remit-  
 tendum. omnia tentanda potius quam  
 à generositate desciscendum. Sed sero  
 admodum errorem suum & insipien-  
 tiam deprehendunt. Ad rem. Quid  
 tandem me futurum esse considerans,  
 Sajavedræ paullatim animum meum  
 aperio, eo potissimum fine ut ne-  
 si quid postea à me secus quam putâ-  
 rat agi videret, tamquam ad phanta-  
 smatis occursum cohortesceret. Ait ille,  
 quoniam mihi decretum esset discedere,  
 utile

*Fin suū  
 persequi  
 a se-  
 per utile.*

utile se mihi daturum consilium, quo res furto amissas proculdubio essem recuperaturus. Non longè abesse celeberrimam urbem Bononiam, ubi domum & magnas facultates habeat Alexandri illius pater, ad quem præda ferre omnis redierat. Et quia de ipso factō ex ea quæ Senis & Florentiæ facta fuerat inquisitione constet, facile me à magistratu impetraturum ut à patre Alexandri, si is absens sit, de damno mihi satisfiat. quinetiam tam honestam familiam minime passuram ut eo nomine querelæ ad magistratum deferantur; sed clanculum mihi quidquid poscerē contributuram, ne dispalescat infamia. Non absurde mihi loqui visus Sajavedra: Imus Bononiam. Suggestit Sajavedra, dispicerem num melius esset ut ipse in hospitio lateret, dum ego Alexandrum, quem certis mihi describebat notis, investigarem. Consilio hoc probato, solus domo exeo: jamque unam & alteram plateam emensus, Alexandrum video, non tam ex iis quas Sajavadra mihi indicârat notis, quam meis ipsius, quibus indutus erat, vestimentis agnitus. Stabat vero ante templi cuiusdam fores, multis aliis juvenibus immixtus, qui (horribili sane impietate) non ad audiendum sacrum, sed ad formas

*Profana  
impie-  
tas.*

*Timeo  
male  
sibi con-  
sci.*

spectandas & subsannandos tam ingre-  
dientes quam egredientes eò convene-  
rant. Quid mihi tum fuisse putas ani-  
mi? Gestiebant pugni mihi scelerato  
homini non modo dentes excutere, sed  
& ipsam vitam adimere. Sed mecum  
cogitabam, melius fore ut à vivo sup-  
plicium, aut saltem damni compensa-  
tionem exposcerem, quam vitæ meæ  
ipse periculum crearem. In hospitium  
reversus narro Sajavedræ quid viderim.  
Pransi, consiliorum nostrorum ordimur  
telam; in plerisque titubârat antè Sa-  
javedra, ut qui furti non conscius mo-  
do sed & primus quasi auctor, pericu-  
lum timeret. Tandem visum utrique  
fuit, melius fore si cum tali præsertim  
homine amicè transigamus, quam ri-  
gida juris & justitiæ via procedamus.  
Utilior nempe passer est in manu, quam  
bos volans in aëre: & melior tolerabilis  
transactio quam lata à iudice sententia.  
Quod ergo primum erat, quæro ido-  
neum aliquem qui Alexandri patri rem  
omnem enuntiaret, & quidem eâ mo-  
destiâ, ut faciles aures præbiturum  
nihil dubitarem. Sed ille non modo  
non patienter hominem audire voluit,  
verum etiam magna ira exarsit, adeo-  
que conviciis ac pæne verberibus homi-  
nem à se abegit. O quam crudelem ego

tum vindictam utrique, patri & filio, animo machinabar! Sed vana est sine viribus ira. Adeo Jurisconsultum: & re totam sincere enarrata, consilium expeto. Respondet ille, Jam tota urbe notum esse Alexandrum. nec cuiquam hoc facinus in ipso visum iri incredibile. *Illecebra ad Processum.* quamprimum in urbem rediisset, bene vestitus ac numatus, omnes judicasse, exuvias has esse alterius. Ecquod certius argumentum, quam quo vestes illas sui corporis modulo adaptari curasset? Tum tota urbe certum rumorem pervagari, aliquam prædæ partem ab alio quodam lavernione Alexandro subtractam. Dispicerem quid faciumdum. Se quidem omnibus artis suæ subsidiis mihi subvenire paratum. Rogo ut actionis libellum mihi conscribat. quem præsentanco redemptum precio judici statim tradidi. Sed antequam hoc fecissem, totius rei notitia ad patrem Alexandri sive per caussidicum cujus consilio, sive per notarium cujus operâ utebar, dimanarat: qui è vestigio apud judicem me ultrò accusavit, ut qui totam ipsius familiam infamatum irem. O me miserum! hoc uno ictu spes mea omnis non solum decollavit, sed etiam in desperationem & æumnas versa est. Plurimum? immo omnia poterat apud Judicem

*Sic de-  
cet.*

pater Alexandri. peregrinus ego eram, non amicis modo, sed etiam aliis præfidiis, sine quibus raro quisquam jus suum consequitur, destitutus. Terminum mihi præfigit Judex, intra quem testes & argumenta producerem, brevissimum: quamvis intellexisset, Senis furtum hoc factum esse, atque inde petendum quidquid ad probationem pertinebat. Sed agebat ille, hunc usitatum esse Juris processum, quem mei causa immutare nec velit nec possit. Sic ergo tamquam litis desertor damnatus, & ex actore reus factus sum. Pater namque Alexandri longissimo, intricato admodum & ambiguo, nec minus horribili libello me tamquam totius suæ familiæ infamatorem ad crudelissimum ignis supplicium poscebat, filium tamquam probæ vitæ non excusans modo, sed & laudans. Quæ quum legissem, facile intellexi non injustas esse querelas tribunalia seu Judices summæ injustitiæ accusantium. Nullum est telum calumniæ acutius: nec quidquam magis metendum quam iniquitas & perfidia Judicis. Notorium quasi erat Alexandri furtum, nec Judicem latebat. probationibus ego sufficientibus eram instructus: sed quia favor & pecunia deerant, omnia deerant. Quid multa? dum fortunam meam de-



deplorans per urbem oberro, à lictoribus comprehensus in carcerem ducor. Scripto volebam causam meam agere; Sed subduxerat se Advocatus. nuspiam cumparebat Procurator. solus restabat mihi Notarius. Solabatur me quidem conscientia: sed quam miserum sit ejusmodi solatium, optem ut omnes ejusmodi Judices experiundo discant. Solabantur me quoq; alii, quibus causæ meæ æquitas perspecta erat; & ut patienter omnia ferrem hortabantur. Judicaturum olim Deum: & ejusmodi tam Judices quam judiciorum corruptores æternis suppliciis affecturū. Hæc taliaq; monita non aspernabar quidem ego; animi nihilominus interea miserum in modum discruciar. Tandem ubi curis nihil me vidi proficere, contemptu potius quàm indignatione de fortuna ulcisci me statui.

## CAPUT VII.

*Carcere liberatus Gusmanus de injustitia, quæ hodie multis in tribunalibus dominatur, disserit.*

Quid tu? inquis. Tam injustè ad carcerem damnatus numquid jus tuū persequutus es? numquid eousq; in car-

*Carcer  
qualis  
locus.*

cere mansisti donec tibi de injuria satisfaceret? Ego vero Judicis sententia liberatus, sine ulla mora carcerem valere jussi. Carcerem quum dico, ærumnarum omnium dico compendium: immò vivam inferni in hac terra imaginem. Quis inde non quamcelerrime se proripiat? quis boni aliquid ibi loci exspectet? non libertatem ego obviis ulnis amplecterer, quæ tam injuste mihi fuerat erepta? An non merito pejora metuerem cui tam justa causa tam male successerat? Ad id tamen mihi carcer profuit, ut dum illic desideo, varias res animo & cogitatione agitârim.

*Pœna  
culpa u-  
na impu-  
tatur.*

Æsopus à Chilone interrogatus, quid Deus ageret, respondit, exaltare humiles, & deprimere superbos. Tunc quidem temporis ego sic mecum: O bone Deus! Cur nunc officium tuum (ignosce impatientiæ) non facis? Cur iniquos & fastuosos tam Judices quam Judicum corruptores non ad ima mittis tartara? Pœna mihi erat imposita. Culpam quomodo à me amolirer? Quis enim crederet, hominem in tanta dignitate constitutum, tanta virtute & scientia præditum, passurum ut aut amicitia, aut donis, aut timore à justitiæ abduceretur semita, & contra fas & æquum suamque ipsius conscientiam judica-

dicaret? Factū id in me sensi: & tam calida perfusus aqua, etiam pluviam posthac timere cœpi. nemo vel magna mercede me adegisset ut plateam in qua carcerem esse scirem, ingrederer, aut publicas præterirem custodias. Etiam mulionum & agasonum forte occurrentium virgas metuebam. Ex eo sane tempore omne tribunal tamquam scopulum (atque utinam reorum modo, non etiam innocentium!) fugere, & vel ultro damnum pati quam jure experiri decrevi. Memini quum in carcere essem, adduci alium quemdam, accusatum quod pallium furto surreptum emisset. is cujus pallium fuerat notus mihi erat & amicus. Agebat, non ignorare se bonæ existimationis esse hominem quem in custodiam duci curasset: nec se quidquam ab illo petere quam ut venditoris nomen edat. non de pallio tantum, sed multis quoque aliis rebus eodem furto à se amissis agi: quarum omnium recuperandarum spem inventum pallium sibi faciat. Suadebam ego ut recepto pallio, cetera missa faceret, alioqui verendum esse ne & illud, & reliqua omnia in Judicis, Caussidici, Procuratorum, tabellionum venirent potestatem, ipse tamquam corvus hians deluderetur. Quod consilium asperna-

*Offensus  
etiā tuta  
timet.*

*Canis  
Æsopi-  
cus.*

*Cum  
majore  
noli con-  
tendere.*

tus, quum litem esset persequutus; emtor, probæ existimationis, ut dixi, homo, judicis sententia absolutus; actori pallium quidem adjudicatum fuit, sed tum quum precio ejus triplo majores fecisset impensas; præter curas, cursitationes, temporis, atque inde rei familiaris jacturam. Quod exemplum eò adfero, ut ostendam non paucos esse qui voluntariè, leviculas sæpe ob causas, judiciorum labyrinthis sese involvant. inde æquum est ut exedant quod sibi intriverunt. Quod si potentem nactus sis adversarium, quid aliud facis quam si viribus cum leone, urso aut tauro velis contendere? At jus tibi est. sit quoque unde sumtus facias. alioqui nihil ages; immò in damnum vigilabis. Hoc consilii ego litiganti dederim, ut Judicis librum seu chartam inauret, scribæ penam ex argento faciat. dein in utramque dormiat aurem, nullo Advocato aut Procuratore opus habiturus: quorum munere vidi ubi ipsi Judices fungerentur. O nequam homines! Quem illo in judicio vestrum putatis fore Advocatum? Sed longum hoc est, inquitis. Longum forte: at certum. Non placet etiam quod & alibi & in plerisque Italiæ civitatibus vidi fieri, ut scilicet nudæ ferantur sententiæ, quum præ-

præcipuas saltim caussas cur ita latæ sint inferi vel addi oporteret: quo & ipsis partibus & cuivis, maxime vero ad quem forte provocatur Judici de æquitate tanto facilius constet. Novi Judicem, qui accepta pecunia pro mercatore sententiam tulerat admodum injustam, *O augustinam conscientiam.* non alio fine quam ut pars adversa à litigando absterrita, cum adversario quibus ipse vellet conditionibus transigeret. Ab amico de sententiæ iniquitate monitus, respondit, Parum referre. Provocatione enim interposita non defuturos superiores Judices qui eam emendent: se quidem præsens ac certum lucrum ob incertum litis eventum minime neglecturum. Ecce errorem in *Præfenti Indicativi*, ut ita dicam, enormiter commissum, sed nauci habitum: quamvis, pæne dixerim, furca dignum.

Sed jam ex ipsius Philosophiæ decretis cum litium amatoribus agam. Numquid satius est unam perferre injuriam quam multas? Quando Adversarius tibi facit injuriam, unus facit, & tu ab uno injuriam accipis. quam si velis ulcisci, multis multorum obnoxium te facis injuriis. Primo enim fieri potest ut in Commissariū incidas qui omnem fronte pudorem, omnem animo conscientiam excusserit; qui ex eorum sit nume-

*Perfer  
unam  
injuriā  
ne plu-  
res.*

ro qui quum ad ejusmodi munera promoventur, ad aureum messem se proficisci existimant. Jam quid ego de lictoribus lictorumque magistris dicam?

*O ne-  
quam.*

Novi in urbe Granatensi unum, qui duos dentes habebat exemtiles, quos ubi vellet, gingivæ inferebat aut demebat, tum ungue digiti è gingiva sanguinem exprimebat, si quem forte nactus erat cui male vellet, aut à quo prædam speraret, asperiora ultro ciens verba, mox clamabat vim sibi factam, dentes excusos: sicque etiam innocentes, nisi in carcerem abduci vellent, pacisci secum cogebat. & quamvis fraus hæc plerisque nota esset, fidem tamen inveniebat.

*Caussidi-  
ci qua-  
les.*

Quid de Advocatis seu Caussidicis dicam? quam difficilis ad hos accessus! quam morosa alloquutio! quanta sportularum frequentia! Ubi causam eis narraveris, agent statim æquissimum esse quod petere intendis. Si causa cadas, velle se libros suos comburere. Cadis, nec tamen illi libros comburunt, aut forum deserunt, sed jam hoc jam illud caussantur: etsi non raro ipsi vel sua negligentia vel sua ruditate reum perdidērunt. O quam multi cruda adhuc ingenia ad Jurisprudentiæ studium propellunt! Quam multi Digestis insudant qui vera Latinæ linguæ fundamenta nondum digesta

gesta habent! quam multi caudices Codicem volvunt & revolvunt! Sed doctissimo Thuldenio materiam hanc relinquo, cui libellus seu Disputatio *De causis corruptorum Iudiciorum & Remediis* sub prelo jam gemit. Sed quid juvat bonum habere Advocatum, nisi faventem quoque habeas Judicem? At faventem vix umquam habebis, nisi donis & muneribus aggerendis adversarium vincas. Quod si ab ordinario ad superiorem provocas, cui (ut in Hispania, & alibi) nihil omnino à quoquam accipere licet, periculum tamen tibi erit ab affectibus, quibus transversi plerique rapiuntur. Et vero quid ipsorum interest, si ve tu vincas si ve vincaris? si ve virgis cædaris, aut in furcam agaris? Poenam quam tu, ipsi non sentiunt. dolor tuus nihil ad illos pertinet. Putant se deos esse in terris. domi agunt quod volunt. publice coluntur, timentur, & tantum non adorantur. Tene illi curent? in ipsorum manibus salus & perditio tua sita est. Absolvent te aut damnabunt prout affectus aut amicus eis persuaserit. Hispali memini fuisse Judicem qui reo multam pecuniariam imposuerat, è qua ducenti scutati in fiscum inferrentur: *Hem* quam quum solvere non posset, miserum ad remos damnavit, hac conditio- *sententiam.*

nc, ut

ne, ut exacto in tam miserabili servitute decennio, in eundem unde eductus fuerat carcerem reductus ad patibulum publice suspenderetur. Ad id quod attinet, existimem rectius facturum fuisse Judicem, si prius suspensum, inde ad remos damnasset: eodem modo quo inepto pictori, velle se domum suam dealbare, & postea depingere dicenti, quidam suasit, ut prius eam depingeret, inde dealbaret. Sunt Judices qui etiam quum de fortunis & capite aliorum agitur, quæcumque in buccam venit sententiam pronunciant. Quod si vel collega vel alius quis suam interponat auctoritatem, & mitius cum reo agendum statuatur; in convicia etiam & blasphemias, tamquam gravissime læsi erumpunt. Jam tu tecum ipse dispice, satiusne sit injuriam condonare, quam tantis cum laboribus, sumtibus & periculis jus tuum persequi. Sed dices: egone patiar ut injuria affectus, ludibrio me quoque exponam, & ut nullius animi homo etiam ab ipso deridear adversario? Equidem novi quam difficile sit tolerare injurias. tu vero tecum cogita an ab uno vel à multis derideri malis. Si injuriam dissimules, ridebit forte qui fecit. Si velis ulcisci, ridebit quisquis tot tantisque sumtibus fumum (quid enim aliud

*Contem-  
tus opti-  
mum ul-  
tionis  
genus.*



aliud sunt Jurisconsultorum promissa? ) à te centum viderit. Si ergo me audis, in pace vive. melius quippe est ut prudens ac patiens, quam vindictæ cupidus & stultus habearis. Quid tibi dictum aut factum quod tam indigne fers? Si verum tibi quis dixerit, tibi imputa. Si mentiat, sine illum mentiri. Tanto tu cum periculo mendacium ulcisceris? Crede mihi, nulla re injuriæ ejusmodi melius quam contemptu vindicantur.

## CAPUT VIII.

*Gusmanus chartarum lusu damnnum suum resarcit. Bononia Mediolanum proficiscitur.*

**C** Arcere, ut dixi, egressus, tamquam è naufragio enatâssem, non nauseavi tantum, sed & velut mediis in fluctibus multos dies postea simul tremui ac timui. Tandem recollecto animo, Sajavedræ, Quid, inquam, tibi videtur? nonne pulcre admodum nobis successit nostra negotiatio? numquid in hoc mercatu præclarum fecimus lucrû?  
 • viden' tu quid iis fiat qui sua repetunt! Ille, Video, inquit, domine. Sed quid agamus ubi his moribus vivitur? Unum illud animo meo ægre facit quod hujus mali

*Consilia  
non ex  
even'u  
estimanda.*

mali caussa & origo ego fuerim, qui consilium de rebus furto ablatiis repetundis dedi. Sed homo proponit, Deus disponit. Mihi quidem tam sinistri eventus culpam nemo imputaverit. Non tuli diutius deprecantem, sed, Noli, inquam, mi Sajavedra me rerum humanarum tam imperitum existimare, ut omnia eventa nobis luenda existimem. Bonus erat consilii tui scopus: at sinistrum eventum nos & Alexandri patris malitiæ & Judicis iniquitati, vel potius ipsi fato seu fortunæ adscribemus. Quid enim? si quis lapide stulti manu ex improvise projecto occidatur, an tu illum imprudentiæ damnabis quod ictum non providerit quem providere non potuit? Hæc dum loquimur, diversorium nostrum ingrediuntur exteri duo, cive quodam comitati, qui ad chartarum lusum, ut statim apparuit, sese provocârunt. Proximum meo cubiculo conclave erat, ejusmodi exercitiis accommodatum. in quod quum illi se recepissent & mensæ appositæ assedis-  
sent, ego paullulum spacitatus, similiter sessum me recipio, tamquam ociosus spectator. Et ex illo quidem certamine, pares, fere suam quisque sortem servabant. Ego interim quamvis nulla omnino mea res ageretur, non sine cruciabili  
sol-

*Nihil  
fere sine  
affectu à  
mortalibus  
agitur.*

sollicitudine ludentes spectabam. inprimis vero uni bene volebam, ac si quando ille lucraretur, non minus quam proprio meo lucro lætabar. En miramini humani ingenii naturam! Ego tam illum quam reliquos ante neque videram neque noram: & tamen ad hunc illius pecuniam derivari cupiebam. Æquius sane & rationi magis conforme futurum fuerat, omnibus ex æquo favere. sed in hominum ingeniis occulta sunt quædam semina, quæ ad similia sui facile se applicant: contraria fugiunt & aspernantur. Et jam quidem non possum non meam quoque damnare curiositatem. Quid enim mihi in aliorum chartas inspectio fuit? aut si inspicere volui, cur non sine ulla perturbatione adspexi? Nimirum & hoc à primæ nostræ labis contagione est, quod non contenti propriis, aliena quoque onera humeris nostris imponimus. Videas unum è fenestra aut alia parte vicini ædes diu noctuque observantem, ut scire queat quinam egrediantur qui ingrediantur, quid importetur quid exportetur. Et hoc dum faciunt, nec frigoris, nec caloris, nec insomniæ molestias sentiunt. Sed tu, mi homo, mea tu, quid aliena curas, tuorum oblitus? Apagate ex hoc loco. cuique sua parata sunt adversaria. Quid observas?

quod

*Curiositas sibi ipsi noxia.*

quod tu imaginariis ibi fieri , forte fit ,  
 forte non fit. peccatur forte , forte non  
 peccatur, & forte illi quos observas non  
 peccant , sed tu. Quid ad te ex omnibus  
 illis molestiis quas tota nocte corycæus  
 in specula stans percipis , lucri reddit ?  
 Quid si id ipsum videas quod nequa-  
 quam videre cupis ? Quid honoris ex i-  
 psius tu accipies infamia ? Quod si tam in  
 commodum & honorem alterius quam  
 damnum & ignominiam tibi vigilan-  
 dum esset , scio te minime facturum.  
 Quod si ipse ille vicinus tuus te maxi-  
 mopere orâisset ut nocturnos fures ædi-  
 bus ipsius insidias facturos observares :  
 quid quæso sis responsurus ? Nimirum  
 illud , Custodiendam (ut puerilis monet  
 Cato) suam cuique rem. nolle te valetu-  
 dini tuæ alterius causa periculum crea-  
 re. nec forte absurde. Quid ergo in da-  
 mnum & injuriam alterius vigilare su-  
 stines ? Quanto melius fuerat, te dum quæ  
 foris geruntur observas , domi tuæ cir-  
 cuire , & quid ibi ageretur explorare ?  
 Ipsos ego qui ludunt quam qui lulum  
 aspectant minus sæpe peccare existimo.  
 Qui ludit lucri causa ludit : ad quod ar-  
 ripiendum duo aut bini inter se , omni-  
 bus ingenii viribus configunt. & quam-  
 vis tuam rem periculo exponas, non mi-  
 nus tamen ei conservandæ invigilas. In-  
 primis

*In ma-  
lum pro-  
ni.*

primis vero id tibi persuade (certe per-  
 suadere debes) posse tam facile fieri ut  
 tua tu perdas quam aliena tua facias. Sed  
 ad rem. Malicia hætenus fuerat in luso-  
 rio nostro mari. At mox intumescere  
 coeperunt fluctus, & jam hujus jam il-  
 lius navem ad breviam & scopulos defer-  
 re. Quem adversantis fortunæ ictum  
 quum is cui ego favebam perferre non  
 posset, tanta indignatione exarsit ut ni-  
 hil omnino recte atq; ex disciplina face-  
 ret, aut fortunam arte corrigeret, sed  
 quotiescunq; res male successisset, oculis  
 irâ scintillantibus infortunatissimum se  
 exclamaret, ac miris gestibus animi pro-  
 dèret impotentiam. ex quo factum est,  
 ut parvo temporis momento tamquam  
 naufragus, nudus ad litus fuerit ejectus.  
 De lusibus, quinam liciti sint, qui illiciti, *De lusi-*  
 anne & qui viris gravibus conveniant, *bis.*  
 disputare hic nolo. hoc tantum moneo,  
 ut si ludis, ludas, id est, animum ita com-  
 ponas ut etiam adversanti fortunæ pos-  
 sis illudere. quod fiet, si plus non per-  
 das quam perditurum existimaris: quid-  
 quid vero lucri accesserit mutuo tibi  
 datum putes. At bono illi, ut postea in-  
 tellexi, vix alterum tantum quantum  
 perdiderat, ex omnibus facultatibus reli-  
 quum erat. & hujus quidem inopia tum  
 lusui finem fecit: ita tamen ut alter

*Non-  
sunt do-  
mi aut  
dor-  
miunt.*

alterum rursus in eandem arenam provocârint, condicta post cenam hora. Interea bonus ille quum frustra pecuniam foris ab amicis & notis quæsisset, domum redit, non tam collusoribus penes quos numos suos videbat, quam iis qui alienos ei credere volebant iratus. quin etiam ipsam civitatem tamquam infelicem, & cives omnes tamquam latrones ac proditores infamabat, dejerans nec se cuiquam posthac vel obulum velle credere. Hæc quum ille manibus tabulæ sæpius illisis detonuisset, (quæ ego facile audiebam, quod cubiculum meum ipsius esset proximum) in lectum sese provolvit: in quo tamen, identidem surgens, ne momento quidem quievit. Ego ad Sajavedram: Scis quo loco res nostræ sint. Quod reliquum nobis est, vix paucorum dierum sumtibus sufficit. Quid si semel omnem jaciamus aleam, ut vel Cæsares simus, aut nihil? Nescio quæ me lubido incessit cum illis qui post cenam in lusoriam rursus arenam descensuri sunt, confligendi. Et quamvis ipse animus bonū mihi spondeat eventum; multum tamen è re nostra fuerit si fortunam arte adjuvemus. Hoc consilium miris modis laudans Sajavedra, ait, quidquid constiuterim facere, sive bonum illud seu malum sit, se mihi

*Vilitas  
animi  
non pro-  
denda*

mihi præstò futurum. inde ultro suggerit, se tamquam astutum exploratorem hostiles copias pervagaturum, earum vires, numerum, & quidquid ad victoriam scire expediret, mihi significaturum. Hæc audiens, præ lætita vix apud me eram. Gratum erat quod ipse ultro ad servitium parum honestum sese obtulisset, quod ego sine existimationis jactura ab ipso petere non potuissem. Satiùs mihi erat ut ipse animi sui vilitatem proderet, quam ego. Inde inter nos disceptatum quibus signis ad noscendas hostium vires (chartarum puncta) uteremur. Tandem placuerunt nodi thoracis, & digitorum articuli, quomodo doceri solet Musica: factò etiam bis, ter, quater periculo, ut signa illa mihi certiora essent quam quæ ipsa voce fiunt. Interea venerant collusores illi, appositæque mensæ assederant, quum ego rosarium tamquam Eremita quidam religiosus manu ferens, per conclave obambulare, Sajavedra vero in cubiculo lectum mihi curaret. Quum ludendi faciendum esset initium, quæritur tertius ille omni argento suo paullo ante emunctus, ex omnibus notis & amicis ne unū quidem à se inventum qui vel pauxillam pecuniæ summam sibi vellet credere. Quod si verbis suis fidem habere vel-

*Laver-  
nionum  
artes.*

lent, paratum se nomen facere, & fide optima exsolvere. Ibi alter conditionem detrectare dicere, semper se dum sic luderet, infelicititer lusisse. Jam jam illis discessuris, accedo ego, & Quamvis, inquam, lusibus hujusmodi non valde delecter, nec valde multum sit unde id faciam: ne tamen tam bonus cœtus re infecta solvatur, ego si vestrum utrique placet, in tertii illius locum succedam. Jam illi me tamquam recentem turdum laqueis, suis irretitum tenebant, jam prædam inter se partiebantur. Hæc ego tacitus animadvertens, tunicam nodis resolvo, ut catena aurea quam collo appensam gestabam, conspici posset. Unde illi magis fuere accensi. Argumentabantur enim, me utpote juvenili sanguine adhuc præfervidum, amissis numis, etiã quidquid haberem pignoris depositurum. Accepta conditione, Sajavedram inclamo, ut si quos à me haberet numos adferret. allatis, Sajavedra in cubiculum secedit. Procedente lusu, iterum Sajavedram inclamo. quum venisset, Ergo, inquam, nos ipsi candelas emungemus? An tibi in cubiculo tantum est negocii, aut dormitionis, ut tam bonæ societatis ministerio vacare non possis? Ille humiliter admodum gestu, tacitus, candelam emungere, & tam ad meum quam aliorum

*Assutia  
lusoria.*



rum nutum sese sistere. Et sane impossibile erat ullam fraudem in eo deprehendere, ut qui ne semel quidem oculis me adspiceret, nec manum umquam à pectore moveret. Licet vero digitorum ipsius quasi vocem optime intelligerem: non tamen semper occasione utebar, sed ultro sæpe è manibus mihi elabi patiebar eoque etiam ut ex meo pecore aliquod nonnumquam ad illorum transiret stabulum: quod tamen mox retrahebam, ne damnum meum ludibrio quoque augetur. Ubi vero animadverti lusum ad finem jam decurrere, remis velisque contendi ut quantum possem ad me converterem. Et tum quidem puto alterum tantum me lucratum quantum illi antea lucrati fuerant. Id ægre ferentes, insequentem diem me ad eundem provocant lusum. Veniunt, ludimus, quum triginta circiter scutatos perdidissem, altercorum, Finem faciamus, inquit. Et ipse lætus quasi assentiens, Placet, inquam. Quod si placebit, cras aliquanto temporis incipere poterimus. Sic boni illi turdi inescati, sequenti die ad eandem aream devolant: marsupia aureis numis plena in mensam effundunt, & ad me, Ecce, ajunt, domine miles, hos omnes ad serviendum tibi promptos. Respondeo, quamvis tantas divitias nunc quidem in

arca mea forte non haberem ; quidquid tamen esset , non minus vicissim ipsis paratum. Incipimus ludere varia , ut fieri solet , fortuna. tandem omni mea arte & tacitis Sajavedræ usus monitis, brevi ambos quingentis circiter scutatis emunxi. Sed nihil mihi erat gratius, quam quod uterque ludendi captus tædio ultro missionem in præsens flagitabat : sic tamen ut crastino die fortunæ quisque suæ rursus faceret periculum. Digressis omnibus , Sajavedræ, Minime consultum mihi videri ajo crastini diei fortunam rursus experiri : quam etiamsi quasi certam haberemus , verendum tamen esse , ne mulctati illi tam opimo bolo, fraudem nobis alia via struerent. quapropter recte facturos si summo mane in viam nos demus.

## CAPUT IX.

*Sajavedra in itinere Vitæ suæ  
historiam Gusmano narrat.*

*Offensi  
etiam  
rursus  
ment.*

BOnonia digressi , Mediolanum magna celeritate contendimus. nec quiescere poterat animus meus , quamdiu Bononia oculis meis apparebat: sive quod periculum quod mihi licet innocentis paullo ante ibi creatum fuerat ,  
scu

seu aliorum facinorum conscientia me  
 terreret. Sic ergo uterque pisce magis  
 muti iter facimus, cogitationibus quis-  
 que suis occupati. Mihi hoc unum erat  
 in votis, ut myopaxonem meum satis  
 opulenta præda onustum in tutum ali-  
 quem portum deductum viderem. at  
 Sajavedræ animum, ut mihi ipse pos-  
 stea narravit, illæ cogitationes torque-  
 bant, Quid de meo ingenio & mori-  
 bus sentiendum: quid &, quantum de  
 lucro ad se rediturum esset. Tandem  
 ubi aliquanto longius jam progressi era-  
 mus, Sajavedræ dico, non minus stul-  
 te videri mihi eos facere qui in via seu  
 itinere nihil, quam qui in foro multa  
 garriunt. Quin tu ergo, inquam, mi  
 Sajavedra, narras aliquid quo viæ tæ-  
 dium fallamus, & præteritorum labo-  
 rum obliviscamur. Ille oblatam sibi oc-  
 casionem gaudens, Equidem luben-  
 tissime, inquit, facturus sim quod pe-  
 tis, si prius scire possim, an lucri illius-  
 tuis quidem auspicijs, sed non sine  
 opera mea acquisiti particeps aliquo  
 modo futurus sim. Nam etsi eam ma-  
 xime ob causam, ut flagitium meum  
 utili aliqua opera expiarem, me tibi  
 quasi nexui mancipioque dedi, de te ta-  
 men illud mihi promitto, nequaquam te  
 opera mea plane gratuita usurum. Ego,

*Comes  
facun-  
dus in  
via pro  
vehiculo  
est.*

mi frater Sajavedra , inquam , quod factum est, infectum fieri non potest. Nemo hominum est quin aliquando impingat & labatur. unus hic , alius alibi. non tu solum , sed ego quoque erravi. Quis fuerim novi.; non quid me futurum sit. illud ego experior , Necessitatem asperam quidem, certissimam tamen esse vitæ nostræ magistræ. O quam durum est illud: *Si non ut volumus, saltem ut possumus* ! Scis quò redactæ fuerint res nostræ. Quod nos fecimus, crede mihi, fecisset quivis alius. non nego, à furti infamia fraudem hanc parum abesse. Sed ego , ut quidem tum res meæ se habebant, nulli marsupio, etiam patre & matre orbato , si vel mille habuisset scutatos, pepercissem. Quia ergo facile intelligis nullas mihi ex India argento aut præciosis mercibus onustas redire naves, nec Fucarorum mihi opes esse, non mirum tibi videri debet si videas me artibus parum forte apud severioris notæ homines laudatis utentem. Suadet hoc non venter modo, sed & ipse honor. ego enim vel pessimo letho perire malim quam quidquam de status mei decore remittere. Gallico quidem Oratori à phero fere servii : non tamen quod parentibus meis non esset unde me alerent ; sed ut in rebus maximi momenti

*Paupertas male suada.*

exerc-

exercitatus, ipse quoque dein Principum  
 alicui utilem possem præstare operam.  
 quò magis mihi enitendum est, ne quid-  
 quam meo genere & statu indignum  
 committam. Suo quisque lucro, suis  
 quisque commodis augendis intentus  
 est. in quo multa sæpe incidunt quæ à  
 Justitiæ semita aliquantum aberrant.  
 Caput qui potest capere. soli infelices  
 peccati pœnam ferunt. Si tu luculentio-  
 ris commatis fur esses; ex eorum puta  
 numero qui multa aureorum millia una  
 vice depeculantur: & favorem tibi com-  
 parare, & ipsum jus emere tibi posses,  
 ab omni tutus periculo. at quorum om-  
 nis nequitia circa minutias consumit-  
 ur, parvi, inquam, illi furunculi ad re-  
 mos damnantur, aut etiam in furcas  
 aguntur: non quod furati sint, sed quod  
 arte sua parum scienter usi sint. Et quot  
 tu putas malefici alicujus spectare sup-  
 plicium qui illo longè sint digniores?  
 Quid quod ipsi Judices sententiam mor-  
 tis in eum ferunt quem malitia & flagi-  
 tiis seu latenter seu specioso sub præte-  
 xtu perpetratis longè antecedunt. Ad me  
 quod attinet, mihi animus est nihil mi-  
 rari, nullam ob rem indignari, ut alter  
 mihi sonuerit, ita ego saltabo. Quod ais,  
 velle te firmiter in mea hædere amici-  
 tia; sic tibi persuade, eam tibi nec fasti-

*Furer  
 inequa-  
 les.*

*Patrum  
inter  
Gusina.  
num &  
Sajave-  
drum.*

dio nec damno fore: eo sum ingenio ut  
merita recte æstimare, atque etiam pro  
re nata remunerari possim. Ut vero  
mentem meam intelligas, sic habe. E re  
utriusque nostrum mihi videtur ut  
quidquid vel acquisitum est vel in po-  
sterum acquireretur tres in partes divida-  
tur, quarum una tibi, altera mihi cedat.  
tertia vero utriusque usibus & necessita-  
tibus serviat; atque instar sanctioris sit  
ærarii. Id quidem tibi promittere ausim,  
si ut hætenus ita porro operam mihi  
impensurus sis, intra paucos annos tan-  
tum prædæ te confecturum ut honori-  
fice Valentiam in patriam tuam profi-  
cisci queas. nec operam tuam circa ne-  
scio quas quisquilias, in quibus compa-  
randis hætenus desudasti, occupabo.  
Lucrosiorem nos exercebimus negocia-  
tionem, & minus periculofam. En pa-  
ratam tibi tertiam partem: quam è ve-  
stigio tuis consignabo manibus. Deus  
faxit ut bene ac feliciter ea utamur: &  
reliquum navis nostræ cursum ita mo-  
deretur, ne vel in scopulos impingamus,  
vel in piratarum manus incidamus. Di-  
ci vix potest quam alacrem tum Sajave-  
dra se exhibuerit. & quamvis par mihi  
esset, famulus tamen meus esse gaudebat.  
nec sane ego hominem consiliis meis  
aptiorem invenire potuissem. Jam er-  
go

go omni posita diffidentia, Quia, inquit, spero æternam hanc inter nos fore amicitiam, totius vitæ meæ cursum aperte ac simpliciter tibi narrabo. Vulgatum est, tribus tantum veritatem dicendam, Confessario scilicet, Advocato & Medico: ego vero multo magis æquum esse puto ne amicum aut contubernalem quidquam celemus.

*Quibus  
dicens  
dum ve-  
rum.*

Patria mihi est civitas Valentia. Parentes habui inter Patricios non postremæ nobilitatis, mediocriter opulentos: quarum nomen forte in Hispania audivisti, Frater mihi fuit major natu æque infortunatus. Sed quid ego fortunam accuso? Imprudentia fuit & juvenilis ferocia, qua uterque abrepti, post parentum mortem res nostras male administravimus. Quum ergo paucis annis magnas opes dilapidassemus, utrumque desiderium invasit exterarum regiones perlustrandi, & honoris ac commodorum materiam alibi quærendi. Quia vero peregrinantibus facile aliquid sinistri poterat accidere; nequid in familiæ nostræ redundaret ignominiam, uterque nomen mutavimus. Frater quidem meus Latinæ linguæ apprime peritus, initio Joannes Martinez dici voluit: mox Joannem in Lugianum: & Martinum in Matthæum mutavit, Mat-

*Sajave-  
dra vi-  
ta.*

*Juveni-  
lis im-  
pruden-  
tia.*

thæus Lugianus appellatus. Quid illo tandem factum sit, nescio; nisi hoc tantum, Pererrata Castilia & Andalusia, ubi male fuerat tractatus, in Indiam navigasse, nec ego quidquam postea de ipso inaudiui. Ego diversam insistsens viam, Barcinone in Italiam navigavi, & brevi tempore quidquid domo meum tuleram, in victum impendi. Tandem Neapolim ire cogito: cujus urbis splendor & amœnitas adeo mihi fuit deprædicata, ut quoad possem morari ibi constituerim. Brevi tempore in Lavernæ schola ita profeceram, ut paucos haberem pares. Quibus tamen omnibus artibus tantum acquirere non potui ut olus mihi esset unctiusculum, aut honestior paullo vestitus. Et quamvis, ut dixi, habilitate ad quævis furta & facinora nemini cederem; quia tamen adhuc eram juvenculus, molestissima aliorum qui inter hoc hominum genus regnum affectant imperia tolerare sum coactus. Horum omnis opera circa hæc consumebatur, quod dum regnum pervagamur, ostiatim circuibant, quærentes: Hicne habitat Titius? Hicne Mævius? An opus habet vestra Dominatio famulo quodam? An emere vultis aliquid mercimonii? Et quidem ad prætextum hunc commode usurpandum sem-

*Cave  
Canem.*



semper aliquid à nobis ante aliis surreptum & ita reconcinnatum ut agnosci non posset secum circumferebant, & pro novo vendebant. Nonnunquam in stabula irrepebamus, ubi fere semper aliquid erat quod onustiores discedentes faceret. atque adeo ne habenæ quidem, si equisonis aut aliquod aliud pallium non compareret, aut capistra aut lora, aut strigiles nostras effugiebant manus. Quod si forte ante rem confectam superveniret quis, solutis ligulis in angulo aliquo tamquam ventris, onus dejecturi in talos confidebamus: nec conviciantes deprecabamur, sed necessitatem excusantes, inclementiam miseros homines tam immerito excipientibus exprobrabamus. Etiam ipsas ædes nonnunquā ingrediebamur, obvium quodcumque involatur. deprehensi ante furtum, lachrymabundi stipē postulabamus. Ecclesias, Conciones, *Asutic Picari- ca.* Processiones singulari cum devotionis *O hypo- critica.* specie frequentabamus; ubi quanto major erat populi concursus tanto certior nobis & copiosior erat messis. Quin si integrum quid, quantumcumq; vile, auferre non poteramus, dependens aliqua à veste lacinia, aut è sinuoso volumine acutissimo resectum cultro frustum in prædam cedebat. nec quidquam erat

quod non esset usui. Si quando ad mercatum, aut aliam aliquam solemnem panegyrim proficisceremur, tanto licentius per rusticorum casas vagabamur quanto minor erat aliis operibus occupatorum cura! In primis mirabili arte gallos, gallinas, capones in ipsa terra piscandi artem tenebam, & non minus scite quam sedulo exercebam. ea si non successisset, carnario insidias struebam: quæ raro admodum fuerunt irritæ. Tandem quum illo ipso tempore novus Prorex Neapolim venisset, nobis quoque eò properandum existimavimus. Quid multa? ipsius primi dici negociatio ita mihi successit, ut honesto me amicum vestitu. quod quidem postea ad multas res fuit perutile. Socius mihi erat, qui famulus quondam fuerat Regentis de Consilio Callaterali (sic vocant) qui ut in urbem venimus, statim ad pristinum herum & patronum se contulit; quem agnitum ille non humaniter solum excepit (fideliter enim servierat) verumetiam quidquid ipsius causa faceret, facturum se promissit. nec promissit tantum, sed & reipsa præstitit. Neque enim fieri potest quin si mensæ sæpius assideas & è catino sumas, labra unctiuscula referas. nec fieri potest, quin si malitiarum hoc transeas pela-

*Panegy-  
res fur-  
bis lu-  
crose.*

*En de-  
generem.*

pelagus, Christophoro aliquo indigeas qui labra tibi abstergat. Sodali meo patronus statim negocia quædam, in quibus paullo honestior occupare se poterat, demandavit: sub cuius comitatu & protectione nos tanquam sub alis latebamus, nec quisquam erat qui contra nos vel hiscere auderet. Ejus nos monitis omni in re utebamur: quæ inprimis ad id proderant ut sciremus ubi timore, ubi confidentia opus esset. Die quodam quum nullum fecissem operæprecium, & puderet me tamquam fucum ad præsepe inanem reverti, ædes primarii cuiusdam civis magna confidentia non aliter ac si meæ essent, ingressus sum. Audieram enim vulgatum proverbium, Timidum chirurgum numquam bonum esse. idque ipsum in Hispania pueris caute ac tarde incedentibus acclamare solent: *Anda, anda, que parece, que vas à hurtar*, id est, *ambula confidenter, ad instar ejus qui furatum it*. Versis in omnes angulos oculis, femineam video vestem holosericam mensæ impositam. ubi tuta omnia animadverti, sublevo vestem, & sub sinistro condo brachio. ecce vero in ipso domus limine patrem familias mihi obvium: à quo rogatus quid ibi haberem negotii & quid portarem, vestem monstro. ajo, sartorem me esse, & à

*Audacia  
furibus  
convenit.*

*Sero ple-  
rumque  
furca de-  
prehen-  
duntur.*

& à matrona accersito reconcinnandam mihi vestem datam esse. ille, Bene, inquit. Tu vide ut propediem illam tua manu, ut iussit illa, reconcinnatam referas. quum ille jam limen scanderet, dicto citius ego me proripio, & plures gyros quam hirundo per plateas maxime averfas faciens, in noto stabulo prædam depono. Hujus rei spectator socius meus mihi narravit, paullò post heri ingressum audisse se totam familiam tumultuantem, quæ nimis sero vestem ablatam senserat, tum accurrentem patrem familias, animadverso errore suo; risui fere quam indignationi propiorem, ministros undiquaque per plateas circummisisse qui furem perquirerent. Sed jam ego evanueram. In festinatione tamen ille me ita notarat ut postea posset noscere. In aliis ædibus simili omnino modo deprehensus, occurrenti quoque paullò extra limen ædium domino, & quid egissem, quid ferrem roganti, respondi, portare me nescio quid mearum vestium, quas argentaria circumventus inopia apud danistam vellem deponere. ille indignabundus, Ergo tu, inquit, homo insulsiissime ædes meas à danista habitari putasti? Apage te nequam, cum tuis centonibus. Quod quidem ego sedulo feci; non meis, sed ipsius

cen-

centonibus onustus. Erat vero mihi adiutus quoque ob ejus quem dixi hominis familiaritatem, in Comestabilis palacium: ubi aulici singulis noctibus lufum in multam usque noctem producebant. Quatuor stabant eo in conclavi mensæ, sericis stragulis opertæ, & binis candelabris argenteis instructæ. his ego jamdiu insidias struxeram: quæ tandem successerunt. Curaveram mihi duo ejusdem omnino figuræ & magnitudinis candelabra è stanno fieri: quæ mecum ferens, in angulum aliquem, dum lusus ferveret, secedebam, omnibus me è ludentium ministris aliquem esse credentibus. Quadam nocte duo ludentium in una mensarum quum deficiente candelâ novam rogassent, nec quisquam præter pedisequum in angulo stertentem præsto esset, accurro, & candelabra foras portans, argenteis in saccum conditis stanneis candelas impono, sicque in mensam restituo. inde cautissime tamquam feles è columbario me subduco. ne vero furtum dispalesceret, tam hæc quam alia alibi à me sublecta vasa argentea in unam massam conflavi: quam duci & antesignano nostro tradidi, sine periculo aut suspitione (erat enim homo bonæ existimationis) vendendam. & precium quidem ille tam mihi quam

*O astutissimum nequam.*

*Etiam  
fides in-  
ter la-  
trones.*

quam aliis optima fide reddebat, sibi tamen servata quinta parte, quæ sanctius quam ullum Indicarum mercium vegetigal ex omnibus nostris proventibus solvebatur. Et quidem apud hunc tabulæ accepti & expensi asservabantur. ac si quando ipse numis opus haberet, singuli quantum vellet contribuebamur: quod ille postea optima fide reddebat, multum in eo nequissimo illi Alexandro dissimilis, qui omne fere commodum ad se derivabat, quum pleraque omnia nostro maxime agerentur periculo. Sic vero inter nos constitutum fuerat, ut dum alteri furtis vacant, alteri eventum diligenter observarent. Quod si fiebat ut quis in ipso furto deprehensus esset, alter ille tamquam bos in miserum incurrens, clamabat: Quin tu nequissime quod furatus es restituïs? & unum vel alterum impingens colaphum, Quin tu sceleratissime, ait, quantocyus ex oculis nostris discedis. quem ego, si hosthac videro. Et plerumque circumstantes hunc pro honesto habentes homine, qui singulari pietatis zelo hæc ita diceret ac faceret, etiam manifestarios fures ita dimittebant. Quod si, uti nonnunquam contingebat, aliqui essent qui comprehensos tenerent, non tam facile dimissuri, accurrebant alteri ex nostro grege,

grege, & precibus primum agebant, dicentes: Quin tu, vir optime, nequā hunc furem, prius probe depexum, missum facis, cui à lictoribus comprehenso, fame in carcere moriundum erit. ecquid autem id tibi proderit? inde in ipsum furem conversi, nihil reluctantem pugnis ac pedibus impetebant; interim effugiendi viam quasi aperiebant. Quod si pertinacior aliquis ne sic quidem nocentem amitteret, de industria rixas ciebant, ac velut globo facto, manus conferebant; ex quo fiebat ut major tumultus minorem sopiret, reus interim per turbam elaberetur. Etiam nonnunquā statim in pedes nos conjiciebamus, velut cursu cum iis qui nos persequabantur, contendentes, ac fere semper palmam auferentes. Nam præterquam quod timor pedibus alas addit, per angiportus & viarum amfractus facile nos subducebamus: Quid multa? Tot modis officium nostrum, Lavernionum scilicet, faciebamus, ut vix cujusquam calamo describi queant. Quadam autem die, dum extra urbem obambulo, video in ripa fluyioli mulierem lintea recens lota & soli ad siccandum exposita servantem. Maximus erat æstus, quem illa ut vitaret, sub proximæ arboris umbram se receperat, plane (neq; enim me

*Serius,  
oculus  
semper  
malefici  
pun-*  
*nitur.*

vide-

*Etiā  
pueri ti-  
mendi.*

viderat) secura. Dum illa sub arbore jacet, adrepo, & indusia aliquot, etsi nondum sicca, convolvo, sicque non animadversus non fugio quidem, sed tantis passibus abeo, ut illa suspicata quod erat, recensito velut manipulo, absentes facile deprehenderit; meque magno cum clamore persequi cœperit. Pergo ego quasi illud nihil ad me pertineret, ire viam meam; mature prædam è manibus in viam demittens. Sperabam namque mulierem recuperato quod amiserat, quieturam. At illa tum demum multo horribilius vociferari, deos hominesque in auxilium vocare. quo clamore vicini tam homines quam villatici canes excitati, acerrime & ipsi me persequuntur, pueri inprimis aliquot valentuli, quid circumventum me undique suæ potestatis fecerunt. ex eo sane tempore gentem hanc minutam, quam semper antea contemseram, timere cœpi. Hæc narrante mihi Sajavedra, in mentem mihi venit quod Madriti evenit. Homo ibi erat vino ita deditus, ut quotidie fere è tabernis ebrius (quod non ita frequens in Hispania spectaculum) prodiret. Quodam die dum ebrius titubante gressu in publico ambulat; ecce magna puerorum caterva à tergo insequens ructanti non verbis modo, illu-



illudit, sed latus quoque fodit. Ille commodum tandem locum nactus, tergum muro obvertit, & arreptis aliquot lapidibus, Satis, inquit, ô boni, officii causa me comitati estis: proque hac comitate vobis ago gratias. Sed jam moneo ne nimis sitis officiosi. Hoc loco ego terminum vestro conductui statuo: quem si transieritis, has ego & quoscunque alios apprehendero lapides in occursum vobis mittam, longiusque vos comitabor quam vos me comitati estis. Pueri ubi illum serio hæc dicere & agere viderunt, statim dilapsi sunt. Idem si Sajavedra fecisset, expedisset sese forsitan. Sed ad rem. In hoc tumultu (pergit Sajavedra) lictores superveniunt; in carcerem me abducunt. De sinistra mea fortuna ego Capitaneum meum edoceo: qui me quid dicendum, quid faciendum, quam diligentissime instruxit: deinde Notarium seu Procuratorem accessit, dicens: Parentes meos in Hispania nobilissimos jamdiu sibi notos. verisimile non esse tale delictum à me commissum. quod si tamen, (uti non crederet) commissum esset, necessitati, quæ miserum premeret, & fami condonandum. Reculas esse nullius fere precii, quæ jam in verum dominum redierint, ea me esse generis

*Evadit  
sepe malefici:*

neris nobilitate, quæ tam levi delicto merito veniam impetrare debeat. Nec prius destitit causam meam agere quam à Judice ut dimitterer obtinuit. Sed ô me infortunatum! Jam pedẽ alterum carcere extuleram, quum ecce infau-  
 faustis avibus occurrentem mihi illum ipsum à quo supra in holosericæ vestis furto deprehensum me dixi. erat verò is præcipuæ auctoritatis Actuarius; & tum quidem uni è captivis liberationis adfe-  
 rebat sententiã. Ubi me vidit & diligen-  
 ter contemplatus est, Non ego te novi, inquit, pessime nequam! ecquando tu vestem holosericam reconcinnatam à te refers? *Obstupui, steteruntque comæ, & vox faucibus hæsit.* Ille magno impetu me in carcerem retrudit, & custodi ut diligen-  
 ter me asservet mandat. Quam genus hoc ad ejusmodi imperia promptum sit, experti nôrunt. Reducor, & compedi-  
 bus manicisque constringor. post dies aliquot, cognita mea causâ, sententia multo asperior in me fertur. Qui indu-  
 siorum causâ in carcerem conjectus eram, sine indusio, vel potius ad umbili-  
 cum demisso, educor, & virgis cæsus ur-  
 be ejicior. Sed nosce hic quorundam fa-  
 tuitatem. Si Actuarius ille mecum paci-  
 sci voluisset, facilimum mihi fuisset fur-  
 tum restituere. nunc ego verberibus, ille  
 damno

*Sed in  
 eosdem  
 recidit  
 casses.*

*Furum  
 brabeja.*

damno non mediocri fuit mulctatus. nec honori ipsi mea fuit infamia. Relicta hoc modo Neapoli, Bononiam veni, ibique (pares enim cum paribus facillime congregantur) cum Alexandro amicitiam contraxi; cum quo dein Romam profectus, ejus consilio, & demonstratione cum sociis multas luculentas prædas feci: inter quas & illa fuit quam de Vestræ Dominationis peculio reportavimus, cujus quidem facti me vehementissime pœnitet, & æternum pœnitebit.

## CAPUT X.

*Sajavedra Mediolani in popularem quemdam suum incidit, mercatoris ministrum, ejus ductu & suggestu Gusmanus astutissimum furtum committit.*

HÆc dum narrat Sajavedra, jam ad urbis fere portas processeramus. mihi vero dici non potest quantos hæc Sajavedræ historia scrupulos injecerit; qui deinceps animo meo numquam penitus eximi potuerunt. Credere non poteram homines nobili

*Generosi  
ad infamiam  
se non de-  
mittunt.*

*Malefici  
merito  
suspecti.*

bili prognatos genere ad ea flagitia procedere quib. & ipsi & majoribus extrema confletur infamia : inprimis ut furtis sese obstringant. Duo sunt homini inprimis necessaria, Res, & Honor. Et quamvis proculdubio Honor omni Re preciosior sit; sic tamen existimo qui Rem alteri rapit, Honorem quoque simul auferre. Tanti enim quisque fit quantum in re habet: qua amissa, mox vilior eris projecta alga. Sæpe illud mecum considerabam: si Sajavedra à parentibus tantæ opes fuerunt relictæ, cur miser tam infami se dedit flagitio, furto scilicet? Cur pannosus, famelicus per summa vitæ pericula sic oberrare, quam domi inter cives quietus & honoratus vivere mavult? Qui malum faciunt, faciunt boni alicujus consequendi gratia. at dum malum patimur, nulla boni vel umbra sese ostendit. In alteram partem sic mecum cogitabam: Forsan puer admodum, ut & ego, parentes amisit; aut à tutoribus (quod non raro fit) bonis eversus est. Mox ad primas rediens cogitationes sic ratiocinabar: esto verum quidquid de suo genere Sajavedra dixit. Cur ubi ad id ætatis venit ut bonorum & malorum sciret delectum, consilium ac vitæ consuetudinem non mutavit? cur non potius Martis quam Layernæ signa sequutus est? Sed etiam  
ad

ad hoc mihi ipse respondebam: Cur tu quoque, mi Gufmane, ad saniores non redis mentem? cur honorem tuum seu existimationem infamibus artibus sustentare pergis? Cur non tu quoque militaribus manipulis adscribi te patearis? Damnas in altero quod in te tibi placet. At militiæ labores & pericula te absterrent. Quasi vero tuum vita non multo majoribus periculis & æumnis sit obnoxia. Equidem vix omnes Jurisconsultos tanta in medium Consilia allaturos puto quantis bono furi aut la vernioni opus sit. nam valde erras, si non & hic certos dignitatis, scilicet, gradus esse existimas. Æmulatio certe non minor est quam inter vel cruditos vel opifices. Ex iis quæ ex Sajavedra audieram, ipse quidem cum fratre suo parvulus aliquis Delphino adnatans pisciculus; ex iis autem quorum mihi eram conscius, ego balæna mihi videbar. Occupabantur illi circa furta rerum fere nihil: idque sine ulla fere arte, nisi quæ furum propria est, factitabant. nesciebant forte *Plus ultra* esse. Almonaci (qui pagus est Toletanti regni) communi sumtu linter aqualis, in quo jumenta potum caperent, factus fuerat. Quum unus diceret nimis altum, alius, nimis depressum esse; prætor loci ipse

*Laver  
nonum  
artet.*

*Ridicu-  
lū rustici  
dictum.*

accedens, inclinato corpore quasi periculum commodæ fecit auationis; sicque duos aut tres passus retrocedens, Profecto, inquit, nihil amplius est quod caussari quisquam possit. Quia enim ego vasis labrum commodè possum attingere, nulla etiam alia bestia, puto, erit altera quæ eodem pertingere non possit. Sic sunt quidam, qui ubi factum aliquod vel audiunt vel vident ingeniosi ab hoc vel illo factum, eandem dexteritatem de se sibi promittunt: quibus tamen id dici posset quod alius quidam rusticus ex eodem pago dixit; ubi quum duò inter se de certo quodam jumento contenderent, utrum mula esset vel equa, accedens tertius, & jumentum diligenter contemplatus, tandem arreptis & utrique monstratis auribus longioribus, *Hic*, inquit, tam certo est asinus quam pater meus. Qui fur esse vult, operam det ut sit cum honore; nec ad vilia se demittat; quales sunt qui res nihili aut certe non magni precii passim sublegunt, deinde nihilominus ad patibulum ducuntur. Et hujusmodi quidem ubi ad primipilares venerint, in extremis habentur, nec ad tribum admittuntur nisi tributum solverint. His idem dici possit quod Chiapinum Vitellium magni nominis ducem dicere solitum ferunt:

Qui

*Fures  
et iobu-  
lares.*

Qui merces suas non novit, optime fecerit si tabernam claudat. Ad me redeo : qui etsi prioribus annis nemini in arte hac cesserim, jam tamen longa desuetudine eam dedidicisse mihi videbar. Optimus omnium rerum magister usus est seu exercitatio: sine qua etiam splendidissima ingenia quasi rubigine obducuntur.

Mediolanum ingressi ego & Sajavandra triduum fere in hospitio nos continuimus. Pruriebat quidem mihi ludendi desiderio animus : sed verebar ne inciderem in homines de Militia, qui *Militia lusus.* semper ludunt cum Malitia. & fieri poterat ut prærogativa quam Sajavedræ dexteritas ante mihi subministraverat, uti non liceret, illis alia uti liceret. Dum quodam die lustrata magna urbis parte, in foro obambulo, video juvenem vultu & habitu nescio quid alacre simul & modestum præ se ferentem ad Sajavedram accedere, & mutua facta salutatione satis longum sermonem miscere. Statim animo meo injecta fuit suspicio in me measque sarcinulas nova cudi consilia : eoque diligentius omnes eorum gestus observabam. intervenire ipse nolui, ne suspicionem meam proderem, aut colloquium illorū seu consilia, quæ nesciebam obfutura an profutura mihi

*Suspicio  
quando  
iusta.*

*Aquile-  
ra qua-  
lis.*

hi essent, turbarem. Quod si illo sine me vidissem abeuntes; jam ante viam mihi ad hospitium compendiosiore prævideram, qua utrumque prævorterem. Sub prandii tempus, abit alter ille juvenis: ad me reversus Sajavedra ne mutit quidem. unde suspicio mea valde fuit aucta insidias mihi meisque fieri sarcinulis. Est quidem suspicio instar radentis vermis, qui animum, ut teredo lignum, exest: nec facile in aperti & sinceri animi hominem cadit. Si tamen ingenium fraudulentum hominis perspexeris, nihil vetat quin nihil ipsi fidas. *Metuo Danaos & dona ferentes.* Silco & ipse tandem vero continere me non potui quin Sajavedram interrogarem, ecquid hominis ille esset quicum in foro constitisset & colloquutus esset. Videri mihi Romæ à me visum. Numquid, inquam, Mendoza ei nomen; Ille, non Mendoza ait, sed Aquilera vocatur. & sane rapax admodum & ad omnem prædam sagacissima est aquila. Fuit is non ita pridem nostri gregis. Litteras pingit scite admodum, arithmetices etiam est peritissimus. Ut verum fatear, grande ille mihi persuadere voluit facinus, non brevibus Gyris tantum & carcere, sed & Tarpejo saxo dignum. Narravit mihi qua occasione & quo fine in hanc urbem venerit.



ne autem interea dum consiliorum suorum senatum convocat, tamquam vagabundus lavernio deprehenderetur, collybistæ, seu usurario, seu mercatori mavis ( hodie enim confusa hæc nomina ) operam suam addixisse, jamque annum & eo amplius, fideliter & ad heri gustum præstitisse; non alio fine quam ut tamquam mulus septennis, ubi occasio se tulerit, calcibus vel herum vel quemcumque alium impeteret ac prosterneret, sicque aufugeret. Petiit insuper à me ut socium me adderem; multa proponens quæ luculentæ prædæ spem faciebant. Sed nihil mihi placebat, duas potissimum ob causas: & quod præsentî mea sorte omnino contentus essem, ut meliorem vix optare possem: & quod in mutando vitæ statu seu conditione cautissime ac non nisi rebus omnibus ad amussim pensiculatis procedendum esset. Parva præda utrumque parum juvare poterat; luculentæ exigua spes erat. nam & vix quatrimum latere, effugere vero non facile poteramus. & certum erat in deprehensos supplicium. Et licet uterque multa ex tempore à nobis excogitata in medium adferret, nihil tamen erat in quo possem acquiescere. At ubi finis consequendi nulla spes est, principia temeraria sunt, media frustra-

nea. Sic ergo à me ille discessit, ipso etiam monente tempore : ut qui herone tantillum quidem, uti semper hactenus, in mora esse vellet. Non omnem Sajavedræ hic sermo mihi exemit scrupulum : quamvis vero non omnino dissentaneus mihi videretur. Sumto pallio cum Sajavedra per urbem aliquantulum obambulo. in hospitium inde reversus, ne verbo quidem ejus quod dixerat Sajavedra mentionem facio: totus eam in curam ne quid mihi sublineretur, incumbens. In meis Argus eram : in eo quod Sajavedra mihi de Aquilera dixerat, Ulysses, varias animo machinationes agitans quibus operæ precium aliquod fieri posset : certus tamen nullam aquam ingredi nisi vado prius bene tentato & explorato. Stultorum est ob exiguum lucrum, magnæ jacturæ subire periculum. Quid enim ego totas noctes curis & machinationibus insomnes transigam ob vilem aliquam rem, cujus acquisitæ precium vix unam in cenam sufficiat? Quia ergo suspicabar posse nobis Aquileræ operam maxima afferre emolumenta, domum reversus ad Sajavedram, Tu inquam, (totus enim cogitabundus sedebat) vix apud te esse mihi videris. ita te forte mercatoris illius cui Sajavedra servit, pecunia sollicitum habet.

*Etiā  
mali  
caute  
proce-  
dant.*

bet. Equidem ejusmodi inventionibus seu machinationibus Archimedi non cessero: si modo aliquid esset in quo utiliter talis opera collocari posset. Quid, inquit ille, utiliter? Parumne videntur tibi viginti ducatorum millia? ut de pannis aliisque mercimoniis nihil dicam. Ergo non mirum, inquam, quod curas tuas in rem tantam jacias. Sed quid invenisti? An machinā aliquam habes quam tam dives oppidum expugnemus? Ille, Nihil admodum, inquit, quin etiam quanto magis cogito, tanto minus video. Quoniam igitur res tanta est, inquam, quam partem mihi dabitis si ego utile aliquod consilium invenero, quod voti compotes nos faciat? Domine, ait ille, & ipse & mea omnia jamdudum in tua sunt potestate, de quibus pro arbitrio tibi licet disponere. Ad Aquileram quod attinet, cum ipso agendum est: nec dubito quin facilem se præbiturus sit. Abi ergo, inquam, & quære hominem, & ut quando commodum fuerit, ad me veniat roga. Cave autem ne quisquam te cum illo loquentem videat. Postridie condito loco venit ad me Aquilera: è quo etiam minutissima quæque ad heri personam pertinentia exquiro: inprimis quantum auri & argenti, & cujus mone-  
tæ, ubi, & in quibus loculis haberet.

*Merces  
labori  
par sit.*

*Aquile-  
re hisso-  
ria.*

Ille sic exorsus est: Animadverto, domine, mei apud Dom. Vestram à Sajavedra factam esse mentionem. De me vero sic habe: Genus mihi plebejum: pater, nauta. In paupertate nato ingenium tamen ad quævis habile mihi Natura largita est, quod puer ad scribendi & computandi artem applicui. Adolescens inde cum æqualibus aliquot exterarum adii regiones, variis artibus victum quærens: ubi interim nonnulli è nostro grege Justitiæ litârunt: cui ego quoque ceu non minus merita debebar hostia. Sed servatus Dei benignitate, quum ante annum & paullò amplius in hanc urbem venissem, operam meam diviti cuidam mercatori locavi: qui ante quatuor circiter menses omnes Rationum suarum libros meæ permisit curæ, ærarii vero claves solus ipse in sua habet potestate. Et fateor non semel à me initas rationes quibus opimo aliquo bolo hominem possem emungere; sed periculi metu hætenus fuisse deterritum: quod tamen subire non detrectem, si magnum aliquid & diu profuturum patrandi detur occasio. Cogitationem hanc meam Sajavedræ revelavi, ut cum quasi Achatem mihi adsciscerem, quem olim nôram ad ejusmodi negocia maxime idoneum & quasi à Natura factum:

etum : eoque ubi me accersitum vidi,  
 magnam spem opulentæ prædæ sine  
 magno periculo ex herili agro agendæ  
 concepi. Quod ad heri mei facultates seu  
 divitias attinet, scio ego ( vidi enim & *Huic  
scilicet  
recte  
credas.*  
 quotidie video omnia) plusquam viginti  
 ducatorum millia possidere. Numi qui-  
 dem binis ferreis cistis inclusi sunt. &  
 ante paucos dies idem tria scutatorum  
 millia in sacculo quodam nigris macu-  
 lis distincto recondita earum alteri in-  
 tulit : inter quos scutatos nullus omnino  
 est simplex, sed omnes vel dupli vel  
 quadrupli. & hi quidem eò à reliquis  
 seclusi sunt, quod nescio cui alteri mer-  
 catori summam eam feneri dare consti-  
 tuerit. Sed intelligo illum conditiones  
 detrectare, quæ sunt, ut ipsa usura, quæ  
 enormis admodum est, ex ipsa summa  
 in antecessum detrahatur; tota vero  
 summa in obligatione exprimat, his  
 verbis additis, *Gratis præstari*. Quid de  
 illo ego dicam? Homo est unus omnium *Avari  
& usu-  
rarii  
omnibus  
exosus.*  
 maxime toti Civitati, ob immodica fe-  
 nera & varias alias fraudes exosus : &  
 certò scio neminem esse qui non male  
 factum ei velit. Nomen deinde ho-  
 minis, ædes, tabernam, capsularum in  
 quibus pecunia asservabatur notas, alia-  
 que omnia tam dilucide indicavit ut in  
 rem præsentem me duxerit, & singula di-

*Nec mi-  
nium:  
nec pa-  
rum.*

gito quasi demonstrarit. Rogavi, an  
clavium posset habere copiam. Facile,  
respondit Aquilera, ut quæ eidem qui-  
bus ceteræ claves annexæ essent catenu-  
læ: quas omnes non raro sibi traderet, ad  
expromendas merces & reliqua quæ in  
diem viderentur necessaria: tunc tamen,  
ut qui & avarus & suspiciosus sit, nus-  
quam avertère oculos priusquam red-  
dantur, verentem scilicet ne scrinia ex-  
pilentur. Jussi ergo ut ante omnia cla-  
vium quas vellem formas ceræ impres-  
sas ad me perferret. illud restabat, ut  
constitueremus inter nos quid & quan-  
tum ex tot illis bonis esset involandum;  
ea adhibita cautione, ne id nimium esset,  
ut quod tam facile expediri non posset;  
neque etiam nimis parum, quod non  
multum utilitatis esset allaturum. Com-  
modissimum visum fuit arietem ad eam  
capsulam admovere in qua tria illa de  
quibus supra dixi, ducatorum millia as-  
servabantur: quæ inter tres æqualibus  
portionibus dividerentur. Illud unum  
mihi curæ erat ne magno me commit-  
terem periculo, sed furtum hoc ita pa-  
trarem ut, præter utilitatem, etiam ho-  
nori esset. Quod ut tanto lubentius fa-  
cerem, Sajavedra & Aquilera sic mecum  
pacti sunt, ut tertia pars prædæ integra  
mihi cederet; deinde reliquæ duæ par-

tes æqualiter inter nos dividerentur. Ac-  
ceptis ab Aquilera formis, claves mihi  
fieri curo: de quibus Aquilera quãdili-  
gentissime nos edocuit quæ ad taber-  
nam, quæ ad scrinia pertinerent. Eidem  
dixi, velle me postero die herum ipsius  
accedere. arrigeret tum aures, & verba  
mea diligenter notaret, ut ex iis deinceps  
consilia quoque sua moderaretur. simul  
rogavi, ut quotidie sub vespertinum cre-  
pusculum certo loco ad nos veniret.

Sequenti die ad tabernam merca-  
toris me conféro, & audiente Aqui-  
lera, hæc fere cum ipso loquor: Esse  
me Nobilem Hispalensem. ante paucos  
dies certorum negotiorum causa in  
urbem venisse, quæ ante nuptias quas  
jam tractarem, maxime expedita vel-  
lem. attulisse vero mecum tria circiter  
ducatorum millia. diversari in hospitio  
maxime frequenti. & licet claves ejus  
capsulæ in qua numos illos meos repo-  
sitos habebam mihi datæ essent; vereri  
tamen ne alii earum similes haberent;  
sicque aurum illud mihi surriperetur.  
Monitum autem esse à quibusdam ami-  
cis, posse me facile hoc metu liberari,  
si quidquid mecum haberem numorum  
apud ipsius Dominationem depone-  
rem, bona fide quandocumque vellem  
postea reddendum. Rogare me ergo

*Gusma-  
ni con-  
gressus  
cū mer-  
catore.*

*Non ea-  
dem co-  
gitant  
asinus  
& aga-  
sa.*

ut eos numos diebus aliquot apud se esse pateretur, id me magni beneficii loco habiturum, atque etiam remuneraturum. Hæc quum ego iis gestibus & verbis quæ maxime fidem conciliarent, eloquutus essem, ille non modo in hac verum etiam aliis quibus posset rebus lubentissime se mihi gratificaturum respondit. Credo equidem utriusque nostrum tum idem fere fuisse propositum, idem consilium, eandem mentem: nec minus illum meæ quam me ipsius pecuniæ inhiasse. Discedo, ita ut dicerem me ad hospitium ire, ut pulcrum illud depositum asportarem: cum eoque paullo post rediturum. Ubi in hospitium venimus, Sajavedra quasi attonitus rogat me, unde tria illa ducatorum millia sumpturus essem. Subridens ego, Quid? inquam non tu jamdudum illa ad mercatorem deportasti? Quum & ipse rideret, Quid tu, inquam, rides? equidem hoc scio meum illud depositum in eo quem Aquilera mihi designavit sacculo bene & recte asservari, nec quidquam inde mihi perituum. Sed amico illi nostro dic, ut post octiduum ad nos veniat, & librum aliquem rationarium heri sui secum afferat. Dum telam hoc quo dixi modo, cœptam pertexere studeo, & animum nunc huc nunc illuc di-



vido, quodam die quum jam uterque in lectum decubuissemus, Sajavedram & ipsum, quod in tota re parum adhuc prospiceret, fere insomnes noctes agentem, sic alloquutus sum: Scito, mi Sajavedra, Asinum gravissime olim ægrotantem, & jam morti vicinum, rogantibus amicis & filiis (quorum sanè infinitus propemodum est numerus) tale testamentum fecisse. Jubeo ut post mortem meam lingua mea detur adulatoribus & calumniatoribus. cauda cholericis & iracundis; oculi, lascivis; cerebrum alchymistis, Astrologis, Judiciariis, Arbitris & machinatoribus; cor, avaris; aures, seditiosis & delatoribus: os, Epicureis, epulonibus & bibonibus: ossa, pigris: lumbi, superbis: spina dorsi contentiosis: pedes posteriores Procuratoribus; anteriores, Judicibus: caput, Causfidicis, scribis & Notariis: caro pauperibus: pellis autem inter nothos meos dividatur. Quorsum hoc? inquis. Eò. nolo ego, ut dum Aquilæræ ductu & suasu mercatoris illius auro tendimus insidias, Aquilera illud parum quod habemus nobis subducatur: sicq; Testatoris nostri pellem, qua culpam nostram & inertiam tegamus, solam nobis relinquat. Et profecto dignus palma furcit Aquilera si os nobis sublinat. Quod si ve-

*Asina  
testa-  
men-  
tum.*

*Fraudatores  
fraudantur.*

lit facere, non fortasse ei deerit occasio. Ut enim fallaciam hanc ad optatum finem perducamus, necesse erit ut decem illos ducatos, quorum quilibet denos valet simplices, ejus fidei permittamus: quam ille summam forte non aspernabitur, neque ea nos circumducere & fraudare religioni habebit? Quid ergo si eam rationem ineamus, ut ab ipso tantundem quanti summa illa est, sub alia quadam specie sumamus? Hic Sajavedra, Nihil ait tali cautione opus esse. eam esse Aquilerae fidem, multis experimentis sibi cognitam, ut non modo talis summula, verum etiam quantacumque alia recte ipsi credi possit. Noster enim, inquit, mos sic habet, ut erga socios fidem inviolatam servemus. quod si ille centum illos ducatos interverterit, fiet id meo periculo, tamquam pro Aquilera fidejubentis.

# CAPUT XI.

*Gusmano belle succedit furtum.  
Is, Aquilerae promissa data  
portione, cum Sajavedra Ge-  
nuam abit.*

*Spes  
qualis.*

EST quidem spes miserorum omnium velut asylum quoddam: illud  
tamen

tamen habet incommodi quod & nihil certi promittit, & à metu raro sejuncta est: eamque ob causam animos hominum sæpe magis cruciat quam solatur. Quam diversis cogitationibus animos duorum illorum meorum sociorum, quibus vix scintilla consilii mei adhuc alluxerat, distractos ac veluti discerptos fuisse putas? Ubi ad constitutum diem adfuit Aquilera, librum quem secum attulerat evolvere: quæro folium cui inscripta erant quæ octo proximis retro diebus mercator egerat. annoto hæc verba: *Deposuit apud me Don Ioannes Osorius tria ducatorum millia, inter quos decem sunt qui denos valent, reliqui omnes quadrupli sunt & dupli. Idem præterea Regalium duo millia custodiæ meæ commisit.* Totum deinde hoc quod scriptum erat, litura, ut fieri solet, deleui: ad marginem vero, mercatoris manum doctissime imitatus, adscripsi, geminatis pro more verbis, *Restitutos esse.* Inde librum Aquilerae reddi, simulque decem illos ducatos decuplos; ac iussi ut per occasionem è capsula qua tria ducatorum millia asservabantur, quinquaginta duplos auferret, eorumque loco decem hos reponeret. Duas etiam eidem dedi scedulas, quarum uni inscriptum erat: *Tria hæc ducatorum millia sunt Don Ioannis Osor-*

*Mercuriales assuetudine.*

rii.

*rii. alteri : hic sunt duo Regalium millia,  
 ad Don Ioannem Osorium spectantia. Mo-  
 nui insuper, si forte in illa in qua tria du-  
 catorum millia erant capsula alia esset  
 scedula, illa ablata, solam meam relin-  
 queret. alteram vero illam de duobus  
 Regalium millibus certo cuidam immit-  
 teret sacco, quem ille certis mihi notis  
 descripserat, & in quem quotidie adven-  
 titiam pecuniam reponi dixerat. His  
 onustus mandatis discedit Aquilera, ea-  
 que nocte ad unguem omnia exsequi-  
 tur. Certior factus ego sequenti die ad  
 tabernam mercatoris lento admodum  
 gradu eo, pone me sequente Sajavedra.  
 Credo illum; ubi me vidit, magna exsul-  
 tasse lætitia, ut qui tria illa ducatorum  
 de quibus dixeram millia in sua jam po-  
 testate habere sibi videretur. Atqui ego  
 illa non allatum, sed ablatum veneram.  
 Postquam consalutavimus, audientibus  
 qui aderant (erant vero non pauci  
 graves & honorati viri) ajo: Famulum  
 hunc meum cras ego huc mittam ejus  
 quod scis causâ. tu velim ne in mora sis;  
 isque ad me quamprimum remittatur.  
 Hoc ille quidem ita intellexerat, se-  
 quenti die famulum à me missum iri  
 qui tria illa scutatorum millia apud me  
 deponeret; eoque hoc tantum respon-  
 dit: Fiet quodcumque jusserit Vestra  
 Do-*

Dominatio. Taberna egressus vix viginti circiter confectis passibus, redeo, ajo, dum abirem in mentem mihi venisse, optimum fore si numos illos meos inpræsentiarum statim mecum auferrem: coque petere me ut iamjam illos mihi redderet. Admirabundus ille, Quos, inquit, tu numos à me petis? Ego, Omnes, inquam. omnibus enim nunc opus habeo. Ille, Quos omnes? Iratus ego, Omnes, iterum ajo, quos à me habes, tam aureos quam argenteos. Ego ne (ille) à te ullos numos aureos vel argenteos habeo? nescio, & forte ipse niscis tu quid dicas. Per Deum immortalem, inquam ego, ecce belle excogitatam astutiâ! Ille: Quænam astitutia? Tui ego quidquam nec habui nec habeo. Ego: Satis jam est nugarum, immò multo nimis ei cui nugæ ejusmodi vel fraudes potius non placent. Ille: Vade cum Deo. Ego, Lubenter id faxim modo pecuniam meam mihi prius reddas. Quam, ait ille, pecuniam? Eam, inquam, quam apud te deposui: in auro & argento. Ego, inquit, nullum aurum vel argentum habeo quod tuum sit. O pulcrum, inquam, hominem! nunquid paullo ante audientibus his dixeras, Famulo te meo cras illud quidquid est daturum; jam vero mihi ipsi negas? An tibi memoriâ

*Ecco  
ipsam  
impudentiâ.*

exci-

excidit , ante octiduum me tria ducatorum millia in auro , & duo millia Regalium in argento apud te deposuisse ? Ille : Tune quidquam apud me deposueris ? quem ego nescio quis vel cujas sis ! Ego ad adstantes conversus , Hic , ait , jam me non novit. atqui paullo ante noverat. nihil habet quod meum sit. nempe suum lubenter velit esse. Sed puto Mediolani quoque administrari justitiam. tu quidem antequam hinc pedem moveam , tam aurum quam argentum illud meum unà cum pulvisculo reddes. Vitam tibi prius ipse eripiam quam tu mihi meos istos numos. Hac durante altercatione , dici vix potest quanta turba undique ad tabernam confluerit : inter quas & unus fuit de publicis ministris ; qui apertâ sibi viâ , ubi litigantibus intervenit , elata voce sic circumstantes sum affatus : Jam vos , domini mei , vidistis & audistis quæ inter nos acta sunt : in primis illud quomodo pessimus hic homo depositum mihi negârit. Sed ut veritas elucescat , age , jubeat libros proferri rationarios , quibus inscriptum proculdubio , apparebit id quod à me depositum dixi. Age , videatur qui bona fide agat , qui minus. An ego is sum qui postulem quod meum non est ? Deus hoc nunquam siverit

*Sic solet  
fieri.*

rit. In capsula illa, quam digito demonstrabam, in tali sacculo (quem certis describebam notis (aurum illud meum, nempe tria ducatorum millia, quorum pars dupli, pars quadrupli; & inter omnes decem sunt decupli, vidi recondi. Tum in alteram illam (quam & ipsam digito demonstrabam) in qua ille mihi ipse dixerat circiter septemdecim Regalium argenteorum esse millia, duo illa millia illata sunt. In rem præsentem ergo veniat. quod si falsus deprehendar, non recuso quin debitas luam pœnas. tantum cautio mihi adhibenda est, ne ille interea si forte ego abscessero, sua in transferendis aut immutandis sacculis utatur malitia. Et conversus ad publicum ministrum, Tuum, inquit, erit, auctoritatem hic tuam interponere, operamque dare ne mea ego defrauder pecunia. Collybista, Agedum ergo, inquit, adferantur mei libri. inspiciantur. si quod ille dicit, in eis scriptum invenatur, nullam pœnam recuso. Tum circumstantes: Hæc una optima litem decidendi ratio fuerit. Jubet collybista ab Aquilera ministro aportari principalem librum, in quem accepta & expensa accurate referuntur. Eo viso, exclamo, ô scelestus homo! non hic est qui litem nostram possit decernere? sed alias quidam

dam minusculâ formâ. Poscit ille alium. quo allato, iterum exclamo, Quid tantis tricis opus est? non hic est; sed alius quidam, oblongus, strictus. Tunc Aquilera, Credo, inquit, illum esse librum in quem singulorum dierum rationes consignantur. neque enim alius ea forma est, quod ego sciam. Reversus, illum ipsum mihi demonstrat. Hic ille ipse est, ajo. evolvatur: ut veritas tandem appareat. Adstans ego, ubi folium illud vidi in quo scriptum erat quod volebam. sistite, inquam, hic illud ipsum de quo lis est. scriptum invenietur. Id ubi tam publicus minisset quam alii circumstantes legerunt, Collybista mille crucibus se signans, Quis hoc, inquit, scripserit, equidem nescio: nisi forte diabolus scripserit. Jovem lapidem ego iuro, de hoc omni quod hic scriptum est tam me scire quam qui numquam natus sit. (Erant vero omnia eo quem supra diximus modo scripta.) Exclamans, Ego, inquam, hoc omne quidquid est scripsi, hac mea manu, te ipso vidente. At tu, pessime, cur cancellas quod nondum solutum? Nondum vero solutum esse? res ipsa convincet. Age tu, si recepi ego numos istos depositos, mentiris tu per gulam qui paullo ante his audientibus dixeras, ne teruncium quidem te à me

acce-

*Ofron-  
tem per-  
frictam.*



accepisse? Hæc quomodo conveniunt?  
 Sed quid opus ambagibus? Aperiantur  
 capsulæ illæ. statim deprehenderetur ve-  
 ritas. Diu contra nitēbatur Collybista:  
 sed instabat publicus minister: iurans ni-  
 si claves sibi darentur, se publica aucto-  
 ritate usurum. Afferuntur diversæ: sed  
 ego notam mihi designans, Hæc illa  
 ipsa est, inquam, in qua numi mei affer-  
 vantur. Apertâ capsulâ, statim scedula  
 prodit quæ illam quam depositam dixe-  
 ram summam designabat. Ea lecta. Vi-  
 dete, inquam, mendacissimum ho-  
 minem. Paulo ante dixerat nullos decu-  
 plos ducatos sibi in capsula esse. at quid  
 hæc sceda loquitur? Numerantur nu-  
 mi. illa ipsa quam dixeram summa ad  
 unguem, & quidem ejus quam designâ-  
 ram monetæ, reperitur: in primis duca-  
 ti illi decupli, quos ille penes se esse tam  
 pertinaciter negârat. Quid ego vobis de  
 nostro dicam homine? Certe tam fuit  
 attonitus, ut aliquamdiu apud se non  
 fuerit, in primis illud mirabatur un-  
 de decupli illi ducati in arculam irre-  
 pserint, quos à se nunquam visos, per  
 omnes deos deasque jurabat. Sic quiri-  
 tantem & Dei hominumque fidem im-  
 plorantem quæcumque excogitare po-  
 teram onero conviciis; unum illud ur-  
 gens ut tam capsula quam sacculi quos  
 desi-

designaveram inspiciantur. Quum ille ducatos suos esse pertenderet, facile illum refutavi quod paullo ante audientibus qui aderant sibi decuplos esse negasset. O perditum te, inquam, qui tua ipsius confessione proditus, negare tamen depositum pertendis! jamque etiam quod statim habere te negâras, tuum esse contendis! Sed proculdubio divina ultione ablata tibi memoria est, ne meum mihi auferretur. Hæc & similia quum dicerem, aperitur quoque sacculus in quo Regales illi argentei erant reconditi, ubi quum similis scedula fecisset indicium, duo numorum millia scilicet à me deposita ibi asservari, jam nemo erat qui Collybistam non execraretur; & ut meum mihi restitueretur æquissimū esse clamaret. Ego vero quidquam me, nisi re cognita & decisa, sumturum negavi: eoque publicum ministrum rogavi, ut omnium quæ acta fuerant testis locupletissimus, eos numos qui mei comperti essent in tuto aliquo portu collocaret, nec in scelesti hominis potestate relinqueret. quod ille non gravatim fecit: & tam aurum quam argentum apud vicinum, hominem probum, deposuit; frustra misero illo per vim & fraudem sua sibi scrinia expilari, suum auferri clamante. Sed tantâ laborabat invi-

invidiâ, tanto odio, ut nemo esset, quin etiam injuriam patienti faveret. nunc in tam aperta, ut plerisque omnibus videbatur, causa, dici non potest quam acerbis dicteriis & conviciis, etiâ audientem traduxerint. Post unum & alterum diem depositum illud mihi adjudicatur; quod ubi in hospitio ante oculos Sajavedræ effudi, ille vix sibiipso credens, Hunc, inquit, hominem decet, auro expendi, huic decet statuam statui ex auro; qui tantum hodie patravit facinus, tam optimis affectus est spoliis quæ multum ac diu juvant. Ego, mi Sajavedra, inquam, Tu illum solum vere sapere puta, qui furatur sine periculo, & maximo cum lucro. Appage nugas illas, quas tu mihi in itinere narraſti. Vilem prædam non insectatur aquila. Nequius nihil est quam fur egenus consilii. nullus frugi esse potest homo nisi qui & bene & male facere tenet. Improbus cum improbis sit, harpaget: furibus fureretur quod queat. Non multo post venit ad nos Aquilera, narrat herum omnem pæne animi sensum amisisse, adeoque tam verbis quam factis delirium ostendere; illud pro certo statuere, meris præstigiis & malis artibus sibi impositum. Deditum Aquileræ promissam partem. Sajavedræ quoque dare volebam: sed ille ut penes me servarem

roga-

*Teli no-  
va fra-  
ctus.*

rogavit. Jam tum consilium ceperam  
Genuam quam propere abeundi. dum  
verò die quodam aurifab ūm circum-  
eo tabernas, torquem video tam ele-  
ganter elaboratum & politum, ut quan-  
tumque esset, potiri eo constituerim.  
Rogo pondus & precium mihi indicari:  
ex quo statim intellexi, non ex auro; sed  
alia vili esse materia. Ego nihilomnino  
quanti mihi indicatus fuerat. inde ad ali-  
um accedens, eadem omnino forma alte-  
ram catenā ex auro fieri mihi curo tam  
illi similem ut lac lacti non magis esset  
simile. Jam tum enim eius quod Genuæ  
à me factum postea telam exorsus eram.  
Ut vero Saiavedræ commodius uti pos-  
sem opera, rem omnem ei natio, quo-  
modo nempe olim à cognato quodam  
meo Genuæ tractatus fuerim. quam in-  
juriam quum ulcisci plane mihi consti-  
tutum sit, videri mihi consultum ut  
nomina permutemus. & ego quidem  
Don Joannes Gusmanus dici volui:  
quem titulum etiam Hispani opiliones  
& fiscellarum textores, ubi in Italiam  
aut Belgium venerint, affectant. Libera-  
lissime mihi pollicetur Saiavedra, sic  
communi consilio Mediolano quam-  
primùm excessimus, Genuam profecti.

## CAPUT XII.

*Gusmanus cum Sajavedra Genuam profectus, astutissima malitiæ telam orditur.*

**Q**uo semel est imbuta recens servabit *Natu-*  
 odorem Testa diu. Si meæ vitæ cur- *ram ex-*  
 sus, occasiones, casus, amor & metus *pellas*  
 animum meum à vitiorum somno ex- *furca,*  
 citare non potuerunt, quis credat ullam *tamen*  
 in rebus humanis vim esse? Quod si *usque*  
 nonnulli humana industria excogitatis *recurrat.*  
 consiliis ac mediis ad virtutem à vitiis  
 traducuntur; non tamen id tam facile sit,  
 quin prius necessaria sit quædam mentis  
 agitatio, qua homo utile à damnofo, ho-  
 nestum à turpi, malum à bono queat di-  
 scernere. In hoc hærentem discrimine  
 divinum auxilium numquam te deferet,  
 nisi tu deferas te ipsum. Sed sunt quidam  
 qui tanquam belluæ omni destituuntur  
 ratione, vel certe nulla utuntur, sed cæco  
 impetu ad quævis abripi se patiuntur.  
 Hi sane raro, aut numquam agnoscunt  
 errores suos. quomodo vero non agni-  
 tos emendent? Alii male facere se non *Sponse*  
 ignorant; male facere nihilominus vo- *malis su-*  
 lunt, cò tantum ne bene faciant. Fingunt *mis.*  
 se esse ignorantes iis in rebus quas no-  
 lunt

lunt intelligere. illud interim sciunt & intelligunt, se suamque salutem paullatim ad scopulos deferri. Ducunt insipientes in corde suo : Dicamus in bonis dies nostros. Turgent pecunia loculi, horrea frumentis, cellæ vino aliisque rebus ad vitam jucunde degendam spectantibus abundant. Gaudeamus dum tempus finit. Quid enim attinet, vitam à Deo concessam spontaneis curis & laboribus amariorem reddere? Sic dum illi emendationem ex hora in diem, è die in mensem, ex mense in annum procrastinant, numquam ad id temporis perveniunt, quod vel maxime serum, numquam tamen nimis serum venit. Usurarium & Avarum vide. Dei hominumque oblitus, solum Mammona colit. Libidinosum. Venatur id quod maxime fugere debebat. Superbum. Stercore gloriatur: & elevans se in cœlum, ad tartara deprimitur. Detractorem. Pejor hic est quovis crumeniseca & fure. Furatur hic quando non est quo vitam commode sustentet: sed ea tantum quorum jactura refarciri potest. illud alteri studet eripere quod ipse quidem restituere nequit. quomodo enim reddat quod non habet? Quam multi sunt hypocritæ, qui eodem ore preces tam longas quam frequentes demurmurant quo pauperum, vidua-

viduarum & orphanorum bona devorant! Quam multi qui precio ad quodvis dicendum & faciendum adigi possunt! Sed ad orbitam redeo: ne dum alia aliorum vitia in scenam produco, me inde subducere velle videar. Quid fur non fecerit ut furetur quod furari instituit? *Furum discrimina.* Hic monitum te volo, quando de furibus loquor, me de miseris illis & triobolaribus, ut sic dicam, loqui: non de iis qui ædium suarum parietes conchyliatis aulæis & peripetasmatis ornant; qui holosericis vestibus quotidie induti ambulāt aut obequitant; qui denique miseros illos suspendi jubent. Pro his nulla feritur nec crescit canabis, nullæ fabricantur triremes, nulla eriguntur patibula: quæ infelicibus tantum destinata sunt, non reis. Non, inquam, de his loquor: quamvis non dubitem te, exemplo illius simiæ, meæ tamquam felis manu seu ungibus castaneam hanc de prunis extractam velle. Sed retraho manum, ne amburam. Non meum est, sed Regum ac Principum hos corrigere. Trivialibus lavernionibus pericula in quibus versantur, miseras & ærumnas quibus premuntur ut ostenderem, PICARI *Auctoris scopum.* personam indui: furtaque à me commissa mentior, ne tu committas, & ab eis qui committere velint caveas. Sed quid

ita ad furti & furis nomen exhorrescis ?  
 Mihi crede, si rem ad mussim perpendamus, pauci erunt qui non & ipsi vel hoc vel alio modo aliquid in hac vita furati sint & ad huc furentur. Quid enim? Surripuit tibi aliquid furunculus. auctorem nescis : eoque furcam ei imprecaris. quem si scires, tuum repeteres; nec curares, si etiam vitam unà ille amitteret. nunc ille alius tuum habet, te sciente, & tamen ne hiscente quidem. Quæ enim stultitia, Pygmæum Herculi clavam velle extorquere ? Mihi quidem perinde fere fit, siue tu nescias aliquid de tuo penes me esse ; siue scias, repetere tamen nec ausis nec possis, si maxime velis. Sed ad historiam revertor.

*Vestis  
 honorata,  
 non  
 virilis.*

Vestibus aliisque omnibus necessariis quam optime instructi ego & Sajavedra Mediolano discessimus. Genuam ut venimus, dici non potest quanta cum alacritate ab hospite excepti, quanta cura & honorificentia ab universa familia tractatus fuerim. Tunc quidem non poteram non humanarum rerum damnare caliginem. Non multos ante annos quum pannosus, malo quidem & depravato robustarum tamen nequitiarum adhuc ignaro ingenio eò venissem, omnes me averfabantur ac tantum non conspuebant : nunc superbe cultum & vestitum,



stitum, quamprimùm in publicum pro-  
diissem, nemo erat qui non admiraretur,  
qui non revereretur: quum olim  
miseriæ meæ subvenire, tunc vero tam-  
quam noxium aliquod animal fugere  
deberent. Plerique Sajavedram pone  
me incedentem rogabant, quis aut cujas  
essem. Respondit ille, Don Joanni Gus-  
mano mihi nomen, patriam Hispalim,  
nobilissimo ortum genere, unicum opu-  
lentissimæ viduæ esse filium. Româ  
Genuam venisse, certorum negociorum  
caussa; quibus expeditis, Romam essem  
reversurus. Non pauci illud miraban-  
tur quod tam bene vestitum rebusque  
omnibus aliis instructum viderent. Aje-  
bant enim, iis qui vel Romam vel ad  
aliam quamcumque aulam proficiscun-  
tur, idem accidere quod thynnis, qui  
nondum ejectis ovis, crassi sunt, pin-  
gues & robusti; at post partum macilen-  
ti, debiles fiunt & insipidi. Erat vero ho-  
spitium in quod diverteramus unum ex  
totius urbis præcipuis: in quo licet ma-  
gni fierent à nobis sumtus, nihilominus  
multum lucri faciebamus. Non semper,  
sed suo tempore sonat horologium. Lu-  
debam nonnumquam cum aliis hospi-  
tibus, sed parvo. nec Sajavedræ opera,  
sed mea tantum fortuna & arte utebar.  
Quod si fortunam adversantem mihi

*Quales  
ab Aulâ  
dimis-  
santur.*

*Oppor-  
tuna li-  
berali-  
tas fru-  
ctuosæ*

animadverterem, cum exigua jactura absistebam: at faventem ad extremum prosequabar. Accidit aliquando ut inter ludendum notarem è spectatoribus aliquem, triremi cuidam Præfectum, lucranti omni gestu faventem. Finito lusu, centum & amplius ducatorum lucro auctus, sex duplos ei dono, amicitiae causa: gratissimum illi, ut postea intellexi, & valde opportunum munus. Est sane ubi numus unus centenis, aut etiam millenis æquivalet. Tanti est in tempore non venire tantum, sed etiam dare. Et ille quidem & ingentes mihi egit gratias, & operam suam ad omnia prolixè detulit.

Certe parva hæc liberalitas fere sola mihi ad perficiendum quod institueram viam stravit. Sed & inter alios quoque qui mensæ adstiterant ducatos aliquot distribui; omniumque animos ita devinxi, ut nemo esset qui non vitam suam pro mea periculo, si necesse, expositurus fuisset. Capitaneo illi nomen erat Favello; non gentile illud quidem, sed à femina quadam, quam deperibat (ut mihi ipse postea narravit) ipsi inditum. Erat autem homo mire alacris, prudens, consilio & manu promptus, robustus, patiens, nisi quod aliquando esset austerior & morosior; quibus omnibus seu virtutibus seu earum imaginibus contubernalis

lis erat paupertas : cui ego pro viribus  
 subvenire allaborabam. Paucorum die-  
 rum usu & consuetudine tanta inter nos  
 coaluit amicitia , ut sua ille omnia mihi  
 crederet. ego scopum quem mihi præ-  
 fixeram , solum ante oculos habens , ei  
 omnia feci quibus benevolentiam ejus  
 conservare possem : consiliorum vero  
 intimorum unum Sajavedram habebam  
 conscium. Quia autem jam ante dixe-  
 ram , majores meos , atque etiam ip-  
 sum patrem Genuâ fuisse oriundos ,  
 multi ultrò accurrebant qui cognatione  
 mihi se junctos ferebant. Adeo facile  
 est felicibus seu opulentis cognatos in-  
 venire , etiam si ex infima sæce fuerint  
 prognati. Fuit etiam qui genus suum  
 ad atavos meos & abavos referret. Quo-  
 niam vero nihil magis nosse desidera-  
 bam quam senem illum à quo olim tam  
 misere tractatus & ludibrio habitus fue-  
 ram : unum illorum ultro oblata occa-  
 sione, rogavi, quid de patre meo sciret:  
 an is fratres habuerit : & num horum  
 aliquis adhuc esset in vivis. Ait ille tres  
 fuisse fratres , patrem scilicet meum , &  
 duos alios. horum alterum jam pridem  
 fato functum: alterum, & quidem mayo-  
 rem natu , etiamnum in magnis divitiis  
 vivere , sed decrepitum fere : nec uxo-  
 rem umquam habuisse. Ex his ego signis

*Amicus  
 unus in-  
 timus  
 habenda.*

*Quæ ul-  
tio gra-  
ta.*

facile intellexi hunc illum ipsum esse qui mihi tam nequiter illuserat. Ajo, velle me postero die domi illum visitare. quod ubi senex accepit, honoris causa prævortendum me statuit, & mane in hospitium meum, tremulum gradum baculo sustentans, aliis aliquot cognatis, quos ad id acciverat, comitatus venit. Quem ut vidi, nihil magis optavi quam ut aliquanto esset junior, quo diutius vulneris quod ipsi inflicturus eram, dolorem sentire posset. Desipiunt meo iudicio, qui ut se ulciscantur, hominem interficiunt. cum vita quippe omnis quoque sensus finitur. quanto acerbior vindicta est cujus sensus quamdiu vita durat circumfertur! Post mutuam salutationē, offert ille mihi pro hospitio domum suam: ad cujus solum nomen jam mille laxati dæmones sub lecto mihi prodire, meque impetere videbantur. Non, non, (cogitabam) semel deceptus sum. satis id sit. Me quidem, præter unum Sajavedram, nemo deinceps decepit, nullo tamen suo bono. quod si alius post eum id fecerit, lubens ei ignoscam. Multis ultro citroque verbis habitis, rogat me silicernium; num ante id tempus fuisset Genuæ. Sentiens quò ille sermo evasurus esset, ajo, ante triennium circiter me quum Romam proficiscerer, urbem quidem

quidem vidisse, sed unam modo noctem mansisse, summo mane viam cum comitibus ingressum: quod negotium quod Romæ habebam, nullam moram pateretur. Hic ille recollecto spiritu, quasi magnum aliquid & jucundum narraturus, sic fatus est: Scito ergo, charissime mi nepos, septennium esse, plus minus, quum adolescens quidam pannosus, mendicus, fur, vel certe furum socius aut discipulus ad me venit, non aliam ob causam, credo, quam ut è domo mea aliquid surriperet, & aufugeret. Hic fratris se mei filium mentiens, quum mendicabulum esset hominis & lavernio, non parvo nobis futurus erat dedecori, nisi astutiam commenti essemus quæ eum ita exceperimus ut non aliter ac canis, alligata ad caudam vesica, ex urbe profugerit; lecto in quo dormierat, coctis fursuribus oppleto. Credo nebulonem noctis illius perpetuo futurum memorem. Me quidem ut juvat hominem sic abactum; ita poenitet non gravius punitum. Singula deinde articulatim exposuit, quomodo domum deduxerit, quomodo famelicum & cenæ inhiantem frustratus sit; nihil vero majori cum voluptate & risu recitavit, quam quomodo laryati illi dæmones miserum stragula

*Atqui  
magno  
tibi com-  
stabit  
hæc astu-  
tia.*

convolutum veste tamdiu quasi ventilâ-  
rint, quoad ipsum intestinorum, aliàs  
plane inanium, fundum quasi egressisset.  
Miser ego hæc audiens, jam iterum mi-  
hi in gravissimo illo meo conflictu ver-  
sari videbar, tanto cum dolore, ut to-  
tum mihi corpus, non aliter ac interfe-  
cti, adducto ad cadaver homicida, vulne-  
ribus dehiscere mihi & sanguinem eru-  
ctare videretur. Et quamquam facere  
non poteram quin mutati vultus & co-  
loris aliquod se proderet indicium:  
omnibus tamen viribus dolorem dissi-  
mulabam. nec illi, risu fere dum hæc  
enarrantur emorientes, diligenter me  
observabant. Tum quidem ego tanta in-  
dignatione incensus fui, ut vitæ prius ja-  
cturam facere quam ultionem omittere  
decreverim. Malum est male facere; sed  
multo pejus male factis gloriari. Nec  
continere me poteram quin dicerem:  
Ergo nondum hactenus resciscere po-  
tuistis quisnam ille puer seu adolescens  
fuerit, qui ita sapuit ut honoratum ge-  
nus seu stirpem quærendam sibi putâ-  
rit? Quisquis fuerit, non parum ei à  
nobis deberi existimo. Quid enim, si  
forte magnas domi divitias habuerit;  
sed, quod communi dici solet prover-  
bio, è prælio Roncevallonsi evaserit?  
nec contemnendum est, quod è tanto

*Etiam  
cicatrix  
renova-  
ta stillat  
sangui-  
nem.*

nobilissimarum, quæ in Hispania sunt, *Nudi non semper repellendi.*  
 familiarum numero, nostram ille potissimum elegit, cujus honore nuditatem suam tegeret. Equidem si talis aliquis ad me in Hispania veniret, lubenter ei bene facturus ac gratificaturus sim, interim dum certo mihi constiterit, quali ille animo ad me venerit. Nam in vita humana etiam magni viri eò nonnumquam delabuntur, ut confusione & ignominia pleni, non amplius qui fuerunt esse videantur. Nec dant virtutem divitiæ, nec paupertas adimit. Quod si talis aliquis vel non sit quem se fert, vel aliam ob causam minus mihi placeat; satis mihi fuerit clam illum monere ut suas res sibi habeat, meque misum faciat. Denique licet nulla me attingeret cognatione, non possem tamen non amare ejus electionem. Ad hæc Acherunticus ille senex: Illum quidem, mi nepos, si tu vidisses, non dicturus sis quæ modo dixisti. Mihi quidem gratissimum accidit, atque etiamnum tacita voluptate animus meus perfunditur, quod temeritatis ab ipso pœnas sumere licuit. Numquam ipsi, credo, magnis familiis sese miscere post hæc libebit. Subjunxi ego, me illo ipso tempore Hispali apud matrem fuisse, nec parentibus meis alium præter me natum esse

*Divitia  
colum-  
nur, non  
virtutis.*

filium. Non ad invidiam quidem magnas, ad vitam tamen honestè sustentandam sufficientes opes à patre mihi relictas : quas etiam nunc mater mea solers admodum & frugalis femina non modo non imminutum, sed etiam augmentum eat. Hæc multaue alia quum illi lubentissimis auribus & animis accepissent, nemo erat ex omnibus qui non comiter honoratiorem locum quamvis non minus comiter reluctanti mihi daret, de via decederet, assurgeret, beatum denique se mea amicitia & familiaritate putaret. Tunc ego, penitissime rerum humanarum vanitate perspectâ, sic mecum cogitabam : O summam mortalium vanitatem ! quantis tu studiis eos qui bona utuntur fortuna colis & prosequeris ! quam cito, quam turpiter eosdem, ubi paululum illa tergum obverterit, destituis ! Illud quovis oraculo verius puta, à plerisque omnibus eos amari, eos juvari quos utiles rebus suis fore putant. Hinc est quod perversissima ratione diviti nemo quisquam quidquam negat ; pauperis & miseri necessitatibus nemo succurrat. Ferri id poterat in Ethnicis divinorum præceptorum ignaris. At nos qui Christianæ luce doctrinæ illustrati sumus ; quibus paupe-

*Paup-  
res ju-  
vandi.*



res ipse Salvator voce & jussu suo tantopere commendavit, quid in extremo illo judicio respondebimus, quando nihil aliud nisi Charitatis è vera Fide profecta opera in rationes venient? quando id quod in pauperes expensum est, Salvator ipse sibi acceptum feret? Quamquam profecto ii qui pauperes non modo non juvant sed etiam oderunt atque averfantur, etiam contra ipsius Naturæ legem peccant, quæ illud jubet ut quod nobis fieri velimus, alteri faciamus; & quod nolimus, ne faciamus. At quis omnium est mortalium qui, ubi necesse, non juvari gaudeat? Sed demus hoc humanæ imbecillitati, præsentia tantum, non futura intuenti. Suadeo tamen ne sua sibi religione vel quacumque fide nimium placeant qui oculos animosque à pauperibus avertunt. quos manifestæ impietatis seu atheismi D. Apostolus Joannes convincit, quando negat ab iis Deum diligere, quem non vident, à quibus proximus negligitur, quem vident. Me quidem quem mendicum ante tamquam inutile terræ rejectamentum despiciatui habuerant cognati, nunc furtivis opibus superbientem velut idolum quoddam adorabant. quam vanitatem non minus vana ostentatione mirifice ego alere studebam. Coëmptis

*Decipit  
splendor.*

vasis aliquot argenteis inauratis magni precii, epulum cognatis meis & amicis instruo magnificum admodum, in quo vel Apicius nihil desiderare posset. Ablatis mensis secundis, in lusoriam descensum est arenam: in qua quum multarum palmarum victor non exiguam pecuniam ad me traxissem, statim quidquid id erat inter eos quos visum erat, stitribui; luculentius quoddam lucrum consecretans. O si me tum illi nôssent, quibus modis, putas, excepturi fuerant tam occultas insidias struentem? Sed non levem pœnam erant meriti, qui eundem quem tum tantopere colebant, ante paucos annos ne teruncio quidem juvare dignati fuerant. Illud ego tacitus eis spondebam, splendorem hunc *Don* Joannis Gusmani olim eis majori futurum abominationi, quam squallorem & lacerum vestitum Gusmani Alfaracii. Et si vero nihil omitterent quod ullo modo gratum mihi fore putarent; ultionis tamen desiderium ingrata mihi omnia reddebat: ipsumque pectus meum ceu gravidæ feminæ stomachus plenum erat fastidii, quod tamen miro studio & arte celabam. Consilia interim cum Sajavedra tam varia quam astuta machinabar; occasionem tantum expectans. Frustra consultat qui consulta exsequi

*Odis  
vis.*

exsequi nec vult nec potest. Unum etiam rationibus meis non incommodum accidit, quod cognati mihi suadebant ut uxorem ducerem, primarii civis filiam, sed pauca cum dote. Conditionem ego nec aspernabar statim, nec accipebam: non ignorans hac spe suspensos insidiis meis multò fore opportuniore. Securitas enim periculo proxima.

## CAPUT XIII.

*Opimis onustus spoliis Gusmanus  
cum Sajavedra in Hispaniam navigat.*

**A** Pud plerosque omnes homines levius pluma est acceptum beneficium; plumbo gravior injuria. quam qui fecit; securus esse numquam debet. Abditissimis locis occulta latet Nemesis, quando minime putatur progressura, & provocantis tergo inhæsurâ. Frustra hic viribus suis confidit potens. Cum tempore res mutantur. Impactus ad parvum saxum currus evertitur. Nulla ad vindictam melior occasio quam offendentis securitas. Compluti morio quidam fuit Futtiglius nomine: qui à cane morsus, etiam sanato vulnere, saucium nihilominus dolore animi

*Accerimus & diacurmus sensus injuria.*

*Ulcionis  
studium  
Christia-  
no indi-  
gnum.*

num semper secum circumferebat. For-  
te fortuna illum ipsum à quo morsus  
fuerat canem ad ostium distentis pedi-  
bus recubantem videns, qui juxta ja-  
cebat, maximi ponderis lapidem tollit,  
& suspenso gradu accedens, in caput  
dormientis mittit. Ad lethalem hunc  
ictum cani miserabiliter velut ejulanti  
Futtiglius illudens, *Nesciebas tu, scelestes,*  
*inquit, ei qui inimicos habet non esse dormien-*  
*dum?* Vindictæ cupiditatem parum vi-  
rilis, nedum Christiani animi signum  
esse supra dixi: quamvis plerisque aliter  
videatur. hoc interim negari non potest,  
male & imprudenter facere eos, qui,  
licet malas hominum inclinationes o-  
ptime perspectas habeant, iis nihilomi-  
nus quos offenderunt temere fidunt.  
Tu vero, quisquis es (non hoc meum,  
sed Sapientis monitum) Inimico re-  
conciliato ne facile fidas. Utcumque si-  
mulet aut dissimulet, nisi solo Dei amo-  
re extinctus fuerit hic ignis, vel parva  
admota scintilla, in sævum erumpet in-  
cendium. Id ego in me ipso expertus  
sum: quem accepta illa jam olim injuria  
ad vindictam non aliter quam bestiam  
exstimulabat. Recte dixi, bestiam. be-  
stia namque est quisquis tam bruto af-  
fectu abripi se patitur. Mihi ante ocu-  
los semper obversabantur laryati illi  
dæ-

dæmones. concussione illa adhuc etiam  
 ossa mihi frangi videbantur. in primis  
 ipsum pectus mihi effodiebat teterrimi  
 illa senis patrui mei narratio, qua tam  
 graphice, tam jucunde infelicem illam  
 meam noctem repræsentârat: nec  
 aliud dolere sibi dixerat, quam quod  
 acerbior supplicio in miserum non  
 deessæviisset. O homines impuri, im-  
 pii, scelesti, nequissimi! Si pauper ite- *Pauper*  
 rum ac nudus fores vestras pulsassem, *ubique*  
 quibus lautitiis me excepturi, quali *jacet.*  
 viatico adjuturi fueratis? Has ego co-  
 gitaciones non semel animo ejicere sta-  
 tueram: sed quum subinde recurrerent,  
 collatis quotidie cum Sajavedra consi-  
 liis, technas comminiscebar assiduè,  
 quibus & dolorem illum meum cum  
 locuplete usura illis rependerem, & si-  
 mul meis consularem utilitatibus. In-  
 dies cognatorum mihi augebatur nu-  
 merus. Decrepitus ille Beltramus (hoc  
 ei nomen erat) nuptias meas magna  
 tractabat diligentia. Quotidie aut vi- *Dives*  
 sitabam amicos, aut visitabar. Nulla to- *regnat.*  
 tâ fere urbe domus mihi clausa erat. Sed  
 & meum hospitium tam cognatorum  
 quam aliorum ludendi causa con-  
 fluentium cœtibus feruebar. In lusu  
 vincebam nonnunquam, nonnunquam  
 vincebar. una nox ita mihi faverat,  
 ut

ut circiter septem millia Regalium mecum asportarim. Hoc vulnere exasperati collusores, alteram pugnam insequentem noctem mihi indicunt. Ad quidvis paratus ego eram, ut cui cum Favello in Hispaniam navigare jam certum esset. jamque adeo triremem mihi conscendisse videbar. illa quidem nocte aliquantulum perdidi, tantum scilicet quantum ipse volebam: ut hac hamo imposita esca admorsicantes allicerem pisciculos. Paucos post dies venit ad me Favellus, totus tristis. Rogo, quæ tristitiæ causa. Ille, hoc unum ægerrime se habere aiebat quod propediem in Hispaniam sibi solvendum, meaque consuetudine porro carendum intelligeret. Nulla umquam gratior harmonia meis auribus accidit. Videbar mihi audire aromatarium illum dicentem ( *de quo in prima Parte* ) Ades dum Gusmane cum tua sporta, ut prædam hanc asportes. Inde secreto cum Favello sic loquor: Mihi quidem, ô Favelle, nihil est quod pluris faciam quam te tuamque amicitiam. Et certe tam virtutes tuæ quam amor in me singularis ita merentur ut nihil mearum rerum te celem. Sic ergo habeo: non me ullo civitatis hujus visendæ desiderio huc venisse, nec ullis deliciis aut illecebris tamdiu detentum; sed eo fine tantum

*Vide  
quā pul-  
cre occa-  
sione  
mali ad  
malum  
etantur.*

tum ut votum exsolvam , & quæ patri meo ab Hispano quodam hujus urbis cive olim facta est atrocis injuriæ ultionem expetam. Patri quidem meo occasionem senectus, deinde mors interclusit. Scis vero ipse quod judicium amicorum aliorumque qui ejus rei conscii sunt de me futurum sit , si isthac ætate, istis viribus juvenis tam gravem & damnosam injuriam non ulciscar. Quia autem fieri potest, ut ille , si quid tale senserit, vel amicorum favore , vel largitione & donis me conetur opprimere : id unum rogo atque oro ut clam mihi receptum apud te præbeas , & quibus necesse erit rebus præsto sis. Hoc uno beneficio hunc hominem tibi nexui mancipioque vindicare potes. Hæc audiens Favellus, multis precibus me obsecravit, ut provinciam hanc sibi relinquerem. Iis se devinctum mihi beneficiis ; ut non minus bona quam mala mea ad se quoque pertinere putet. Respondi, id sine probro meo fieri non posse. tantum animi ac virium mihi superesse ut ejusmodi injuriam ipse vindicare possim. Eam unam ob causam ex Hispania profectum. magnam ab illo mihi fieri injuriam , si existimaret vel manum vel consilium ad exsequutionem deesse. His verbis acquiescens Favellus, multo liberalius

*Tantum  
potest be-  
neficium  
vel exi-  
guum.*

ralius quam umquam antea pollicetur , omnibus se viribus , non cum fortunarum tantum , sed etiam honoris ac vitæ periculo salutem meam propugnaturum. imperarem tantum quidquid fieri vellem. Quinetiam, ait, per quidquid sanctissimum est me tibi obstringo, postquam semel pedem navi intuleris , me vivo vel totius Italiæ vires è manibus meis te non crepturas. Ago gratias quam humanissime , tanto magis quod ex animo loqui scirem : unice interim rogans ut ipsum diem quo triremes oram soluturæ essent, mihi indicare non negligeret , quo tanto tutius in exsequendis meis conatibus possem procedere. Constitutum inde inter nos, quibus rationibus sarcinulæ meæ Sajavedræ opera clam in triremem inferrentur ; ut ne quid nobis in mora esset. Digressus à me Favellus, penum non usitatis modo cibis , sed bellariis etiam & cupediis ita instruxit ac si Principem aliquem vecturus esset. Narro Sajavedræ omnia quæ cum Favello egissem. de iis quæ porro nobis agenda essent deliberamus. Utrique visum fuit , optimum fore id ultionis genus quod & maxime tutum & nobis profuturum sit. Stulti, inquit Sajavedra, ferro se ulciscuntur. Corporis enim vulnera cito sanantur : at qui crumenæ infl-

*Quæ ul-  
cio  
maxime  
doleat.*



infiguntur ictuum sensus æternus est ;  
 ut quorum memoria etiam nolentibus  
 occurrat. Ex inde ego cæpi aream con-  
 cinnare , laqueos & retia tendere. Jubeo  
 Sajavedræ, ut quatuor emat cistas plane  
 unius & ejusdem tam formæ quam ma-  
 gnitudinis : quarum duæ in triremem  
 inferendæ & quem designaturus Favel-  
 lus esset loco collocandæ essent. Duas  
 illas alteras, ajo Sajavedræ, tu lapidi-  
 bus ita implebis, ut nullus eorum sonus,  
 etiamsi eversæ aut per scalas dejectæ  
 fuerint, audiatur. Sic, nemine præter  
 te conscio, impletas, in hospitium meum  
 deferri curabis ; operamque dabis ut eo  
 singulæ sint pondere quod conveniens  
 sit, in universum vero centenas libras  
 non excedant. Addo multa alia quæ  
 fieri vellem : quæ tamen ille omnia me-  
 lius quam ego intelligebat. Inde pa-  
 truum meum Beltramum adeo, inter a-  
 lia ajo, vereri me magnopere, ne ab-  
 sente me, sarcinulis meis, præsertim  
 duabus cistulis, quibus pecunia mea,  
 lapides preciosi, catenæ aureæ, vasa ar-  
 gentea, atque adeo maxima pars  
 fortunarum mearum asservabatur,  
 insidiæ struerentur : quibus expi-  
 latis, ad incitas me redactum iri. Ille,  
 Tua, inquit, solius culpa hæc est,  
 mi nepos, Ubi domus mea est, ibi  
 alio

*Hospi-  
 tiorum  
 fides.*

alio tibi hospitio opus non est. illud  
 quidem in quo diversaris, unum ex  
 optimis est totius civitatis: sic tamen  
 statuo, nullum in toto Mundo bonum,  
 nedum optimum esse, id est, tale ubi  
 res tuas secure & tuto asservare possis.  
 Nec mirum tibi videri debet, si senex  
 ego te juvenem hac in re admoneam,  
 ut scil. iter faciens semper tecum portes  
 seram aliquam pensilem, qua cubiculum  
 ab hospite tibi assignatum, quotiescum-  
 que exieris, obseres: siquidem plerum-  
 que vel hospes, vel mulier, vel alius  
 aliquis è domesticis alias habent claves  
 ad aperiendum aptas. Quod si quidquam  
 amisisse te questus fueris, hospes ultrò  
 tibi litem intentabit, teque ex actore  
 reum constituit. Quare omnino ti-  
 bi consulo, præsertim si magni precii  
 sit quod tecum habes, ut id tuto aliquo  
 deponas loco. In hospitio non hospes  
 ab hospite tutus est. Licet vero facile  
 animadvertam tibi tamquam juveni  
 non placere apud me senem, ut verum  
 fatear, aliquanto morosiores diversari:  
 poteris tamen quidquid visum fuerit  
 rerum tuarum tuto in meis ædibus de-  
 ponere. Tu, si me audis, in hospitio non  
 plus argenti aut pecuniæ relinques, quam  
 quotidianis usibus tuis sit necessarium.  
 Hac oblatione mirum in modum ex-  
 hilara-

*Similis  
 gaudet  
 simile.*

hilaratus, gratias ago maximas, & ille  
 lætari mihi videbatur tanto thesauro  
 quem in suis ædibus esset habiturus. Vi-  
 derat enim jam ante vasa mea argentea,  
 catenas aureas, annulos, numos: quos  
 ego sic promere & explicare noram, ut  
 semper majorum divitiarum facerem  
 suspicionem. Ex hoc in alium, nempe de  
 nuptiis meis sermonem delapsi sumus:  
 quas omnibus modis persuadere mihi  
 conabatur. Aiebat, non quidem nimis  
 maturè, sed nec nimis sero uxorem du-  
 cendam. Senum matrimonia orphano-  
 rum esse seminarium. non tam volupta-  
 tem quam commoditatem in hac re spe-  
 ctandam. Etiam à fidelibus ceteroqui  
 servis & domesticis rem heri nonnum-  
 quam arrodi, adeoque consumi: præser-  
 tim si vel amoribus, vel lusui, vel hellua-  
 tioni operam dare cœperint. Hæc alia-  
 que multa de matrimonii commoditati-  
 bus, de ejus in quo viverem status diffi-  
 cultatibus & incommodis differentem  
 non semel libido fuit interpellare, & ro-  
 gare, ut suam ergo mihi filiam nuptui  
 daret: quod legeram philosopho cuidam  
 à nescio quo responsum. Hem! cogita-  
 bam apud me: Homo hic numquam  
 uxorem duxit. cur ergo tibi persuadere  
 velit ut ducas? nimirum, credo, monstri  
 quid alit. sed ut scirem melius fuit. In-  
 tre-

*Celibati  
 in in-  
 commo-  
 da.*

*Sic docet  
beare a-  
micos,*

terrogo, quænam illa & qualis sit quam nuptam mihi cuperet. Ait, de matris suæ esse prosapia, nobili ortam genere, sed pauperulam: quem tamen defectum formæ supplere possit elegantia, cum decentissimis moribus conjuncta. nec uxorem modo, sed filiolum quoque eadem operâ mihi conciliaturum; cujus patrem ajebat fuisse nobilem quendam & primarium civem, qui promisso matrimonio irretitam deceperit, alia post uxore ducta. Matrem habere, feminam prudentem valde & solertem, maxime in educandis liberis; quam non minus quam propriam matrem charam mihi fore speret. Ego lætum vultum animumque simulans nihil aliud respondendi, quam omnes spes meas opeque me fidei ipsius commendare; nec displicere posse aut debere quod ipsi placeret, à quo persuasissimum haberem me filii loco amari. Sed ecclesiastico quodam gaudere me beneficio: quod in materteræ meæ filium transferre jam ante constituerim eoque hac in re nihil mihi præcipitandum. Mihi quidem conditionem illam mirum in modum allubescere, ut cui unice in votis sit vitam meam apud ejusmodi cognatos qui consiliis & auxiliis mihi numquam defuturi essent, transigere.

Hæc

Hæc dum colloquimur, ecce Sajavedram. quem ut vidi, passum unum & alterum retrocedens, aurem quasi magnam aliquid nuncianti applicui. Quum ille nescio quid insusurrasset, exclamo: Quid tu ergo; ille non minus clara voce, Quid aliud responderem, ait, quam, Fore uti peteret. Male, inquam ego, fecisti, mi Sajavedra. Scis tu non me Romæ jam esse, aut Hispali. Numquid insipientia est promittere te id quod ipse, ne si velim quidem, præstare possim? Sed quia id factum: agedum, ponderosorem illum torquem arcum ad eam defer, dicque meo nomine, Commodare me quod præ manibus sit. utatur eo. nec petat à me quod non habeam. Excusationem pro tuo temperabis arbitrio. Tum Sajavedra, Ergo, inquit, bajulum conducere mihi necesse fuerit, qui tam grandem & ponderosam catenam deferat. Ego, Fac, inquam, quod facere te iussi. Vel potius ad tabernam aurifabri defer pigneris loco. Ab eo dein petere illam jube quod placuerit. Quod usuræ nomine debebitur ego præstabo. Quod si catenæ seu torquis premium non suffecerit, adde è theca illa, quam scis, non illa altera, gemmarum aliquid quantum satis sit. Certe aliam rationē non video qua stultam illam tuam in prmittendo

*De corrupto  
pacto  
rem ge-  
runt.*

*Quam  
pulcre!*

facilitatem emendate queam. Horum omnium sermonum arbiter patruus, Ecquid, ait, mi nepos, pigneris est de quo loqueris? Mi patruc, inquam: Scis heris sæpe famulorum, lucendam esse stultitiam. id quidem mihi jam accidit. Degit hac in urbe Castellana quædam prænobilis femina; quæ in eo jam est ut nuptias cum Equite ejusdem nationis celebret. Uterque, sponsus & sponsa, mihi noti sunt. utrique (etiam debere me fateor,) lubens bene faxim. Rogavit me illa ut suis opibus apud externos destitutæ succurrere, & mundum muliebrem ad decenter peragendas nuptias procurare velim: quarum dies tam prope est, ut quasi impossibile mihi sit tam ipsius, quam meæ voluntati satisfacere. illud male me habet, quod fungus iste tantum non sapuit ut me excusaret ea in re quam sciebat sine incommodo à me præstari non posse. sed credo ego hunc potius priusquam illa me compellârat, ultro, me nescio, operam meam obtulisse. neque enim verisimile est, feminam prudentem ab homine benevolente quidem, non minus tamen apud externos quoque agente, tale quid petere ausuram. verum enimvero quia aliter existimatio mea conservari nequit, age tu, fac quod illa

illa voluerit. Pessimo letho emori malim, quam ullum vilis & genere meo indigni animi indicium præbere. Tum senex: Ne feceris, mi nepos, ut tantilla res negotii tibi aliquid aut curæ facessat. Ibi locorum nunc es, ubi nihil tibi deesse potest. Respondi, Id mihi quoque esse persuasum: nolle me tamen cuiquam molestum esse; maxime quum nesciam quisnam cognatorum hac in re commode juvare me queat. Esse quidem mihi non contemneñdam gemmarum copiam; sed eas loco movere mihi quasi religioni ducere. nec omnia omnibus locis & personis apta aut decora. ille quieto me esse animo jubet. se cum reliquis cognatis sedulo effecturum ne quid quod vel ad usum meum vel estimationem pertineat, desit. Digredientem *Hiac* monet, ut si ita mihi videretur sarcinas *corvus.* meas domi suæ extra omne periculum asservandas mitterem. Egi iis verbis gratias, quæ ad id quod agebam essent appositissima, quæque maxime simplicis & sinceri animi facerent fidem. In hospitium reversus, duas illas cistas lapidum, sed non valde preciosorum plenas, ternis seris, ita factis ut sine fractione non nisi legitimis clavibus aperiri possent, munitas, per bajulos, comitante Sajavedra, ad patruī ædes deferri jubeo:

*Sane  
erant  
lapides.*

cui tam onustus tanti thesauri , ut putabat , portatores videnti , non supercilium modo , sed & ipsa præcordia saliebant. Depositis eo quem monstrârat loco sarcinis , Sajavedram rogat , quæ res in cistulis illis inessent. Respondet Sajavedra, Res esse magni precii, & magnam facultatum heri sui partem , sed maximi omnium precii lapides esse quosdam raros admodum , quos herus suus multo labore quacumque iter fecisset,conquisierit , & hætenus non nisi paucissimis inspiciendos dederit. Dimissus à sene cum diligentis custodiæ promisso Sajavedra, & in hospitium reversus, rem omnem , & maxime senis vultum, oculos, gestus mihi exponit : uterque vero ad instar columbarum gutturi-zantium & rostra inter se conferentium, & paleam & similem materiam colligebamus, è qua nidum construeremus. Et variis quidem inventionibus tota illa nox nobis transacta fuit : quarum multas, tamquam chimæras, statim damnavimus , in plerisque vero illud , *Non liquet*, usurpandum, & consilium è re nata capiundum censuimus.

*Aries ad  
alterum  
admone-  
tur opi-  
dum.*

Jam senex ille patruus meus ha-mum vorârat ; tanto minus quidquam fraudis suspicatus , quod futu-ram illam sponsam meam non raro adi-



adirem, meque vehementer eam amare fingerem. Erat alius quidam, nescio quoto gradu itidem cognatum se mihi ferens, ætate juvenis, opulentus, sed cautus valde, & ad rem non minus quam senex ille, attentus. Scelus nobis videbatur hunc intactum relinquere, ne aliis de mea fraude postea conquesturis solus stultitiam exprobare, posset. Vix orto sole trugulam quam in hunc injiceremus, adornamus. Sajavedræ trado duas cistellas, sub pallio deferendas, sic inter se similes ut discerni non possent (quarum uni catena aurea, alteri spuria & orichalco, utraque à me Mediolani empta, inclusa erat) mecumque ad cognati illius mei domum proficisci jubeo. Surrexerat jam ille; sed adhuc vestiebatur. quod ubi mihi à familia dictum fuit, abitum fingo, post prandium reversurus. interea è famulis quidam ei indicârat me adesse, sed iterum abire. quo audito, ille vehementer indignari, exclamare, increpare omnes quod me rectà in cubiculum non deduxissent. Sic revocatus; post mutuam salutationem & quæ in congressibus adhiberi solent ceremonias, dum vestitur. variis de rebus cum eo colloquor. inde in coenaculum

lum deducor ! ubi ille me interrogat ,  
 quid mihi vellem tam matutinus. Re-  
 spondeo , ideo me venisse ut bonum  
 ejus diei sumerem auspiciū , cui præ-  
 terita nox non admodum fuisset jucun-  
 da. illud vero quod rogatum te volui  
 est , inquam , ut unum è famulis tuis ,  
 cui cor sapiat , vocari cures ; cujus opera ,  
 cum bona tua venia , in meo negotio  
 utar. Ad campanulæ sonitum advolant  
 duo vel tres. tum quemdam Stephanum  
 nomine ad se vocans , jubet ut manda-  
 tis meis præsto esset. Hoc te rogo , in-  
 quam ego , mi Stephane , ut cum Saja-  
 vedra aurifabrum aliquem adeas. & pon-  
 dus ac precium seu valorem ejus catenæ  
 quam Sajavedra huc detulit , exquiras.  
 Statim porrigit mihi cistellam Sajave-  
 dra. resero , catenam inde depromo :  
 quam bono illi mirifice placuisse , ex  
 ipso vultu aliisque gestibus facile potui  
 conjicere. sumit ipse in manus , artem  
 contemplatur , miratur pondus , adeo-  
 que dejerat vix umquam sibi vel artifi-  
 cio similem vel pondere parem visam.  
 Dum illi aurifabrum adeunt , variis de  
 rebus , de nuptiis præsertim meis ser-  
 monem habemus. Reversi scedulam  
 afferunt aurifabri manu subscriptam ,  
 precium seu valorem catenæ esse sex-  
 centum quinquaginta trium scutorum

*Opificio-  
sam ca-  
tenam.*

Castellanorum, paullo plus. Petenti mihi Sajavedra illam arculam in qua adulterina erat, porrigit. Promo, inspectam aliquandiu repono, & arculam claudio. inde sic ajo: Amplius aliquid est, mi cognate, quod petere à te velim. Jam aliquot noctes cum primariis hujus urbis Nobilibus seu Patritiis ludendo, pro more tam vestræ gentis (nescio quam laudato) consumsi, varia fortuna, uti solet, fere tamen semper meliori. Eorum aliqui nuper à me non contemnendâ summâ emuncti, vadium me ad plurium horarum lusum obstrinxerunt. quod quum sine probro nec ausim nec velim deferere; fortunam interim non nesciam mire inconstantem esse, & tam facile jacturam quam lucrum objicere, non velim, ut quando maxime fervet lusus, numis ego, sicque omni spe damni resarciendi unâ destituar. Apud patrum quidem deposita habeo circiter quinque ducatorum millia: sed ea vix attingere audeo. est enim Romæ mihi negocium, ad quod conficiendum illis ipsis mihi opus est. & litteras tantum Hispali exspecto: quibus allatis, extemplo Romam mihi eundum, & solutio quibus debetur facienda est; modo illud beneficium, cujus causa hoc ipsum iter mihi susceptum fuit,

fuit, mihi aut uni ex cognatis meis sal-  
vum velim. Melius ergo facturum me  
putavi, si iis quas non paucas habeo  
ex auro & argento rebus ad necessita-  
tes meas uterer, ita tamen ne vendam  
aut alienem. Eo fine catenam hanc au-  
ream mecum attuli; cujus precium, au-  
rifabri testatur manus. Nunc illud tan-  
tum rogatum te velim, ut clam, (ne  
mihi res hæc apud alios pudori sit) sex-  
centi ducati in pignus hoc tua opera  
concilientur: quos ego, seu damnum seu  
lucrum ludendo faciam, unà cum usura,  
statuto qui videbitur termino, red-  
dam. Addidi, in simili quadam occa-  
sione me alibi apud mercatorem quem-  
dam vas argenteum inauratum pigne-  
ris loco deposuisse; id vero interea tam  
male tractatum fuisse, ut receptum, si-  
ne pudore mensæ non adhiberi posset  
ministerio. ne idem vero in catena ac-  
cideret mihi cautionem esse: eoque ro-  
gare, ne in alienas manus pervenire eam  
finat. Graviter ille, se ferre simulat  
quod pro tantula re, uti loquebatur, pi-  
gnus offerrem. sed ego manum oper-  
culo incutiens, arculam claudio, sic-  
que clausum ei trado, protestans num-  
quam me quos petieram numos rece-  
pturum, nisi ipse pignus apud quem sci-  
rem æque tuto atque apud meipsum ad-  
ser-

servari. quumque nemo exploratum habeat quamdiu victurus sit, æquum esse ut in omnem eventum indamnus ipse præstetur. Amicabilis hujus contentionis is tandem finis fuit, ut recepta ad se catena, negotium hoc meum præ omnibus curæ sibi fore promiserit. nec fides promisso defuit. eo enim ipso die inter prandium venit quidam ex ejus ministris, in sacculo sexcentos ferens ducatos: quos quum mihi tradidisset, jussi hero magnas meo nomine agere gratias. Vix ille abierat, ecce herum ipsum intra hospitii limen, rectà ad me sese inferentem. Parum aberat, quin metu fuerim exanimatus. Certe in omnibus meis venis vix gutta sanguinis reliqua fuit. neque enim cogitare aliter poteram, quam arculam apertam, & fraudem deprehensam, coque venire ut nondum traditos numos ministrum domum reportare juberet, aut traditos, à me peteret. Collecto tandem animo, in occursum propero, vultumque ejus lætum & hilarem conspicatus, frustraneum meum metum deprehendo, tanto certius quum ille amantissimis verbis, quidquid in sua esset potestate mihi offerret. Aiebat, aureos illos ab amico sibi commodatos ad usuram, sed parvum hoc fore damnum. Ad hoc ego verbis

quidem respondi, Parvam rem esse, pignus & sorte & usura tam parvi temporis longe esse melius: tacitus vero sic mecum cogitabam: Atqui damnum hoc multo majus tibi futurum est quam velis. Dum hæc & alia loquimur, adveniunt collusores; & post dictam salutem & quæ solent in ejusmodi fieri congressibus, à Sajavedra chartas poscunt. quibus allatis, conflictus oritur acerrimus, quo aliquamdiu spectato, abit cognatus meus, bonam mihi fortunam comprecans. Quia vero propediem discedere mihi constitutum erat, tam arte mea, cui fortuna insuper non parum favebat, quam Sajavedræ indiciis ita usus sum, ut paucis horis quindecim Regalium millia ad me traxeim. neque enim tum tempus erat flores, sed fructus potius colligendi. Distribui aliquid inter adstantes; Favello autem, qui paullo ante intervernerat, quinquaginta ducatos dedi, quibus dicere poteram quasi mancipium à me emtum. Dilapsis collusoribus, Favellus mecum secedens, indicat, proximam Dominicam, intra quatuor scilicet dies, profectiōni esse destinatam. Ego tam maturæ & propinquæ messi falcem mihi quacumque possem immittendam ratus, omnibus illis qui reliqui erant diebus nihil aliud egi quam

quam quod litteras ad cognatos meos  
 misi, quibus nunciabam constitutum  
 mihi esse postridie proximæ Dominicæ  
 sponsalia celebrare. quod ut tanto ho-  
 norificentius à me fieri queat sperare me  
 opem ipsorum quam sæpe promisissent,  
 mihi non defuturam. non tam frequen-  
 tia onera estate à formicis in caver-  
 nas, aut apibus in alvearia, quam ab ami-  
 cis in cellam meam quam in hospitio  
 habebam, comportabantur. Certe pu-  
 dorem nonnumquam fingebam, di-  
 cens, quæcumque illa fierent, tam  
 meritis quam expectatione mea longe  
 esse majora. In primis senex ille  
 patruus meus, præcipuus matrimonii  
 hujus, uti putabat, actor, cimelia  
 aliquot, collare, cingulum, pennam  
 ad pilei ornamentum, aliaque id ge-  
 nus tam exquisita partim dono partim  
 commodato mihi miserat, ut precium  
 aliquot ducatorum millia excederent.  
 Sic quum biduum fere muneribus acci-  
 piendis consumsissem, sequens biduum  
 (tot enim dies mihi ad discessum, nu-  
 ptias scilicet meas, mihi restabant) visi-  
 tandis amicis & gratis agendis impen-  
 di. interea missa mihi dona etiam ipso  
 Favello inscio, in navim comportata,  
 cistis quas ibi habebam includebantur.  
 Tota die Dominica sequenti hilarem

me omnibus præbui, ut nuptiarum propinquitate lætari viderer, sub vespere-  
 ram hospiti ajo, Abire me ad quorundam Nobilium ædes, ubi lusorium con-  
 dictum sit certamen, quod si in mul-  
 tam lusus noctem protrahatur, forte  
 me ibi pernoctaturum, si quidem lusus  
 ante lucem finiatur, venturum tamen  
 Sajavedram, si ejus ministerio mihi opus  
 non sit. quidquid foret, cubiculi mei  
 curam haberet. sic domo egressus, &  
 hospiti pro eo quod debebam duas ci-  
 stas non preciosorum, sed montanorum  
 lapidum plenas relinquens, per amfra-  
 ctus ad litus proficiscor, in quo Favellus  
 me exceptum in triremem deduxit; tan-  
 ta in me usus posthac semper comitate  
 quantam optare vix quisquam ausit.  
 Roganti quomodo negotium illud  
 meum (de vindicta) successisset, dixi me  
 per occasionem omnia ipsi expositu-  
 rum. Cenatum inde Favellus cubitum  
 me deduxit. & quamvis omnia tam  
 abundanter quam commode ad meum  
 usum essent instructa, fugiebat tamen  
 diu somnus ab oculis meis, menti sem-  
 per obversantibus quæ designaræ faci-  
 noribus. tandem curis lassus, in somnum  
 delabor: quum interea triremis, solu-  
 ta ora, multum in altum processisset,  
 me ne minimum quidem strepitum sen-  
 tien-



tiēte. Tandem in cubiculum meum irrumpit Favellus, nuncians Nolianum promontorium jam esse prætervectos: ventumque ita favere ut speret intra paucos dies in Hispaniam nos appulsum iri. Sed non semper ridet fortuna: immo sæpe quanto magis propitiam sese dat, tanto majus malum confidentibus machinatur.

In toto hoc meo itinere hoc unum scire cupiebam, quis post discessum meum sensus fuerit cognatis meis, quæ mens, quis animus. Jam videbar mihi videre hospitem meum effractis cistis lapidum conspectu tamquam Gorgone obstupefcentem, adeoque ipsum ferè in petram conversum. Jam circumcursantes mihi videre videbar cognatos meos, ad nuptiarum solemnia me quærentes, ac non invento, inter se mussantes, & mihi quid acciderit sententiis discrepantes. Dixerit hic: quid si à maleficis hominibus seu sicariis interceptus, & rebus omnibus, etiam vita spoliatus sit? Alius: quid si forte ab ipso famulo clam sit interfectus? Alius: quid si paullum aliquò secesserit, tantum ut si male de ipso judicemus, tanto meliori jure postea id nobis exprobrare possit. Sed credebam eos maxime ad veritatem accessuros, qui existimaturi

V 7

essent,

essent, *Don* Gusmanum nequam fuisse, & impostorem, & cum cognatorum adscitiorum exuviis aliò terrarum abiisse, & forte cum classe Hispaniensi vela in altum dedisse. At proculdubio nemo omnium erat qui plus sapere sibi videretur quam patruus meus, ut quem penes omnes meæ essent divitiæ: ille vero cujus in custodia tam perciosa erat catena, etiam lucrum fecisse sibi proculdubio imaginabatur. Sed inspectis omnibus, & deprehensa veritate, Deus bone, quot cruces digitis efformasse, quoties cœlum suspexisse, quantas exclamationes edidisse censes! Poterat tam hospes quam patruus meus è petris illis seu saxis tumulos sibi construere: alter vero ille conatus catenæ se appendere, & longam literam ex se facere. Hem, sic datur! Illud unum non erraverim, credo, si dicam in mente & ore omnibus fuisse: O scelestum & maledictum ventrem qui tantum PICARUM, Lavernionem, tenebrionem peperit! Sed discedimus nos, manent illi. Poteram illis tum dicere quod Toleti quidam cæcus ad alterum: Valet dum alter alterum rursus videat,

## CAPUT XIV.

*In Hispaniam navigans Gushmanus adversa tempestate vehementissime jactatur: cujus vi alienatis sensibus Saja-vedra in mare se præcipitat.*

**T**Am prospera hucusque usi fuermus navigatione, ut altero post die in conspectu nobis fuerit Massilia. inde eodem vento proVectis sub posterioris diei vesperam Hispania nobis apparuit, magna cum omnium lætitia; quæ minime fuit diuturna. Tum enim aër obtenebrescens è densissimis nubibus inusitatæ magnitudinis guttas effundere, ventus vero in contrariam plagam vertere cœpit. Simul cum aëre vidisses obnubilatas omnium tam nautarum quam vectorum mentes: nec fere quisquam erat quin atrocem tempestatem vel prævideret vel præfagiret. Conveniunt naucleri & nautarum magistri. consultant. sed increbrescente vento, ad suum quisque officium dilabitur. demittitur majus velum, adstringuntur antennæ, tota navis à puppi ad proram, robustissimis funibus vincitur, Vectores,

mili-

*Mari  
nulla  
fides.*

Vide 1.  
Ænei-  
dos.

Vana so-  
latia.

milites, etiam inviti jubentur ad stationes suas & cubicula descendere, ne nautica impediant ministeria. Tunc demum ego Virgilianam tempestatis descriptionem, quam puer legeram, recte intellexi. Adstabat clavo fidelissimus gubernator, vitam citius quam cum amissurus, hunc plerique de periculi magnitudine, de spe salutis nostræ percontabamur; ejusque verbis tamquam oraculo habebamus fidem. Vide humani ingenii cæcitatem. nemo fere erat quin verbis ejus, etiam contra animi sententiam loquentis, plus fidei quam suis ipsius oculis tribueret: quibus nihil aliud quam plurima mortis imago undique se repræsentabat. Mendacium nos pro solatio accipiebamus. Quid enim ille verum dicendo nos ad desperationem redigeret? Medici quoque de ægri salute rogati, spem semper faciunt, & Bene omnia fore dicunt. post mortem scilicet. Memini sæpe illum in hæc verba erupisse: *Ne timete. nihil quidem hoc est.* Et sane nihil illud erat præut alia quæ mox sequuta sunt. Sic cum sævissima tempestate luctantibus aliud supervenit infortunium, dum navigium quoddam de classe in pippim nostræ triremis ita impegit, ut ipsum clavum, in quo uno, post Deum, spes nostræ salu-

salutis sita erat, excusserit. Majus hoc erat periculum quam quisquam nostrum sentire proterat, gens tamen nautica duobus ad puppim accommodatis remis, clavi vicem studebat supplere, ac nulli omnino parcebat labori ut se nosque conservarent. Quid tibi ego dicam quæ durante illa tempestate viderim, quæ audiverim? Sed tacere melius est. nec tu Lector, fortè ita maris expertus es quin tale quid ipse videris. Hoc modo per totam noctem jactata navi, manecum sol & ventus mutavit, & fluctus conquiescere cœperunt; & pavore omni in lætitiâ converso, melior spes nobis alluxit. E duobus mortis periculis magis semper timetur id quod est propinquius: quod alterius vitandi tanto major spes sit quanto plus temporis superest: cujus vel unicum momentum magnas adferre solet mutationes. Ad me quod attinet, non tam naufragii me terrebat periculum, quam ille metus ne in portum unde egressi eramus rejiceremur. quid enim tum me futurum erat, in tam infamibus sceleribus deprehenso? In Favello quidem spes erat: sed sciebam & hominem, & unum modo esse, & aliis subesse. O quam lubenter sæpe, dum maxime sævit tempesta, exclamasssem: Ego Jonas ille sum, cujus de-

*Qui  
tempus,  
vitam  
habet.*

*Saiavedra exitum.*

delictum vos affligit. vobis mare non placabitur, nisi me, velut hostia, in medios fluctus abjecto. Saiavedram tale invaserat fastidium & nausea ut in febrim inciderit; ac mox alienatis sensibus, delirare cœperit. Miserum simul & ridiculum erat videre quæ extra se ille faciebat, quæ loquebatur. Reliquis in summo periculo peccata sua confitentibus, cum lachrymis & votis Deum obsecrantibus, unus ille altissima voce exclamabat: Ego umbram sum seu anima Gusmani Alfaracii: ego umbra illa sum, per Mundum peregrinans. Hæc ego audiens risum tenere non poteram, non minus tamen timebam ne ille facinora mea, quorum fere omnium erat conscius, detegeret, quamvis id sine noxa mea fore existimarem, ut quem desipere omnes scirent: nec quisquam in tanto periculo nugis ipsius ausculta-  
bat. Vitam meam nihilominus quasi totam narrabat, multa addens quæ vel ipse fecisset vel ab aliis audivisset. Si quem audiret quemcumque locum visitandi religione sese obstringentem, eum locum se quoque visitasse, totum denique terrarum orbem mecum se obiisse dicebat. Quid multa? tantas nugas deblaterabat, ut vel mortuo risum facere potuerit. Tranquilliore jam cœlo ac  
mari,

mari, cubitum mature omnes concedimus, priorum dierum defatigationem, labores & curas quiete restauraturi. Circa medium noctis nautarum unus qui excubias agebat, exclamat, hominem in mare decidisse. accurritur, inquiritur. Sajavedra nuspiam comparet, cui quum subveniri amplius non posset, ad ultimum bene precati sumus. Et Favellus & plerique alii in me consolando multum ponebant operæ, magnum dolorem simulante: sed ut verum fatear, læo propemodum, ut cui posthac nemo facionrum meorum conscius timendus esset.

---

### C A P U T X V.

*Barcinone Gusmanus Salamancam proficiscitur. Ibi Statuta cujusdam novantiquæ Fraternitatis edocetur.*

SEcundo inde usi vento, navim quamvis laceram & clavo remisque fere destitutam Barcinonem appulimus. Facta exscensione, Favello valedico, Hispali proficisci me simulans, ad exsolvendum votum quod D. Virgini, quam de Valle vocant, duranne tempestate fecerim.

*Consci-  
entia  
vis.*

rim. Valde ille discessu meo dolebat. sed quid faceret? nec manere ibi diutius ego volebam; nec comitari ille me poterat. O quam gravis, quam irrequieta res est mala conscientia! nullum horæ vel momentum securus eram, metuens, ne cognati illi mei celoce ad me persequendum missa, æternæ infamiæ tam astutum lavernionem manciparent. Tribus ego comparatis jumentis, quorum unum me, altera sarcinas meas veherent, novoque conducto famulo, iter non quò dixi, sed quò securitas suadebat, meum direxi. Sed priusquam iter mecum ingrediari, aliquantulum philosophari lubet. Circumforanei, qui mendaciis quæ dicunt, volunt habere fidem, fontem, lacum, metallum, arborem, herbam, lapidem, aut denique scriptorem aliquem, Plinium puta, Galenum, Avicennam, Rasm, & infinitos nescio quos barbaros, multo tamen magis barbarè ab ipsis citatos, tamquam testes allegant. Pulcrum factum! Mentiuntur ipsi. mendacii testes laudant eos qui testes esse non possunt. Contra ego faciam. non mentiens, dicam mendacium. sed auctorem do Apollonium Tianeum. ille si mentiatur, ego mendacium dico. Ait, vidisse se lapidem Pantauram nomine, omnium aliorum lapidum regem: in quem unà cum

*Pentaur-  
ra lapis.*



cum solis radiis omnium aliorum lapidum virtutes influant, & idem quod in illis operentur. Et quemadmodum magnes ferrum, ita lapidem hunc omnes alios ad se trahere, nec venenum tamen quod in se habet affricare.

Pentaurā quid est? opes, divitiæ: in quibus omnes omnium aliarum rerum virtutes inveniuntur. elementa vincunt omnia, ima terræ eruunt viscera, stagna, atque adeo maria scrutantur, excindunt rupes. Quid tam excelsum est quod non dejecerint? quid tam humile quod non exaltarint? quid tam difficile quod non facile reddiderint? quæ tanta fuit calamitas cui illa remedium non invenerint? quod tantum periculum quod non averterint? quid illæ umquam expetierunt quod non consequutæ sint? quam legem posuerunt cui omnes non obedierint? Et quamvis non minus venenosæ sint quam ipse tot testibus celebratus, à nemine, credo, visus basiliscus, cujus vel aspectus homines necare dicitur: in seipsis tamen non minus efficax habent antidotum: licet eo paucissimi recte utantur. Ipsæ quidem divitiæ in se nec bonæ sunt nec malæ, sed prout animus ejus est qui habet. Et quemadmodum Chamæleon (de Polypo pisce idem ferunt) ejus cui adhæ-

*Divi-  
tiarum  
vis.*

ret

ret rei colorem assumit : sic divitiæ virtutem aut vitium à possidentis affectu. In Arcadia lacum esse perhibent naturalium rerum scriptores, cujus aquam qui noctu biberint, in morbum incidant; qui die, sanentur. eodem modo qui per tenebricosas & fraudulentas artes, quales sunt quæ divinis mandatis & proximi charitati repugnant, divitias corrādunt, se suamque salutem eunt perditum : qui vero in luce, id est, per bonas & licitas artes thesauros sibi colligunt, habent unde & sibi & aliis sine ullo conscientiae vulnere, bene facere queant. Non damnant divitiæ divitem, nec pauperem salvat paupertas. quisquis utrovis male utitur, in damnationis est periculo. Non est dives qui divitias accumulare non cessat; nec pauper qui cupiditatibus torquetur. Veræ & genuinæ divitiæ sunt quæ etiam quum habentur, contemnuntur : quæ necessitatibus, non voluptatibus inserviunt: quæ cum bonis communicantur, & inter amicos distribuuntur. Variis modis divina providentia dona inter homines divisit. his fortunæ, illis corporis, aliis animi bona est elargita. Felicior est pauper sua sorte contentus avaro divite. Illi præsentibus utenti nihil deest : huic etiam deest quod habet, sed quid dico, habet?

*Quis  
vere  
diver.*

habet? non habet divitias avarus, sed ab eis habetur. illi nihil parum, huic nihil satis est. Me vide. Mendicus fueram olim pannosus, squalidus. jam dives sum, multa millia habens in oculis, precioso vestitu superbus, onustus cingulis. & pejor tamen multo quam umquam ante. Diligentem me fecerat ante paupertas & sollertem; nunc arrogantem & superbum faciunt divitiæ. Si mea sorte acquiescere voluissem, & cupiditatibus meis moderari potuissem, nihil defuturum erat unde honeste possem vivere. Nunc quum neutrum facerem, ipsa mea pecunia tam corpori quam animo meo infinitos labores & pericula creavit. Eram instar rotæ quæ aquam hortis infundit, plena semper, subito iterum inanis. Pecuniam cruciabiliter acquisieram, eandem parvi faciebam, custodiebam indiligenter, & male quæsitam, pejus perdebam. immò me ipsum.

*Pecunia  
est ut quis  
vivat.*

Barcinone propere egressus (ne deprehensus flagitiorum darem pœnas) viam, comitante aliquantisper Favello, Hispalim versus ingressus, mox aliud iter Salamancam versus institi; securior aliquanto, ob mortem Sajavedræ, quem solum inter mortales facinorum meorum habueram conscium. Mea  
crant

erant jumenta, quamvis non meâ pecuniâ emta; novitius erat famulus, artium mearum plane ignarus. Sic ire mihi licebat quacumque vellem, & quacumque me pedes ferrent. hodie hic, cras in Gallia, ut dici solet. Cavendum autem sedulo mihi putabam ne in quocumque loco diu commorarer. Cum vestitu indies quasi personam mutabam. Hoc modo totam illam provinciam pervagatus, Salamancam tandem perveni, urbem cum multis aliis nominibus, tum maxime bonarum artium studiis celebratissimam. Hic dici non potest quam multa animum meum & admiratione & singulari voluptate perfuderint. unum tamen prima fronte valde durum atque absurdum mihi videbatur: quod jamjam narrabo. Per urbem ambulans, forte conspexeram viduam quamdam juvenculam, mira formæ & morum venustate præditam, nobilem quoque & divitem, uti ex habitu & aliis argumentis conjectabam. Restiti. Curioso & amoris indice oculo me contemplantem contemplatur ipsa quoque. Facile illa Cupidinis sagitta ictum me sentiebat. Sed nihil animadvertere se simulabat. ego intexam tamquam hirundo ædes illius circumvolare non cessabam: quod illa nec ægre ferre nec valde gratum habere mihi.

*Ocium  
amoris  
fauces.*

mihi videbatur. Saucius eram, vulnus  
tamen ostendere non audebam, nisi  
fatuis illis oberrationibus. Tandem  
quum fatuitatis meæ pertæsa timidita-  
tem mihi ipsa exprobrare & sic animo  
secum cogitare videretur: Quis hic est  
tam magnifice sese inferens, & tam cu-  
rioso oculo tamdiu me contemplans  
ardelio; forte mutus est, aut ex Pytha-  
goræ disciplina. jam duæ horæ abierunt  
quum ille oberrans fenestræ adstantem  
me hic detinet, oculis tantum loquens,  
tacente lingua. Ubi ergo abeuntem vidi,  
ad fores eam observare (exituram enim  
rebar) gradum conferre & comiter al-  
loqui decrevi. Spe frustratum me vi-  
dens (nuspian enim tum postea com-  
parebat,) in hospitium redeo: & captata  
opportunitate, ne id agere viderer, ex  
hospite percontor, quid illa mulieris es-  
set quæ in tali platea (alias simul adde-  
bam notas quibus illam posset noscere)  
habitaret. Ait ille, Viduam esse facie  
venustam, nobilem genere, divitiis tam  
suis, quam à marito relictis opulentam,  
prudentem insuper supra sexum; & mo-  
destam. Quid quæris? hoc tanto elogio  
oleum igni sentiebam additum. Pergo  
quærere: Quum tallis sit, quid causæ est  
cur non iterum nubat? Quam facilis enim  
in tam florida adhuc & lubrica ætate,

*O stul-  
tam  
curiosi-  
tatem.*

*Vidue  
lebrico  
in statu.*

libertate gaudentis feminæ est lapsus ! Respondet ille , secundas illi nuptias admodum fore damnosas , ut quæ altero post die ea omnia amissura sit , quorum ex mariti testamento , per totam vitam , quamdiu in viduitatis statu permanferit , usum fructum habeat. Hic ego exclamavi : ô duram legem ! ô rigidam clausulam ! quanto rectius fecisset ille quisquis fuit maritus , si , quod in Italia plerumque solet fieri , opimum aliquod legatum ei reliquisset , iterum nubenti dandum. Hac quidem ratione melius & viduæ pudicitia & defuncti mariti honori consuleretur , dum legitimis nuptiis turpium amorum ansæ præciduntur. Quum multa hanc in sententiam dicerem , ille , Mi domine , inquit , scis cuique regioni suas esse consuetudines. Plura scit stultus ac plus sapit in domo sua quam sapiens in aliena. Talem consuetudinem mihi nequaquam probari , malis moribus lumbos frangendos , nec legem dicendam cujus fundamentum non sit recta ratio , replicanti , respondet ille , Finem hujus consuetudinis esse non utne iterum nubant viduæ , sed ne post maritorum mortem paupertate ad infamiam adigantur. Hoc ego responso minime acquiescere poteram : sed apud animum meum cogitabam , quidnam rei esset

esset femina. Mihi sic videbatur, nihil aptius & verius de hoc toto sexu dici posse, quam Feminam necessariam esse malum. Malum non sunt quæ malæ non sunt. Sed ubi istæ? Sed ne tamquam Pentheus Bacchis me obiciam; suas eis virtutes non invideo. meas nunc recensabo: quæ nec pauciores nec minores erant quam Tabacci. Dum hospes, facetus alioqui & disertus homo & variis de rebus mecum loquitur, linteolo è caligarum pera exprompto nares contracto in triremi frigore plus solito fluentes extergo: inde quod extraxeram, uti plerique solent, in ipso linteolo contemplor. Id quum vidisset hōspes, ut erat homo dicax, alta & terribili voce exclamat: Fuge, fuge domine mi. absconde te quantum potes. Miscellus ego, qui velut capo deplumatus & ustulatus nihil aliud exspectabam quam ut veru infingerer, uno saltu post lecti cortinam me proripui, viatorem cum lictoribus adesse existimans. Ille quod malæ conscientiae erat, simplicitatis argumentum interpretatus, multo cum risu ait, certum jam sibi esse, podagra me non laborare. simul hortatur ut prodirem. nec enim magnum esse periculum nec grave damnum in quod me ipse coniecissem. non semel postea miratus sum quod de

*Ut timet malam conscientiam.*

fenestra non me præcipitârim. Adeo facinorum meorum conscientia & instantis supplicii metus pectus mihi percussferant. Prorepto tantum non exanimis: vultum nihilominus, quantum poteram, alacrem fingo, ne suspectum me facerem. Rogo, quid rei sit. *Duos ille* poscit à me solidos. depromo numum Regalem, eique objicio. quem quum ille lætus recepisset, quæro quid sibi vellet illa postulatio. Ait, Procurationem cujusdam xenodochei à nescio quibus sibi demandatam, jussumque ut ab hospitibus in leges delinquentibus multam exigeret. eam quando jam ego solve-  
rim, posthac, ubicumque futurus essem, immunem fore. Ego, inquam, mi frater, quia pœnam jam lui, culpam mihi ostendas æquum est; à qua si purgare me, nunc quidem, nequeam, in futurum tamen cavere mihi possim. Ille, Quia, inquit, nihil dubito quin unus sis è non multis, si pauxilli moram temporis ferre potes, leges amplissimæ Societatis, quas penes me habeo, ex ipsis tabulis tibi recitabo. numus ille viatoris est, & tui in Societatem hanc adscripti ætoramentum. Reversus, magnum secum affert librum; quem Matriculam esse ajebat eorum qui huic Societati nomina dedissent.



## CAPUT XVI.

*Statuta Societatis seu Confraternitatis Moropoliticæ.*

**I**Nde meo rogatu sic legere cæpit :

Nos Ratio, suprema rerum omnium domina, nullius subjecta imperio, &c. considerantes plurimorum mortaliū fatuitatem, & stultitiam & peruersitatem, indies latius se diffundentem & profundiores agentem radices: ne quid inde humani generis Respublica damni capiat, modis omnibus providendum nobis existimauimus. Quem in finem visum est eos omnes qui contra nos nostrumque imperium peccare deprehensi fuerint in unam quasi Civitatem seu Societatem adscribere, & certis quibusdam adstringere legibus: quas in omnibus & per omnia sancte atque inviolabiliter volumus ac iubemus observari.

Quoniam vero ad tuendas leges & administrandam justitiam magistratuum tam majorum quam minorum opus est ministerio: hac in civitate pro Prætoribus seu iuridicundo Præfectis constituimus *Politiam, Curiositatem & sollici-*

extra pallium manibus, parietes quæ eunt, digitis velut depingunt seu delineant: eos Societati huic adscribi, semestres vero interea dum resipiscant, assignari; intra quod si non resipuerint, tunicam eis croceam viridis coloris fimbriis prætextam, cum pileolo ejusdem coloris argenteis tintinnabulis sonoro dari, & tamquam professos, Ordini adscribi jubemus.

Qui dum vel pila vel quocumque alio ejus generis ludo ludunt, postquam pilam aut globum jecerunt, corpus ita inflectunt uti cadere pilam vel globum currere volunt: qui item dum aliquid vident ex alto dejici; necnon qui dum malis utuntur instrumentis quibus ægre facere possunt; quod faciunt, os distorquent, linguam exserunt, aut alios deformes edunt gestus, hos omnes in Fratrum album seu matriculam referri volumus.

Qui famuli aliquò missi moram impatienter ferentes, vel ad fenestras vel ad fores currunt ac prospiciunt, persuasi forte tanto illum celerius venturum, eos errorem suum agnoscere & emendare jubemus. quod si non fecerint, magistratibus contra eos jure & legibus agendi jus esto.

Qui dum alii chartis ludunt, chartas

quas illi habent ociose contemplantur, easque mutatas volunt, etsi mutari non posse sciunt, atque ita seipfos cruciant, Societati huic adscribuntor. quod si causam aliquam seu excusationem allegent, à pœna quidem immunes sunt, magistratus tamen majores nostros venerantor, atque etiam eorum ædibus prætereuntes aperto capite honorem exhibento.

Qui ex alto sputum emittunt, exploraturi an ad perpendiculum constructæ sint ædes; aut qui certum sibi locum designant in quem sputum deiciant: eos errorem suum quamprimum agnoscere & emendare; sin minus, ut professos, Societati huic adscribi mandamus.

Qui iter facientes ex obviis percontantur quam longe absint ab hospitio aut loco ad quem contendunt, persuasi hac sua percontatione tanto citius quod volunt perventuros: eis pro pœna ipsius itineris, & quæ à mulionibus aut nautis exhibentur molestias imponimus: monitos interea volumus ut resipiscant.

Qui dum me junt, ipsa urina vel in muris & parietibus vel in arena & pulvere certas figuras describunt, aut scrobiculas excavare student, eos fatuitatis condemnamus, & magistratibus nostris puniendos tradimus.

Qui

Qui horologio sonante, horas non numerant; aut numerant, postea tamen statim quota hora sit quærunt, eos in civitatis hujus xenodocheum recipi & helleboro curari jubemus.

Qui vel ob avaritiam vel quamcumque aliam causam (necessitatem semper excipimus, quæ caret lege) in foro vilissimum quodque destinant & emunt, eò tantum quod vilioris sit precii, quum non nesciant multo pluris constare Medici operam & qui è corruptis seu malis cibis nascuntur morborum remedia: eos tamquam sibiipsis infestos damnamus, & supremo Fratrum ordini adscribi volumus. Quod si errorem suum corrigere noluerint, plebano vel sacellano ac vespilloni curam eorum demandamus.

Qui dum vel sub arborum umbra cubantes, vel stantes aut sedentes è nubi-  
bus prætervolantibus serpentum, leonum, aut quascumque alias figuras efformant, pro Sociis haberi volumus. illi vero qui utilitatis suæ causa Tauri, Arietis aut Capricorni signa domi suæ sibi effingunt, eos quidem à Societate non excludimus, privilegiis tamen quibus ea gauderit, tamquam indignos privamus.

Qui calceos, etiam holosericos, pallio

lio aut pileo deterferint aut expurgaverint, Fraternitati accensentor, & delicatiori vestitu ab aliis discriminantor.

Qui amicum diu non visum ita salutant: Ergo adhuc in vivis es! ergo in terra adhuc versaris! quamvis formula hæc nonnullis festiva videri possit, locum nihilominus eis inter cives seu socios hujus Fraternitatis dandum censemus: quum absurdum sit dubitare an vivus sit, quem vivum; & proculdubio in cœlo non sit, quem in terra vides. horū frontibus admirationis signum literis tricubitalibus inscribi volumus, quod illi quacumque eunt secum circumferant.

Qui à foribus aliquem quærentes, accepto responso domi cum non esse, replicant iterum rogando, Ergo domi non est? ergo exivit? eos in pœnam contumaciæ damnamus: ut qui accepto responso satisfieri sibi non patiuntur.

Qui impactis ad saxum aut lapidem pedibus, vel, ut accuratius loquar, pedum digitis, illud ipsum saxum aut lapidem torvis intuentur oculis, aut conviciis etiam & blasphemis proscindunt, fatuitatis rei peracti habentor: rectiusq; ii fecerint si offendicula ejusmodi tam ab oculis quam pedibus removerint.

Qui ubi nares emunxerunt; sordes illas in strophio non aliter ac si margaritæ

garitæ essent vel uniones, contemplantur, in Collegium hoc adsciscuntor, ea lege ut quoties hoc in genere peccârint, stipem in xenodocheum eorum qui incurabiles habentur, inferant.

Ad hoc caput quum legendo pervenisset, uterque in tantum risum soluti fuimus ut de loci prærogativa in hac Societate certare videremur. Quia autem infinita fere adhuc capita restare animadvertēbam; ego vero ante noctem, cujus jam aderant confinia, viduæ illius videndæ desiderio ardebam; subsistere hominem jussi, ac rogare cœpi, Ubinam illud Xenodocheum seu Hospitale esset: quæ vestigalia, vel quos reditus haberet: à quibus gubernaretur. Respondit ille, quum tantus sit ægrorum numerus quantum ædium etiam laxissimarum, immo maximæ Civitatis ambitus capere non possit, nec ulli statui aut certi reditus: totum Orbem terrarū pro diversorio eis assignatū. Ergo ubinam, inquam ego, prudentes degent, aut quò ibunt, ut ne contagione hac lædantur? Ille, communi, ait, ferri sermone, unum tantum inter omnes mortales esse quî ab hac contagione immunis sit, sed ad hanc ipsam horam, quisnam ille sit, adhuc nesciri: nisi quòd quisque illum ipsum se esse credat: quamvis ceterorum.

*Stultorum  
plena  
omnia.*

nemo sit qui credere id possit aut velit. Prodiisse nuper hominem Geometriæ aliarumque tam mathematicarum quam mechanicarum artium in primis peritum, qui omnes eos quos lues hæc non afflaverit, uni ovo, cum omnibus eorum facultatibus & fortunis, velit includere, & unicuique, tam laxam assignare stationem ut alter alterum ne contacturus quidem sit. Nugis ego tot tantisque offensus, Hæ, inquam, meræ sunt nequitie: quarum stabulum stultorum Xenodocheo magnitudine nihil cedit.

## CAPUT XVII.

*Gusmanus stultæ procationis pœnas dat, aureis aliquot nummis à puella emunctus.*

**D**ilata reliquorum capitum in sequentem diem lectione, novo ex elegantioribus meis sumpto vestitu, in publicum prodii, non aliter ac si Strapes aut regni essem Megistanes me inferens. Tum quidem ita mihi placebam, ut fortunam meam, seu conditionem necum Principis quidem statu fuexim permutaturus. In bivio quodam con-

sistenti



sistenti duæ occurrunt mihi puellæ; quorum una corpore & habitu decora nihil *Cave, cave*  
vulgare præ se ferebat; altera hujus ancilla videbatur. Saluto. non resalutant modo illæ, sed & ipsæ consistunt. Appli- *ve seā.*  
co me. nec illæ fugiunt. Jam illa altera me ita rapuerat, ut occultus in animo meo ignis accenderetur. Polliceor multa, & miras delicias facio, ut solent amantes. nec minus liberaliter illa pollicetur. Invitatus occasione (erat enim locus fere solitarius, jamque cœlum obtenebre scebat) dum suaviolum, & reliqua quæ amantes amant auferre ab ea conor, pugnans illa tamquam quæ vincere nollet, mira agilitate crumenam, in qua aurei aliquot erant è caligarum facculo mihi extrahit ac surripit, præ voluptate nihil sentienti. Quid enim sentiat homo cujus memoriam & mentem omnem cupiditas quasi obsessam & constrictam tenet? Hanc prædam illa nacta, verbis amantissimis rogat ut missam faciam, ac si mihi placeret, expectem jamjam redituras. Tum, inquit illa, poteris tu domum mecum ire: ubi facere tibi licebit quodcumque animo tuo collibuerit. Audies tunc me tam argutis digitis fides tangentem, simul tam suaviter accinentem, ut suaviorem vocem non audisse, & doctio-



*Aman-  
tibus  
nihil  
grave.*

*Ad  
Anti-  
cyras.*

rem manum non vidisse proculdubio dicturus sis. Ceterum quum genus mihi sit in primis honestum, & fama adhuc integra, nolim me ita in publico tecum confabulantem videri: quem ego non meo tantum, sed etiam omnium seminarum amore dignissimum judico. His dictis fidem habens, illam omitto, paulo post, ut mihi pollicebar, totam habiturus. inde ad monstratum ab illa me confero locum; ubi per tres horas continuas quasi in eodem steti vestigio, nusquam pedem amovens, ne certis signis, quæ mihi dederat, vocanti in mora essem. Tandem passum unum & alterum hac illac facio; quocumque vero ibam, aut ubicumque consistebam, duarum illarum formarum velut phantasmata oculis meis occurrebant. Quidquid audiebam, jam illæ mihi sputare, jam screeare, jam aliud aliquod signum mihi edere videbantur. Sed per eas quidem mihi ad multam usque lucem expectare licuit. Suspiciens ergo me ab eis, interea forte apud alios amoris operam dantibus, deceptam, indignabar quidem, non tamen vehementer: dum cogitarem mecum, si interea quid aliunde mihi fuisset objectum, id me quoque accepturum fuisse. sed & fontica causa à vadi-  
monio excusari forsitan posse opinabar.

Post-

Postquam designatæ ab illa mihi domus  
fores signo notassem, abii quò me fors  
vel potius voluntas mea ducebat. mox  
reversus, quieta omnia, & ne vivi quidē  
hominis signum deprehendi. Exspe-  
ctavi nihilominus aliquantisper, jam  
huc jam illuc oculos convertens, & tuf-  
si, sreatu, pedum strepitu præsentiam  
meam significans. tandem per tene-  
bras puellam è fenestra prospectantem  
videre mihi visus sum. accedo propius.  
loquor quæ amantes, vel stulti potius  
solent. Ait illa, non esse quam existi-  
mem. se ancillam esse, & quidem me-  
diastinam. qualis qualis fuerit, tam fa-  
cunde, tam amanter mecum loquebatur,  
ut bihorium fere me verbis, licet ina-  
nibus detinuerit; licet vix momentum  
mihi videretur. Sed ehei! (quid enim  
in tam gravi scilicet re exclamare non  
libeat?) dum pessima puella nugas me-  
cum conserit, canicula multo illā peior,  
ab illa fortè emissa, per foramen ostii  
prorepat, tantosq; edit latratus, ut omne  
sermonis commercium nobis interclu-  
serit. quæro lapidem, quo pessimam  
bestiolam vel abigerem, vel effugerem.  
per caliginem video nescio quod ni-  
grum tuberculum muro adsitum. lapi-  
dem esse arbitrabar: sed è molli conta-  
ctu errorem meum statim deprehen-  
di.

*Nulla  
calami-  
tas sola,  
scilicet!*

*O deli-  
catum  
amato-  
rem!*

di. erat enim non lapis, sed ex illo lactu-  
catum genere quod pueri opidani mu-  
ris, rustici sepibus adplantare solent.  
dum unguentum hoc excutio, manum  
in ipsum impingo murum dolorem sen-  
tiens, ad eum levandum, ut fieri solet,  
digitos ori infero. cujus facti me statim  
pœnituit. miror sane tum me omnia in-  
testina non exspuisse. ut tam delicatum  
bolum extegerem, strophium seu su-  
darium quæro. sed nec hoc nec crume-  
na inventis, scelestissimam illam puel-  
lam exsecrabar, tanta accensus indigna-  
tione ut oculi ex ipso velut capite mihi  
prosilirent, non tam ob jacturam quam  
fetorem & tam oris quam vestium in-  
quinationem. Quum interim pessimus  
ille canis latratu persequi me non cessa-  
ret: clausa fenestra abijt puella; ego sic  
unctus ad hospitium revertor. Quò ubi  
veni, famulū excito, & duas situlas aqua  
plenas haurire jubeo: in quarum una  
manus, altera os ablui, ac frequenti fri-  
ctione pæne excoriavi. Cubitum eo: sed  
dormire me non sinebat tam recens sini-  
stri ac fœdi eventus memoria. Hinc,  
cogitabam, tam docti illi sunt digiti!  
certe si fidibus pulsandis tam dextri sunt  
ac sollertes quam surripiendis loculis,  
vix Amphioni illa aut ipsi Orpheo con-  
cesserit. Quamvis autem tam miseris  
modis

modis ludificatus omnem amorem animo ejicere & cautius posthac mercari statuissem: recurrebat tamen statim tam pulcrarum, ut mihi videbantur, formarum, tam mellitorum verborum memoria. Cum Plautino illo adolescente, nullam animi mentem habebam. ubi eram ibi non eram. ubi non eram, ibi erat animus. Ita mihi omnia ingenia erant. quod lubebat, non lubebat jam id continuo. Ita me amor lapsum animi ludificabat, fugabat, agebat, appetebat, raptabat, retinebat, jactabat, largiebatur. quod dabat, non dabat, deludebat: modo quod suasit, dissuasit; quod dissuasit, id ostentabat. neque, nisi quia miser non ibam pessum, mihi ulla aberat perditio perniciēs. Cum Medea dicere poteram:

— *video meliora proboque,*

*Deteriora sequar :*

Inter hanc animi carnificinam inter alia sic mecum cogitabam: Hem! si tantulam fraudem ( si modo fraus fuit ) tu tam ægrò fers animo: quid illos quos tu non ita pridem tam nequiter & tam damnose decepisti, sensuros puta? inde ad alias cogitationes dilapsus, sequentis diei actiones, non illas serias quidem, sed mere vanas, mecum disponebam: quo vestitu vellem me induere; utrum torquem, majoremne an minusculum collo-

*Cissellaria  
Actu  
2.*

*Bonum  
remedium  
obliviscendarum  
injuriarum.*

cir-

circumdare ; quas plateas obire ; quibus verbis , quibus donis amorem mihi , si quæ forte objiceretur occasio , conciliare. In primis illa cogitatio animo meo occurrebat : Quid si cras in puellam illam incidas quæ tam dextre auro te emunxit , quid illi facturus es. An manum injecturus ? nequaquam. An ablatum repetiturus ? Multo minus. Quid ergo ? an gratiam ejus & amorem iterum captaturus ? Minime. Quem ergo in finem ( ad id enim me stimulabat cupiditas ) cam investigabis ? Sollertes manus seu digitos jam expertus , an voci quoque decipiendum te præbebis ? Abeat potius illa. in crucem fruatur rapto. Sed cur irascor ? An lupo agnus aquam turbavit ? Aurum , argentum , uniones , gemmas in Italia à te surrepta vix licet validum jumentum possit vehere : & tu ob tam paucos numos miserâ illam perditam cupis ? cui procul dubio ipsa necessitas seu inopia quidquid hujus fecit , persuasit. Equidem postea quotiescumq; & hoc & alia mecum recordabar , non potui hominum deplorare perversitatem , tam graviter etiam minimas offensas ferentium : cum quibus si pari jure Deus velit agere , omnibus momentis omni pœnarum genere cruciarentur.

Albescente jam cœlo somnus demum  
mihi

mihi obrepſit : quem ad ipſam uſque *Omnia*  
 meridiem produxi. A prandio egreſſus, *ſperat ;*  
 viduam illam video fenestræ adſtātem *omnia*  
 & manus lavantem. Optabam miſer, *tentat*  
 ut illæ ipſæ guttæ quæ de manibus i- *Amor.*  
 pſius cadebant, in pectus meum deſtue-  
 rent, ignemque quo ardebam ſi non  
 exſtinguerent, mitigarent ſaltem. Con-  
 ſiſto in angulo quodam è regione, &  
 amore ebriis oculis Venerem meam  
 contemplor. illa ubi me vidit, dum an-  
 cillis gutturnium, pollubrum, mantile  
 reddit, ſubridens neſcio quid loquitur.  
 me ſermonis fuiſſe materiam inde ani-  
 madverti, quod prolatis extra fenestras  
 capitibus ancillæ non minus curioſe me  
 contemplantur. Tanto favore, ut in-  
 terpretabar, lætus, jam mihi totum hoc  
 negocium conſectum putababam. Pal-  
 lio infra dextram axillam demifſo &  
 convoluto, pileo ad alteram aurium de- *Hui*  
 preſſo, dextra manu lateri ſeu coxendici *quantum*  
 appoſita, ſiniſtra gladii tenens capulum, *Thraſo,*  
 elato pectore, paſſibus velut cribratis,  
 magnifice me infero ; nuſquam interim  
 ab amata avertens oculos. Illa velut im-  
 mota fenestræ adhærebat, oculis in me  
 pariter defixis. ridebant ancillæ for-  
 ſan ineptias meas. ego nihilominus  
 conſpectu meo lætari arbitrabar. Obam-  
 bulabant ibidem non pauci nobiles ado-  
 le-

lescentes, amorem viduæ captantes. sed, me iudice, nemo erat ex omnibus cui non aliquid deesset, nemo qui mecum comparari posset. quinetiam me unum maxime illi placere firmiter mihi persuadebam, tanto magis, postquam appetente jam nocte digrediens, me potissimum respicere, adeoque innuere mihi visa est. Reversum hospes sermonibus suis seu nugis oblectare satagebat; sed nulla re quam vanissimis cogitationibus me oblectans, jussi ut cenam pararet, quod mihi foris negotium esset. Cenatus, exeo ad eundem ubi illam videram locum. O stultitiam! Paullo ante videram illam abeuntem, vidi clausas fenestras: & tamen adhuc stantem ibi & pernoctantem imaginabar. nec prius discessi quam multa jam nocte spes ejus visendæ nulla superesset. Vix digressus, duas video adolescentum catervas, seorsim incedentes. nihil dubitabam quin idem illi agerent quod ego. decedo paullisper de via, sic mecum ratiocinans: Tu peregrinus es, illi cives. tu unus, illi multi. non illi eleemosynæ dandæ gratia huc veniunt. Qui nam sint, quid rerum hic agant, tu nescis. Quid facies nunc si probe illi te depectant, aut etiam interimant? Cave tibi, Gusmane, cave. Quin tu domum redis,

*Optima  
cautio.*



& sarcinas tuas custodis. magis id è re tua fuerit. Sic tacitus ad hospitium revolans, noctem eam jucunde admodum & bona fide dormivi. Nihil est quod amoris affectum magis discutiat & abigat quam phantasmata ejusmodi seu nocturnæ visiones. Certe hæc una viduæ illius amorem mihi expectoravit. omnium vero tutissimum remedium mihi visum est pedum via: coque sine ulteriore mora abire inde decrevi.

## CAPUT XVIII.

*Narrat Gusmanus quid Madriti sibi acciderit, à femina iterum turpiter deluso.*

**M**Adritum profecturus, Complutum prius visere statui. nec sine causa, frequentiores urbes adeundas mihi censebam, ut in magna vel civium vel Studiosorum frequentia tanto melius latere possem. Alliciebat quoque ipsius loci amœnitas, quæ tanta est ut major vix optari queat. Sane nisi Aulæ desiderium pedibus meis alas addidisset, non facile umquam è tam commodo, tamq; rebus omnibus tam ad corporis quàm ingenii cultum pertinentibus abundanti fueram discessurus. Sed cur ad fluvium,



*Omnia  
cum  
tempore  
mutan-  
tur.*

vium desiderem, quum mare uberem promittens piscatum me ad se vocaret? Veni ego Madritum. Quid quæris? Vix quidquam totius loci noram. ita erant mutata omnia. sed nec me quisquam. Clam de pharmacopola illo, qui me sportellario usus fuerat, inquirō. sed jam cum ipso omnis ejus memoria erat sepulta. Pueri in viros, viri in senes evaserant; senes erant mortui. totam totius quoque urbis faciem immutatam mirabar. Diverti apud viduam bene tractandorum hospitem valde gnaram. Totum otiduum intra hospitium me continui, sollicitè interim futuram meam vitam disponens. Sed vicit tandem vanitas. Ad centrum quasi meum revolutus, conveniens existimabam ut in regia urbe non minus quam alibi me ostentarem. eoque duas mihi vestes valde preciosas fieri curo: emo equum, venditis mulis, & alterum insuper famulum conduco. nam mihi persuaseram, sic me facilius gemmarum, quas mecum attuleram, emtores inventurum. Sic instructus & ornatus, non aliter ac Satrapes quidam per urbem magnifice me inferebam. Erat hospita mea non minus astuta quam amabilis: nec quidquam in me bene tractando omittebat. Ventitabant ad eam non paucae, tum cognatae tum notae. Inter

*Scipula  
facile  
ignem  
concepit.*

ter eas una secum aduxerat filiam juvenculam ; cuius elegante admodum forma captus, cœpi alludere, & amorem ejus variis modis captare. Sed quum crudam illa, immò crudelem sese ostenderet, non ignarus, donis (ut ethnici loquuntur) etiam deos flecti, paulatim eam magis propitam mihi & cicurem reddidi. sed magno amor hic mihi constabat: ut quæ jam hoc jam illud petendi nullum finem faceret. id vere tam subtiliter, tam ingeniose faciebat, ac si in PICARORUM schola mecum fuisset educata. Crocotam aliquando à me petierat è panno Damasceno undulato, serico subductam, & aureis fimbriis prætextam, quæ vænum prostabat, à me sibi emi petierat. Id quum nimium mihi videretur, abnuo; ut qui jam ultra centum scutatos ejus amori impendissem, amabam quidem illam; non tamen ita ut ejus causa ad mendicitatem redigi vellem. Repulsam hanc tam filia quam mater indignissime tulerunt, idque multis indiciis testatæ sunt: sed dissimulanda mihi omnia existimabam, abstinebant porrò à mea consuetudine, nec ego illas accersebam. Tandem cum ipsa mea hospita consilium ineunt, & pessimam mihi fraudem concinnant. Prudenti forte supervenit mihi Viator seu licitorum magister.

*Artes  
meretriciæ.*

gister. Eum conspicans, intra me dicebam: Hic, credo, Samson morietur & omnes qui cum eo sunt. Illicet, actum est. Gusmano exsequias ite quibus commodum est. De mensa exsilio. jubet Viator ut maneam. nihil capitale esse ob quod veniret. Totus in stuporem versus, nesciebam fugiendum mihi an manendum esset. jam fores, adeoque totam domum à lictoribus obsideri imaginabar. Quum ergo nulla spes esset elabendi, animum quantum possum recolligo. quid sibi vellet rogo. Multo cum risu ille scedulam è sinu depromit, qua ii Judices qui de causis violatarum virginum cognoscunt, mandabant manum ut mihi injiceret. Ea perlecta, exclamo: O perjuram, ô scelestissimam feminam! mentitur illa ut centum diabolorum milia. Ad Viatorem inde conversus per omnia sacra juro, quod mihi imputetur, falsitatem esse enormissimam & falsissimum testimonium. Subridens ille, Credere se, ait, quod ego dicerem. sibi nihilominus mandatum exsequendum. sumpto ergo pallio, secum irem, ni duci mallet. Hic ego verè lupum auribus tenebam: immò ad incitas me videbam redactum. Quid enim? an sarcinas meas tam preciosas in tali hospitio, in quo hoc ipsum quo implicitus tene-

tenebar rete mihi tensum fuit, relinquerem? sed nec novitiis famulis multum fidere, nec illi me juvare poterant; locorum hominumque ignari. Quod unum restabat, se voco Viatorem. per Deum obtestor ne me meamque salutem iret perditum: & monstratis sarcinis, Hæ solæ, inquam, mali mihi hujus sunt causæ. his à pessimis insidiæ struuntur. nec dubito ego quin absente me omnia in illarum prædatrices manus itura sint. Erat Viator ille homo non malus, modestus & mitis: & injuriam mihi fieri non nesciebat, ut cui adversæ partis ingenia & artes jam dudum erant explorata. Jubet ut bono sim animo. facturum se mei causa quidquid posset. Relictis apud me custodiæ causa lictoribus, partem adversam, quæ unà cum illo venerat, & in hospitæ erat cubiculo, adit. quid ego peterem, quid ipse vellet ostendit: ut nimirum lis hæc amice potius componeretur quam coram tribunali discuteretur. Quum sæpius ultro citroque comeans, illis nimium petentibus, nihil efficere posset, interminatus nisi æquiores sese præberent, nequitiam omnem se detecturum, & coram ipsis judicibus jusjurandum de innocentia mea daturum. Quid facerent? Litem male captam, multo

*Rari ta-  
les.*

pejus fundatam animadvertentes , ad ipsum Viatorem arbitrium deferunt : quem nec ego refutare audebam. Sic ille paciscitur, ut duobus Regalium milibus hanc ego vexam redimerem. Multo plus forte illæ sperârant : sed quia nihil sibi deberi sciebant , acquiescendum sibi putabant. Solutis numis , cum Viatore Commentariensem accedo , petens ut captura deleteretur , & annullaretur querela. Ducentis circiter scutatis tota hæc list mihi constitit. Jam omnis hora annus mihi videbatur , dum inviso mihi liceret exire hospitio , nec pedem postea intuli , nisi dum sarcinas meas exportari curo. ex eo tempore rebus meis consultissimum fore duxi , si proprias mihi ædes conducere. Cui fini indies supellectilium aliquid coëmere mihi satagebam. Possem multa dicere de usitatis inter impudicas feminas imposturis, quæ viator ille mihi, narravit. Sed manum abstineo, ne dum fraudes unius prodo, alterius dispalescat iniquitas.

## CAPUT XIX.

*Gusmanus ædificatâ sibi domo,  
uxorem ducit.*

**V**ix paucos dies in altero moratus  
hospitio, propriam mihi conduxì  
domunculam, eam quoque maximè ob  
causam, ut sine arbitris res meas mihi  
liceret agere. Primò omnium recen-  
sitis quasi, quæ Genua atque aliunde  
mecum adsportarem, cimeliis, collare  
ingentis precii (tribus ducatorum mil-  
libus à me æstimatum) quod patruus *Malitia  
provida.*  
nuptiali illo meo die utendum mihi  
miserat, rescindo, gemmas, margaritas,  
aurum, seorsim quidque pono. idem  
facio in cingulo, aliisque tam ornamen-  
tis quam vestibus, ex quibus verebar  
malæ aliquid suspicionis in me posse  
redundare. Aurum vero omne (eram  
namque artis hujus aliquo modo peri-  
tus) in virgulas conflavi: non sine da-  
mno quidem (in plerisque enim ars cum  
materiæ precio certabat) sed cavendum  
mihi erat ne raris illis artificiis meæ ar-  
tes proderentur. Inde pro gemmarum  
mangone me ferens è meis illis gemmis,  
margaritis, auro, monilia, inaures, tor-  
ques, armillas, spinteres idque genus

alia tam muliebria quam virilia ornamenta concinnari mihi curabam. quæ vendere non poteram, aliis, præsertim novis nuptis, feneri commodabam: sicque bono & honesto titulo quod alienum erat, meum faciebam. Quid multa? si maxime uberem & quæstuosam exercuissem mercaturam, non tantum lucri, certe non tam certi fecissem. Fides mihi non deerat, quia pecunia non deerat. sed usuram tuto, quam mercaturam cum periculo facere malebam.

Non procul ab ea in qua habitabam domo solum vænale erat, in quo nova exstruerentur ædificia. Emo tantum quantum uni domui ædificandæ satis erat. Ædes construo, & brevi tempore absolvo; non tam spaciosas quam ad usum meum accommodatas. Inde plurimorum in me conversi oculi: tanto magis, quod non luxum quidem, splendorem tamen & domi & foris præ me ferrem. Hinc inductus quidam e danistarum genere, cui jam antea simili mangonio notus eram, id unice agebat ut filiam suam in matrimonium mihi traderet. Sed quid? Annon stulti qui ignotis chraissima sua tradunt pignera? Sapienter monet nescio quis, ut si filiam nuptui clocare velis, vicini eam cloces filio, cujus genus, vita, mores jam ante pro-

proculdubio perspecti tibi sunt. Quid enim si extero? fieri potest ut hodie ille in domo tua sit, cras ad furcam ducatur, ob perpetrata alibi mala facinora. Accipio conditionem, tanto magis quod filia juvencula, tum formæ & morum venustate non inamabilis. Pro dote assignata mihi tria scutatorum milia. Quia enim socer meus rerum humanarum valde erat peritus, generum quærebat non tam qui pecuniam haberet, quam qui pecunia recte sciret uti. Quid ego tibi astutiam ejus commemorem? Ter ad minimum bonis cessisse, magnasque inde confecisse opes, ipse mihi postea fassus est. Quin etiam si quid tale mihi accideret, jam tum sibi & mihi prospiciendum putavit. Duas enim tabulas confici curavit: quarum una ego quater mille ducatorum debitorem ipse me faciebam; altera ipse debitum solutum sibi fatebatur. Alias quoque addidit: quarum una frater ipsius profitebatur se mihi annum proventum quinquies centenum ducatorum vendidisse. Et ne perfide omnino ageret Notarius, numi ab amico eum in usum commodati, numerati fuerunt. Ego contra aliis tabulis (Reversales hodie vocant) contractum hunc, utpote fictum, fraudi ipsi non fore cavi, hoc quidem,



dem, ut tanto plus fidei mihi in foro esset. Quum sic aliquamdiu negotiatus essem, interea vero incredibilem vim pecuniæ per luxum prodegissem, ac paulatim rebus meis dilapsis, vel potius à me dilapidatis, gravissimo ære alieno obstrictus, nec solvendo essem: advolant catervatim creditores, alter alterum prævenire studet. Sed jam socer quatuor illa ducatorum millia, quæ deberi sibi mentiebatur, aliis præcepta in tuto collocârat, nec minus frustra erant qui proventûi illi annuo manus injicere conabantur, quos Judicis opimo bolo correpti favore fretus, soceri mei frater nullo negotio refutabat. Me quidem in vincula duci nonnulli creditores jusserant: sed quum sumtuosam admodum litem paratam sibi animadverterent, plerique ita mecum pacti sunt ut trientem debitorum, & quidem toto decennio solverem, nonnulli etiam, impensarum tædio, & quod socer meus speciosis valde titulis quidquid haberem suum esse contenderet, ab omni actione desistebant; ita ut post septimanas aliquot carcere fuerim liberatus.

Quid quæris? tanti fuit & carceris molestias, & ignominiam (si modo ignominia est. certe apud multos non putatur) subire. Manserunt intra unguem  
meos

meos multæ pauperum facultates seu pecuniæ, quas illi fidei meæ crediderant. nec tamen fur aut latro audiebam. Tunc ego primum in hæc Mercurialis templi adyta à socero introductus, multa mysteria didici: sed unum hoc in primis, quam damnosæ & periculosæ sint tabulæ illæ quas Contraſcripturas vulgò appellant, quæ faciunt ut quantum quisque in bonis habeat, nemò ſcire poſſit. Sed quis illarum finis? inquis. Sic puto. Homines pauperculi, ubi animum ad Mercurialia applicuerint negotia, ſcientes veriſſimum eſſe quod Poëta dicit,

*Nonnul-  
lorum  
bonis ce-  
dentium  
malitia.*

*Quantum quisque ſua numorum poſſidet arca,*

Tantum habet & fidei :

cognatos, amicos, fidos ſibi homines rogant, ut dent, faciant, vendant, renuncient, conſignent aliquid ſibi in manus tamquam proprium, quo magnarum divitiarum opinionem, & inde fidem ſibi inter negotiatores concilient: interim iis quas dixi tabulis, iisdem de indemnitate cavent. hinc, ſi caute procedant, facile inveniunt alios, qui magnas, majores & maximas ipsis ſummas credant, ſi res bene cedat, eſt quod illis gratias agant à quibus primum illud, licet fictum tantum, acceperant benefi-

cium: si male, adsunt iidem, & eventus multo ante conscii, è bonis decocturientis quidquid possunt, primi sibi vindicant, deinde inter se partiuntur. Nonnulli quando solvere nolunt (nolunt, inquam. de iis qui nequeunt jam taceo) quod debent, aliquanto ante quam solutionis appetat terminus, res rationesque suas vendunt, aut sub alio prætextu tradunt in manus alterius, interveniente maledicta ejusmodi contra scriptura. evenit postea, ut ante solutionis diem debitor, à quo cautela, moriatur, verus interim creditor suum recuperare nequeat, dum ille qui ficti crediti larvam alteri induxit, Contra scripturam occultat, sicque totum illud sibi servat. Alii ut opimè dotatas uxores nanciscantur, undique quidquid possunt mutuo sumunt, proque suis ostentant. & facile quidem inveniunt qui mutuum præstent: post nuptias vero, non sumtibus modo domesticis, sed usuris etiam crescentibus, iidem quod suum est repetunt, sicque illum velut Æsopicum graculum quasi implumem relinquunt. Sed miseri illi, quem damnosius deceperunt quam seipsos? Hac enim fraude intellecta quem animum putas novæ nuptæ fore? Paucissimæ certe sunt quæ dotem suam mariti exsolvendis debitis im-

impendi patiuntur. & nec jurgia tantum hinc & contentiones perpetuæ, sed divorcia quoque nascuntur. Quibus omnibus incommodis occurri posset, si tabulæ ejusmodi seu contrascripturæ publica lege abrogarentur, & tam præsentibus quam futuræ irritæ esse juberentur.

## CAPUT XX.

*Narrat porro Gusmanus quæ sibi marito evenerint: deq; multis mulieribus pauca disserit.*

SEd cho! numquid desipio qui tam intricato labyrintho pedem inferam, cujus strophas & amfractus quasi per transfennam tum primum cœpi inspicere? Quanto melius fecissem, si jucundam aliquam fabulam tibi narraissem? Credo equidem hanc tibi magis placituram fuisse. sed non tam jucunda quam utilia persequenda sunt. nosse autem ejusmodi stratagemata in primis ad vitam conducibile puto. Ad rem. Carcere liberatus, ad instar ranæ illius Æsopicæ mirum in modum me inflavi, ac fere majores quam antea spiritus gessi: quamvis curtæ mihi supellectilis optime conscius reliqui aliquid mihi factum.

factum fuerat : sed multo minus illud erat quam voluissem , & quam mihi esset necessarium. Ad magnum onus ferendum magnæ vires requiruntur. Qui arenæ præaltas turres inædificant , tandem cum ipsa structura corruunt. Hec quam multis opus est iis qui matrimonio nomen dant ! Quanti sumtus in ipsas nuptias faciendi ! Videas nonnullos hoc uno ita rationes suas conturbare , ut sortem omnium suarum facultatum in periculum conjiciant ; & non diu post inopia circumveniantur. Qui emit quo opus non habet , vendere postea cogitur quo opus habet. Quid profunt homini mercaturam facienti tot tantaque cimelia cistis inclusa , quæ nec ipse , nec uxor , nec liberi , sine rubore in publico gestare possint vel audent ? Erat uxor mea delicate admodum à parentibus educata ; eas vero artes quæ matrifamilias necessariae sunt , parum edocta , somnum in multum usque diem producebat. Inde è lecto prorepens ad speculum se comebat , expoliebat , nec meis tantum , sed aliorum quoque oculis sese ornabat : rei domesticæ cura interim ancillis permissa. quod reliquum erat temporis , comessationibus , vicinorum visitationibus & infinitis aliis nugis consumebatur, Ego nihilo minus  
quam

quam illa bonus eram socius, sed malus paterfamilias. Monstratis à socero artibus multum lucri faciebam; quod tamen omne domi ab uxore, foris à me non minus turpiter quam acquisitum fuerat, profunde batur. O stultitiam, immò insaniam humani ingenii! Mille artes, mille modos comminiscebar quibus alienam pecuniam ad me pertraherem; pertractam tam nequiter perdebam, immo meipsum. Nam si illi qui magnas easque legitimis etiam modis acquisitas possident divitias, iis tamen non ad sublevandas pauperum necessitates, non ad charitatem proximi (quæ sola utramque divinorum præceptorum implet paginam) sed ad luxum aut Mundi vanitates abutuntur, gravissimas Deo olim rationes reddent, adeoque poenas dabunt: quid illis futurum putas, qui nequiter parta multo nequius dilapidant? Quanto cum animæ periculo accumulentur divitiæ, pauci sentiunt, ac fere non nisi in agone mortis. iidem tamen si verum fateri velint, quanto plus opum tanto plus curarum, laborum, anxietatum paratum sibi fatebuntur.

Sed audi, quod ego olim è concionatore quodam audiivi. Aiebat picturam sibi visam: in qua dives quidam epulo, mensæ exquisitissimo apparatu instru-

*Male  
part. 1  
male di-  
labun-  
tur.*

*Nimis  
scita pi-  
ctura.*

Etæ assidens depictus erat, assidente ad  
 dextram Thrasone, ad sinistram San-  
 nione. infra hos rusticus aratrum te-  
 nens. Prope hunc Mercator plenam  
 ostentas crumenam. inde sequebantur  
 Advocatus, Confessarius, Medicus, deni-  
 que Sathanas cum catenâ è linguis ho-  
 minum velut conferta. Diviti illi epulo-  
 ni adscriptum erat: *Hos duos ego sustento.*  
 Rustico: *Tres istos ego alo.* Mercatori: *Qua-*  
*tuor istos ego deprædor.* Advocato: *Quinque*  
*istos ego deplumo.* Confessario: *Sex istos*  
*ego absolvo.* Medico: *Septem istos ego occido.*  
 Sathanæ: *Octo istos ego concatenatos me-*  
*cum in infernum traho.* Nihil hoc ad bo-  
 nos. ad malos tantum. Tu si inter illos,  
 ne ringere, sed ride.

Ais, an ergo divitiæ malæ sunt: nequa-  
 quam. sed nec bonæ. qui divitias habet,  
 dives tantum dici potest: nec ulla prop-  
 ter eas laude dignus est, nisi iis recte  
 utatur. Sed quid ego vel pueris riden-  
 dum me propino? Hodie enim

*Quisquis habet numos, secura naviget*  
*aura:*

Fortunamque suo temperet arbitrio:  
 Vxorem ducat Danaen; ipsumque licebit  
 Acrisium jubeat credere quod Danaen.  
 Carmina componat, declamet, concrepet,  
 omnes

Et peragat causas, sitque Catone piror.  
 Iuri-

*Iuriconsultus PARET, NON  
PARET habetor,*

*Atque esto quidquid Servius & Labeo.  
Multa loquor. quidvis numis presentibus  
opta,*

*Et veniet. Clausam possidet arca Iovem.  
His moribus hodie vivi; hæc præce-  
pta inculcari, scio:*

*O cives, cives! quærenda pecunia pri-  
mum:*

*Virtus post numos.*

Sed fremant, frendant licet quantum  
velint numati illi Polyplusii: numquam  
efficient, nisi virtute insuper ornati  
sint, ut vel hilo meliores habeantur. In-  
strumenta virtutum esse opes possunt;  
virtutes esse non possunt: nec sollicite  
nimis quærendæ, nec stulte abjicien-  
dæ. Non inepte quidam rogatus quam  
dives esset, Nihil se debere respondit.  
O ter miseros illos qui in Danistarum  
manus incidunt! nulla gangræna tam  
cito, tam crudeliter corporis membra  
depascitur, ut usuræ opes quantascum-  
que. Magnum vectigal est parsimonia:  
quæ sera nimis infundo.

Fui ego non ita pridem dives. tam  
cito pauperem me factum ipse mirabar.  
Sed vitam meam replicanti facile totius  
mali fons & origo apparuit. Futuras  
meas actiones animo ordinabam sem-



etum insolubile; ita male contractum,  
 intolerabile est. Ad instar ruinosæ do-  
 mus est mala mulier undique perpluen-  
 tis: & quanto diligentior fuit & pruden-  
 tior in administranda re familiari, tanto  
 magis obbrutescit ubi à virtute discesse-  
 rit. Ad comminiscendum è vestigio  
 mendacium quid femina sollertius? Dici  
 solet, Deum esse aut bestiam qui vi-  
 tam vivit solitariam: ego vero jurare  
 ausim nullam solitudinem tam tædio-  
 sam tam molestam esse quam malæ mu-  
 lieris contubernium: quo qui uti cogi-  
 tur, næ ille cum bestiis vivere malit.  
 Quum uxorem ducerem; dives eram;  
 uxoratus, pauper. nuptialis ille dies  
 meus lætus fuit amicis; at reliqui omnes  
 in conjugio exacti mihi tristes & acerbi.  
 Absumtis repotiis, illi domum quif-  
 quæ suam iverunt, me domi meæ me-  
 diis in miseriis, quæ non multo post se-  
 quutæ sunt, relicto. Erat uxor mea non  
 tam liberalis quam prodiga. ego ad suf-  
 ficiendos sumtus, numquam inanis do-  
 mum redire audebam: unde non pauci  
 mihi commissi errores. ubi vero omnis  
 ille com meatus interclusus fuit, tantum  
 non insaniebat. quum nihil amplius  
 esset unde vitam sustentaremus, supel-  
 lectilia vendere cœpimus, quod illa non  
 ferens sic à mea consuetudine abhorruit,  
 ut

ut adspicere me non sustineret, non meæ blanditiæ, non patris monita, non cognatorum exhortationes in gratiam illius me poterant reducere. Pacem illa in nostra discordia, & suam quietem in mea inveniebat inquietudine. non ad communem mensam, non ad communem lectum veniebat. Quid multa? sic mecum vivebat ut viventem ac videntem excarnificaret. Sunt, credo, feminæ quædam quæ animi tantum causa, & vanæ cupiditatis explendæ nubunt desiderio; putantes forte idem esse matrimonium contrahere & domum conducere: quæ si commoda rebus tuis sit, bene sit: sin minus, facile adhiberi possit remedium. quodnam illud? divortium. cui impetrando qualiscumque occasio & duo falsa testimonia satis futura sint. Quod si mulier formosa sit & venusta. Sed, ohe! nihil addo.

*Divortia periculosa.*

Illud tantum Advocatos, Judices monendos censeo, ut ejusmodi in causis oculos aperiant & caute procedant. Qui enim sanctum hoc vinculum solvunt, quid aliud faciunt quam quod diabolo fenestram aperiant, & mariti honorem, nuptæ animam, & utriusque fortunas perditum eunt? Sed viderint illi. quid ad me? Equidem illud bona fide affirmo, nullam à me his dissidiis, his rixis, huic divor-

divortio causam datam : nisi sufficiens  
 causa sit , pauperem esse , quamquam  
 meam ego paupertatem ipsi huic meæ  
 superbæ uxori debebam. Sed quando  
 recte cogito, Deus, Deus erat, qui tot  
 tantaque mea delicta gravi quidem, il-  
 lis tamen impari pœna coercerat. Vul-  
 gatum est proverbium, Marito duos læ-  
 tos esse dies. unum quo uxorem do-  
 mum deducat: alterum, quo ad sepul-  
 crum domo efferat. pejus illud quod  
 etiam vivi uxoribus mortui sunt : quos  
 si post nuptias roges, quomodo se ha-  
 beat, quomodo gerat maritus, obturato  
 naso dicent, *Quatriduanus est. fetet.* Ah pes-  
 simæ! Cur lapidem quem vivo imposui-  
 stis, non devolvitis. Cur miserum va-  
 nissimarum vestrarum cogitationum &  
 desideriorum linteis insutum non sol-  
 vitis? Siccine qui impositas fert clitel-  
 las tacet & onus vehit; qui imposuit,  
 miserum inclamat & stimulis fodicat?  
 Non illud in memoriam revocatis,  
 quam multis modis, quam anxie ejus  
 quem nunc tamquam cadaver abhorre-  
 tis, amorem exambieritis? Sed stultus  
 ego qui rationibus vobiscum velim age-  
 re. Bacchæ bacchanti si velis adversari,  
 ex insana infaniorum facies. Vestras res  
 vobis habete, & Valete.

*O fasti-  
 diosa.*

*Uxore mortua, Gusmanus Complutum proficiscitur, litteris operam daturus.*

*Grave  
pendus  
uxor.*

**A**Iunt, nescio quem in periculosa admodum maris tempestate deprehensum, jubente nauclero ut exonerandæ navi vectorum quisque quod gravissimum haberet, in mare projiceret, uxorem comitem arreptam præcipitasse, pulcherrimo dato jurejurando, nihil se gravius, nihil onerosius inter omnes suas sarcinas habuisse. Melior mea fuit fortuna, ut cui mors illam perpetuam crucem domesticam subtraxit. Credo equidem ideo illam mortuam, quod vivere non posset ut volebat. Quidquid hujus fecit, sane me non invito fecit. Eâ sepultâ, dos ad patrem rediit. unde totus quasi nudus ego restabam. nam etsi viva uxore ne digitulo quidem dotem attingere auderem; erat tamen aliquod quasi paupertatis nostræ velum. Vetus est, à stulto uno saxum levi motu impulsus è monte deturbari posse, quod postea ab omnibus sapientibus eodem reportari nequeat. Meam certe rem omnem una muliercula ita conturbaverat, ut ei restaurandæ novis

vis mihi cognatis, novis patruis, altera Genua, altero Mediolano, altero denique Sajavedra opus esset. Quanto tardius bona temporalia adveniunt, tanto celerius abeunt. cum tempore colliguntur; ex tempore disperguntur. Vicissitudini omnia sunt obnoxia. non securus sit dives? nec desperet pauper. Tam ad summa quam ad ima Fortunæ rota vertitur. Vidi ego uxoris meæ luxu omnem meam domum brevi exhaustam: potuisset tamen illa post mortem suam meis rationibus aliquo modo consulere, si partem aliquam dotis mihi legasset. Sed tam hic quam aliis in rebus non illa solum sed ipsa quoque Fortuna male mihi volebat. in solis furtis & melesiciis infelicitèr felix eram. Et hæc quidem diaboli est malitia. Favet faventibus, & facilem viam ad peccata sternit: sed ad summum productos præcipitat. Longe aliter Deus nobiscum agit, nullum malum immitens cui non boni aliquid conjunctum sit. Per angustos & salebrosos tramites nos ducit ad latissimum lætissimumque gloriæ & veræ lætitiæ campum. Calamitatibus circumventi, à Deo nos desertos arbitramur. Absistit quidem ille aliquantulum, nuspiam à nobis discedit; tamquam pater filiolum nondum firmis

mis pedibus gradi sinens : ubi lapsabundum viderit , mox in auxilium accursurus. Memini Madriti puerum me vidisse, supra ætatem sapientem. Educabatur hic non quidem à matre sua, sed à nobili femina , quæ fere plusquam materno amore puerum complectebatur. Natus erat Granatæ , ubi uvularum quoddam genus est quod Corinthium appellant , *Iavies* vulgo , quibus ille esitandis erat assuefactus. Eas quum sæpe frustra poposcisset , matrona vero nullas esse respondisset ; alias videns , non tam delicatas illas quidem , sapidas tamen , Ergo , ait , mea mater , da mihi de majusculis illis. nam & hæc esito. Idem mihi accidit. Delicate hætenus vixi. nunc quidvis palato meo boni consulendum erat. Sed illud optimum erat, quod jam omnibus assuefactus essem. O quam bonum condimentum est fames! Apage istos homines, qui ubi quid palato, non dico ventriculo (hujus enim pluris inter est ) minus gratum comederint , ægrescunt statim & Medicorum pharmacopolarumque auxilia accersunt. nihil tale mihi accidit. ventriculo meo nihil male faciebat nisi quod in eum non descenderat. Quam multos ego vidi, dum opibus florent ad omnem fere cibum nauscentes, eosdem accisis  
opi-

opibus, tantum non glandibus & sili-  
quis jucundè vescentes ! Nimirum usus  
facit artem, ajebat nescio quis, terebro  
bovem excorians. Quum non esset unde  
viverem, ( pleraque enim supellestilia  
vivente uxore erant vendita, & dos ad  
socerum redierat ) ædes meis sumtibus  
ædificatas vendere constitui, earum-  
que precium litterarum studiis impen-  
dere : tanto magis quod jam olim prin-  
cipiis imbutus, mihi licet transfugæ,  
semper tamen perocium ad Musarum  
castra respicienti, facilem velut post-  
liminiarem receptum pollicebar. Et ita  
quidem rationes inicram, ut nisi exorbi-  
tarem, ædium precium in multorum  
annorum mihi sumtus sufficeret. Emto-  
re invento, adeo magistratum, tabulas  
fieripeto. Sed ô Deus bone, quæ ibi  
tricæ ! Jam soli à quo emeram dominus  
litem mihi movebat : ajens, è reservato  
sibi annuo redditu mille & quingentos  
deberi Regales. Absurdum id mihi &  
ab omni ratione & justitia alienum vi-  
debatur. Sed quid facerem ? Quum ir-  
ritum fieri nollem contractum, & ne-  
cessitatibus meis necessarium esset re-  
medium, solvi quod poposcerat, so-  
lemniter tamen ( cum mendicitate ejusdem  
privilegii ) Protestationis interposita  
formula. Confectis quos poteram nu-  
mis,

*Iniqui-  
tas in  
contra-  
ctibus.*

mis, virum adeo Religiosum, eique animi mei mentem aperio. unde ille captata occasione, hæc præcepta mihi tradidit.

Mi fili, ex propria confessione longe à vero & recto te deviare facile intelligo. *Memento creatoris tui in diebus juventutis tuæ.* Verba hæc sunt Sapientis, qui idem his verbis floridæ ætatis homines monet: *Lætare adolescens in juventute tua, & scito quod pro omnibus his adducet te Deus in judicium.* Et certe non fæx, sed flos ætatis Deo debetur. Ecquid enim? Quis est cui exploratum sit se ad vesperam usque victurum? *Omnes morimur, & quasi aquæ dilabimur quæ non revertuntur.* Quidquid super terram, in terra & subtus terram est, mortis sunt instrumenta: quæ quandocumque venerit, coram illo te sistet tribunali à quo non datur provocatio. *Memorare novissima, & in æternum non peccabis.* Inprimis illud vide, ne ad quævis habili tuo abutaris ingenio, sed quantum quantum est, bonarum litterarum applices studiis. *Ocium fuge, pulvinar Sathanæ.* Bonis te adjunge: & bonus censeberis. Vitato quibus nigra est cauda. Tempus omnibus rebus preciosius, & male impensum puta quod litteris aut virtuti non impenditur, &c.

Hæc



Hæc aliaque multa (quorum, ut ve- Non  
 rum fateor statim digressum me cepit mutat  
 oblivio) inculcanti, promitto frugi me pellem  
 futurum, omniaque diligenter observa- Æthi-  
 turum. Socerum quoque odii: sed ille ops.  
 nullis nisi quæ ad rem faciendam specta-  
 rent præceptis me instruxit. Quum ta-  
 men collybo seu cambio opus mihi esse  
 intelligeret, ita mecum egit ac si omni-  
 um mearum fortunarum reliquiis me  
 evertere, easque ad se derivare statuisset.

## CAPUT XXII.

*Quæ sibi Compluti acciderint  
 narat Gusmanus.*

COMPLUTUM quum venissem, etsi rei  
 familiaris administrandæ jam essem  
 peritus, non ignarus tamen quantum  
 tædii, ac sæpe damni, domesticæ adfer-  
 rent curæ: certo precio mensam mihi  
 apud Magistrum quemdam plures alen-  
 tem Studiosos, destinavi: ex eo inquam,  
 hominum genere, quibus in mensæ  
 assidentibus capite, cibos spurcis digi-  
 tis & unguibus truncatos inter commen-  
 sales distribuere mos & jus est. O quæ  
 ego tum vidi! quæ passus sum!

Carnes illæ tamquam glomum è pa- Studio-  
 tina suis struthiocameli quam hominis sorum  
 simi- u ita.

sed non bonum. Quid ego de Quadragesima dicam, aut aliis esurialibus diebus? Jure sane esuriales appellare poteramus; quibus etsi aliàs quoque, tum tamen præcipue esuriendum erat. Atque utinam potus saltem bonus fuisset, vinum non vinum erat, sed vappa, immò lorum. Tanta vero celeritate tam prandia quam cenæ peragebantur, ut Judæi numquam majori suum pascha manducârint. Vix Magister *Oculi omnium* oraverat, ecce statim *Gratias agimus* intonat. Memini quemdam commensaliùm quum serius aliquanto ad prandium venisset, & interim dum vestes deponit (æstas enim erat) Magistrum audiret verba gratiarum actionis præeuntem, manu mensam pulsans, Agant, inquit, gratias quibus commodum est: mihi nondum commodum est. neque enim adhuc scio pro qua re gratias agere debeam. Allegabat ille ex M. Aurelii (credo ego, Antonii Guevaræ) nescio quibus libris, rudes & agrestes homines rationes cum debitoribus & creditoribus, non cum stomacho seu ventre ponere. Solos sapientes à multo abhorrere cibo: ut tanto alacriores sint ad studia. Pinguedinem porcis convenire & equis, maciem hominibus: qui quanto obesiores sint corpore, tanto hebetiores sint intellectu. nec ad cor-

*Mira  
abstinentia  
in victu  
persuasio.*

poris exercitia prodesse, sed obesse potius obesitatem, &c. vulgari denique illo dicto omnem suam disputationem clau-  
debat; *Plenus venter non studet libenter.* Assentiebar ego talia differenti, ne ille mihi negaret quod multo est verius, Exigu-  
um scilicet & malum cibum morbo-  
rum esse seminarium. O quam molestus interpellator est venter famelicus! quem frustra verbis coneris pascere. caret auri-  
bus. Tam in hac quam omnibus aliis re-  
bus medium tenent beati. Ex præcepto  
Ciceroniani Catonis, Tantum cibi & po-  
tionis adhibendum ut recreentur vires,  
non opprimantur. Noveram ego contu-  
berniorum illorum mores. sed & illud  
cogitanti, quid dicturi sint homines si me  
videant hirco barbatiorem & tam ma-  
gnum asinum puerorum gregi immistū.  
sati-  
us videbatur, proprium conducere  
cubiculum, & mea quadra vivere. sed &  
mox hoc quoque displicebar consilium,  
verenti ne hæc ipsa libertas ad priora re-  
labendi flagitia occasionem suppeditaret.  
Dedi ergo me in tale contubernium, in  
quo ceteris omnibus curis liber, solis lit-  
teris totus vacare possem: tanto minori  
cum verecundia, quod nonnulli in eo  
essent ætate mihi non valde impares: ma-  
gni parvis, ut pisis viciæ, permisti. Ne ve-  
ro fame mihi percundum esset, commu-  
nis

nis mensæ defectum privato supplebam penū, ipso quoque Magistro non invito: qui quotiescumq; à nobis ad convivandum averferetur, posito Magistrali supercilio, cibum nostrum non aspernabatur.

Jam totam fere encyclopædiam absolveram, tam jucundam interim vitam degens, ut peream si umquam jucundius me vixisse meminerim. Ubi, quæso, major est libertas? ubi major quies? ubi tam honestæ voluptates, tamque utilia animi ac corporis exercitia, tam laudabiles recreationes? ubi tam amicæ concertationes? ubi disputationes tam acutæ? Sed *Studiorum errores.* ehei! quam multi & patrimonii & ipso tempore, cujus jactura est irreparabilis, ad res malas abutuntur! Hinc quidam non tam libris quam liberis dant operam: non tam Apollinē & Musas, quam Bacchum, Cererem & Venerem colunt. Sed quæ alii faciant narrare mihi nec animus est nec ocium. quid mihi acciderit dicam.

Quum die quodam sudo ac sereno *Occasio facie fuerem.* admodum cœlo invitante, animi causa deambulatum prodixsem, forte video lepidissimam tam feminarum quam puel-  
larum turbam ad ripam fluvii sub pandæ cujusdam arboris umbra recubantium, & explicato quem secum attulerant penū, genio indulgentium. erat verò vidua, tribus comitata filiabus, quarū major natu

Gratia vocabatur ; quibus aliæ aliquot puellæ sese adjunxerant, venustæ omnes: inter quas tamen Gratia illa tamquam sol inter stellas elucere mihi videbatur. accedo pudenter admodum. invitor ab omnibus humanissime, ut qui per totam civitatem tam doctrinæ quàm divitiarum opinione, notus essem ; ac licet aliquantum tergiversarer , expugnari tandem me patior, & ipsi illi Gratiæ adsideo.

*Ut vidi, ut perii, ut me malus abstulit error.*

*Formosa  
descri-  
psit.*

Quid formam ejus commendem ? Frons nec lata nec tenuis, oculi nigerrimi, & fixiori obtutu natantes quasi & liquecentes, crines summa sui parte aureoli, sed infra ad superciliorum accedentes colorem. facies exquisiti candoris : è quo rubor virginalis ille genarum pictor tenuiter elucebat. os angustum: quod rubente utrimque labellorum purpura distinctum, dentium candor quoque plurimum commendabat. totum corpusculum vescum, solidum & succi plenum. Papillæ modico orbe cohibitæ, instar marmoris consistentes : quas sororiantes tenui carbasso illa leviter obduxerat. Quid multa ? Veneris myrothecium, & leporum atque elegantiarum omnium meram dixisses effigiem. Procedente convivio, fides illa sumit, vocemque simul explicat, tam scite, tam suaviter, ut ipsas feras, immò

immò arbores quoque & saxa, quod de Orpheo dicunt, movere posset atque illicere. Me quidem illa ita rapuit, ut totus *Arida mentes facile in-* quasi extra me essem positus, ac licet non *flam-* semel alloqui eam mihi esset animus, *mantur.* in ipsis tamen labiis Amor mihi verba velut suffurabatur. Nocte appetente, consurgimus. & ego quidem Gratiam mea manu amplexus, ad matris domum deduco. Ubi illa affectum meum *Paella-* simul & pudorem animadvertit, de indu- *res asstu-* stria nescio an fortuito, pedem ad lapidem impingit. Pronam ad lapsum excipio, & tenacius brachiis adstrictam erigo: osculum interim clam dum ita corpora combinamus, suffuror. manum inde ejus & digitos artiuscule stringo. ad quod illa subridens, Stringe, inquit, utcumque velis, nullum certe hinc succum expresse-  
 ris. Jam multo lentiore illa, lassitudinem simulans, incedebat gradu, ita ut totus comitatus nos à tergo reliquerit: unde liberius loquendi nactus occasionem, amorem ei meum aperio. sed pessima risu tantum ineptias meas prosequabatur. Erat mater ejus mulier astuta admodum. Generos ipsa, filiaë maritos quærebant. nec illi nec his ego displicebam. eoque facilis mihi in domum earum permittebatur aditus. Introductus in sellam considere & paullum quiescere jubeor. erat vero

ipsum cubiculum eleganter satis apparatus-  
tum, & omnis generis supellectili in-  
structum. Mox è cista promit mater man-  
tile candidum, filiarum una è cella hau-  
stum vini; altera è penu scutellam uvis  
passis plenam adfert. sed utinam quis tum  
mihi è Lethe fluvio aquam apportasset,  
quæ ignis cor mihi amburentis flammam  
extinxisset! Discedens, pro singulari co-  
mitate qua me & foris & domi exceperât,  
gratias ago maximas: rogans, ut eodē me  
in posterum favore dignarentur, & pro-  
pediem redeuntē non repellerent. Ajunt  
illæ, meæ humanitati se multum debere.  
redirē quam audacter, re ipsa non ingratas  
expectaturum. Sic discessi, & non discessi.  
Animum enim ibi reliqui, à me ipso fu-  
gentem. Ah quam misera illa mihi nox  
fuit! E quanta tranquillitate subito in  
maximam tempestatem sum coniectus!  
Scholas adibam: sed sine animo. ille enim  
ubi dixi remanserat. Edebam, bibebam,  
sine ullo sapore. mirabantur contuberna-  
les. clanculum inter se mussabant, quid  
mihi accidisset solliciti. nescio quem  
morbum suspicabantur: sed respondi ego,  
nullo me corporis teneri morbo; animum  
tantum nescio quid præ sagire mali. Aje-  
bant illi, melancholicis me agitari humo-  
ribus. recte facturum si pharmacis (& hic  
quidem hoc, alius aliud describebat) cor-  
pus

*Tibi  
imputa.*



pus expurgarem. Lecto quum incubuissem, pronus os & oculos in pulvinum abscondo, ne gemitus mei & suspiria contubernali exaudirentur. lacrymis etiam mœrorem aliquo modo egerebam. Illud quidem tum expertus sum, nullum prodesse exercitium quod non continuetur. Ut enim si situlam ad summum putei os perduxeris, ac funem vel paullum è manu amiseris, it situla & omnis labor ad vanum rēdit; & vestis etiamsi ceteris partibus bene consuta sit, in extremo tamen filum nullo nodo adstrictū hæreat, paulatim tota dissuitur: sic litterarii conatus nisi strenue & sine interjectione urgeantur, infructuosi tandem evadunt.

Me miserum! sicine unius horæ neglecta lectio omnem studiorum meorum cursum sufflaminavit, stitit, interruptit! O infelix nimium ambulatiuncula, quantum perniciem, calamitatem, vastitatem studiis meis attulisti! Verum ita est. facile arida spongia ignem concipit; madens, numquam, non erat vero Dei timore imbutum cor meum, sed in vanis rebus penitus defixum. Quid mirum ergo quod tam facile seducendum se præbuit? immo suam perniciem ultrò quæsit. Non jam ego de schola, non de lectionibus audiendis cogitabam. unum illud meam mentem, meas cogitationes, meas

*Timor  
Dei uni-  
cam vi-  
tiorum  
amule-  
tum.*



fio. Atque utinam nihil amplius restaret! Sed

*Quacunque trahit fortuna, sequamur.*

Injuriam tibi facio (aut forte non, quia nihil es) Fortuna. non tu me, sed mea me cupiditas & voluntas traxit.

### C A P U T XXIII.

*De Amore pauca disserit Gufmanus.*

*Cum uxore Compluto Madritum migrat.*

VIden' tu me priusquam in Theologia studio Baccalaureus fierem, jam in Amoris schola Magistrum factum! ut Doctorem quoque agnoscas, paucis quid in schola illa didicerim, quid expertus sim explicabo. Rogas me quid amor sit? Cum Epicteto respondeo: *Ocio- Amor*  
*si pectoris molestia: in puero pudor, in femina quid.*  
*furor, in juvene ardor, in sene ludibrium, in*  
*derisore delicti nequitia.* Etymologiam quæris. audi illum?

*Hei! qui dixit, Amor, melius dixisset, Amaror.*

*Si bene novisset quam sit amarus Amor.*

Amor, stultorum est carcer; mater ejus, ocium; nutrix, voluntas; cibus, fumus; potus, lacrymæ; quies, discursatio; somnus, somnia aut insomnia; voluptas; dolor. Per oculos venenum ipsi cordi infundit. hospes est qui facilius

*Qualis.**Ejus  
origo.**Remedium.*

non admittitur quam ejicitur. Puer est intellectu ; senex, delirio. Filius est, nec parentibus parcens ; pater, male filios tractans. Deus fingitur , sed immisericors. inimicus occultus, fictus amicus. Tiresia cæcior, debilis ad miseras & labores, fortis tamen ut mors. Legem non habet, non sequitur rationem ducem, impatiens, suspicax, ultionis cupidus , gratus denique & jucundus tyrannus. Alia ejus elogia non addo. Sed ô felicem, qui tanto potest tyranno resistere ! quum tyrannum dico, cupiditatem intelligo, qua nullus homini capitalior est hostis, nullus superatu difficilior. Causa est, quod rationem recta monstrantem cupiditas carni jucunda suggerens sæpe sæpius opprimit & vincit. Pueros imitamur , qui Magistri objurgationes & imperium non ferentes, è schola ad avorum aut cognatorum ædes profugiunt, ubi sciunt delicate se tractandos, & mellitis crustulis demulcendos. Rationem audire nolumus bona præcipientem ; cupiditatem ultro sequimur , mala suadentem. Hæc scilicet primi illius peccati labes est & contagio , ad posteros omnes propagata : cui caro suo ancillatur obsequio. Ad amorem quod attinet , Delphico verius est oraculum :

*Ocia si tollas, periere Cupidinis arcus :*

*Sed satis philosophatum. Jam secundam*

dam ego uxorem duxi: vos bona verba dicite, bene ominamini. Principia certe læta se dant. sed quomodo finis bonus esse possit, quem bonum initio mihi non proposueram? Finis conjugii primarius esse debet Dei gloria & humani generis propagatio; ego vero nullum alium habebam scopum quam ut cupiditates meas explerem. Clausis oculis quacumque illæ me ducerent sequebar. nec Veritatem audiebam, quæ nonnumquam mihi insusurrabat: Tu quidem id agis, ut uxorem ducas juvenculam, lepidam, venustam. ad id quoque procurare debes ut talem serves: ne quæ tua fuit, alijs deinde fiat communis. Malo utebar Consultore, in ipso scilicet: & ardentissime meum ipsius malum expetebam. Fascinaverat mihi oculos & ipsum cor natus ille tam formæ quam morum lepor, quem in Gratia mea plerique laudabant, ego vero tantum non adorabam. Vulgo dici solet, qui socrum non habent, maximi boni expertes esse. Novi ipse quosdam qui hoc negaturi sint; immo qui domesticam crucem & calamitatem socrum putent. Sed forte hæc ipsoꝝ culpa est, forte non est. Me quidem socrus mea non aliter atque ex se natum filium tractabat, id unice agens ut bene mihi & commode esset. Uxor mea exiguæ dotis sibi conscia, cristas attollere non audebat.

*Dos fa-  
stiosa.*

& quia juvencula erat, facile eam ad voluntatem meam flexi & accommodavi. Cognati me ut superiorem reverebantur, meaque affinitate gloriabantur. Qui impares tam dote, quam genere ducunt uxores, eis obtruduntur domini quibus serviant, iudices quos timeant, Principes quibus tributum solvant. Dispar mea erat conditio. Tributaria mihi erat focrus; uxor, subdita; affines, servi. nihil aliud mihi curæ erat quam edere, bibere, dormire. Sibaritarum vivebam more. Quanto peior est voluntas nostra Circe illâ venefica! Hæc quidem homines in bestias transformasse dicitur, salvo tamen intellectu. at voluntas nobis humanam formam non adimit; adimit rationem: sine qua deteriores sumus bestiis. Sed ehei! Dum sic felicitati meæ (ita videbatur) indormio: ecce Fortunam, effractis foribus magno impetu in me irruentem. O Fors fortuna, ut numquam perpetuò es bona! Gaudentem, mæror à tergo sequitur; ridentem, fletus. Me quidem, immo non me tantum, sed totam meam domum, focrum, uxore, ut subito destituisi! ut omnia nobis commoda misere intervertisti!

*Rerum  
vicissitu-  
do.*

*Cauponis  
mores.*

Fuerat uxoris meæ pater, ut ab aliis accepi, ceteroqui vir bonus, sed caupo, eo-  
que lætiori vitæ & lautiori victui adsue-  
tus. An ceteras virtutes quæ cauponem de-

decent habuerit, nescio: hoc scio plus debitorum quā creditorum reliquisse. Aiebat quidem socrus mea, amici cujusdam culpa tam gravi ære alieno obstrictum fuisse, à quo nescio quarum decimarum reditu fuerit defraudatus. Alii dicebant, hordeum & avenam quæ hospitum jumentis debuerat præbere, à stabulariis surreptum precium domui quam ædificarat, impendisse. nec mirum, male parta male dilapsa. Innocentiam vero boni viri ipsa tuebatur paupertas. Fundus calamitatis nostræ venter fuit, cui ille plus æquo serviebat. Sed an ille tantum? Immo plerique. Hispali olim novi quemdam, qui describendis quibuscumq; rebus, præsertim vero contractibus & rationibus mercatorum victum sibi quærebat. Ejus operam quum aliquando domi conduxissem, ille vero à prandio tardè admodum rediret, rogo moræ causam. Aiebat, hospitium in quo prandisset longiuscule esse dissitum. Ego hominem pannosum, caligis laceris & deformi admodum centunculo male involutum potius quam amictum videns, rogo cur non in proximo aliquo diversorio cibum sumsisset. Ait, nullū esse in quo sibi præberentur ea quibus assuetus esset. Hinc curiosius percontor, quibus cibus assuetus esset. Respondet, Pauperē se esse hominem, edere id quod labo-

labore suo lucretur, & in diem vivere: quanto plus lucretur, tanto majores in victū sumptus facere. Eo in hospitio quod familiare sibi habeat, præberi sibi libram unam carnis vervecinæ elixæ, deinde alteram vitulinæ affatæ, apposito embammate è ruta & saccharo confectò. Hoc cibi genus hiberno tempore sibi usitatum: æstate vero gallinam, gallum castratum, par columbarum aut tale aliquid eorum animalium quæ parva habent ossicula, sibi sufficere. Sed ad catastrophē venio. Mortuo socero meo, (quod fuit nō multo ante nuptias meas) ubi jam dies solutioni debitorū deputatus transisset, catervatim in ædes nostras irruunt creditores: arripit quisque quod proximum inveniebat: reserantur cistæ, vestes, lecti, spondæ, mensæ, scamna, adeoque supellex omnis asportatur. non parum sane metuebam, ne me quoq; & uxorem unà asportarent.

Sic ex ædibus extrusi, in vicini domum nos recepimus, tamquam ii qui è naufragio in litus evadunt. Apprehendunt creditores domus possessionem; elocant. opponit se socrus mea: jusque suum ita demonstrat ut prætoris ope statim fuerit restituta. Sed ad quid ædes in quibus tibi fame pereundū sit? Quum res omnis perisset, spes mihi aliqua supererat è litterarum subsidiis. Medicinæ ergo animum appli-

applico, una littera plus quam Medicus. ut vero sumptus quotidiani suppeterent, quidvis perferre patique decreveram. Socru cauponariam rursus exercente, ventirabant ad nos. multi comatuli adolescentes, Veneri nepotuli, non tam boni vini quā Veneris meæ causa. Sentiebam ego facile insidias. sed dissimulabam. immò ne molestus essem arbiter, varia mihi fingebam negocia. Miserum me & infelicē, qui infamia victum redimerē. Jam uxor mea tam mite & mansuetum animal me videns, & adunco naso suspendens, palam quasi cornua fronti meæ imponebat. Jam honor & existimatio mea pessum dabatur: jam vulgo eram fabula. sed audiens, surdus; videns, cæcus eram. sic venter suadebat. Noveram ego quæ in magnis urbibus, ac præsertim in Aulis solent fieri. Quam multi sunt quorum omnes reditus in forma mulieris consistunt! Sed ô abjectissimum hominū genus! Itane vestrum ipsi honorem prostituitis, quod charissimum vobis esse debebat prostituendo? Me quidem nonnumquam zelotypia vehementer cruciabat, præsertim si quando nihil tali cogitanti scrupulus injiceretur. Quum aliquando in cubiculum ingressus nescio quē cum uxore caput collimantē vidissem, & iram dissimulare non possem, indignabundus erupi, & cum magno strepitu

*Suarum  
uxorum  
lenones.*

● for-  
eem!

pitu ostium post me attraxi, ut facile illi iratum me potuerint animadvertere: sic pulcre me & generose ultus. Sed jam vasa colligo, & Madritū proficiscor: non ulla spe magni alicujus honoris adipiscendi, sed lucri faciendi causa. Etsi enim non eram negociator, apportabam tamē ejusmodi mercimonium, ex quo præsens lucrum paratum mihi non dubitabam. Res nostras mediocri capsulæ inclusas carro impono: eique cum uxore insidens, Madritum pervenio, sic rationes in via mecum putans: In regia illa urbe domum conducam commodo loco sitam, sex aut septem hospitem capax, à quibus tantum mihi lucri redibit quantum ad sumtus quotidianos sufficit. Iis artibus ego instructus sum ut cuiusvis negotio par sim: foris sollicitus, domi patiens. Ubi re aucta, votorum meorum summam consequutus fuero, majoribus me applicabo occupationibus: quinetiam ita dexteritatis meæ lumē ostendam, ut forte ipse Rex ministerium meum sit expetiturus. Erat vero uxor mea eleganter satis vestita: omnis ejus reliquus mundus cithara erat; non inutile rebus nostris instrumentum.

Sed exspectas forte ut narrem quæ mihi Madriti evenerint? Narrabo tum quum mortem meam ipse narrabo. *Nunc Valete & Plaudite. Calliopius recensui.*

F I N I S.

VA1 453 2574